


22-6512
4432-066
:10



Kodak Color Control Patches



蘇州府志卷第二十五

學校二

吳縣學在縣治西南宋景祐初設始在舊縣治東南

皇廟基

紹定元年知縣趙善瀚移建賓興坊貢院南講堂曰明倫四

齋曰登賢升俊育德尚志憲使林介撥公田贍之嘉熙四年

知縣魏廷玉主學孔煜重修淳祐七年知縣趙汝澄

一作澄
或作社

又修建采芹亭風雩壇元至正九年達魯花赤馬祖憲新殿

堂齋舍更塑

宣聖四配像繪從祀先賢於兩廡之壁十九年縣尹張經爲櫺

星石門二十四年縣尹楊彝又修之明洪武二年知縣曹文

4223714

綱修姜漸記五年知府魏觀闢射圃建觀德亭宣德九年巡撫侍郎周忱知府况鍾奏遷今地王志昇平橋東偽司徒李伯昇故宅視舊四

倍以廣通為屋二百三十餘楹宏治十年知縣鄭璠徙學門

使直移校官宅於後圃購民居拓學前地鑿泮池為石梁又

於學東拓地為射圃作觀射亭王鏊正德元年知縣劉恆相

地勢填平泮池移門稍東偏折旋以入又葺明倫堂及兩齋

饌堂皆如制表綽楔於廟前曰儒宗林符二年又構屋二十

四間於學外為外號以待士之攜家來學者自為嘉靖元年

知縣劉輔宜修劉纓四年巡撫都御史吳廷舉檄知府胡纘

宗知縣楊叔器盡撤舊構而新之改儒宗坊為狀元又跨街

立會元解元二坊六年知縣蘇祐竟其役二十年知縣張道

移啟聖祠於廟門東朱希又改狀元坊曰首邦文獻東曰仰

聖西曰興賢二十六年知縣宋儀望三十九年知縣曹自守

四十五年知縣魏體明迭有修葺萬曆九年知縣傅光宅重

建尊經閣修廟廡堂署楊成二十八年知縣孟習孔二十九

年推官署縣事鄭郭踵修巡撫都御史曹時聘巡按御史何

熊祥知府朱燮元皆有助申時三十二年知縣曾汝召移首

邦文獻坊置縣治前四十三年知縣周爾發修崇禎元年知

縣陳文瑞修復奸民侵地浚內外河申用九年知縣楊雲鶴

教諭計鴻勳出贖緩繕葺重建啟聖祠李模十四年廟梁壞

知縣牛若麟修

鄭敷教若麟各有記

本朝順治十一年教諭夏鼎率

諸生金之鉉等白諸憲使復奸民侵地康熙六年布政使佟

彭年倡修二十年邑人侍講繆彤修廟殿封學士朱嘉遇修

戟門兩廡知縣劉滋修櫺星門東西二坊教諭王晉修啟聖

祠訓導王輅修儀門太學生王聖傳修大門諸生輸助修明

倫堂二十四年巡撫都御史湯斌復建尊經閣四十年巡撫

都御史宋犖重修雍正九年巡撫都御史尹繼善覈民役之

雜處齋廊者遷之釐正基址大修廟學煥然一新嘉慶十七

年巡撫朱理重修

宋施清臣修學記

天地以理而會天理以學而明若稽隆古由內達外畿服皆

學所以扶植三極而為降衷之宗主也周備之我宋繼之國
 於東南三輔之邦倚郭分學惟吳有之吳學肇端於景祐初
 自後兩邑皆附郡泮吳最壯縣臺府鼎屹賦輿租簿急符終
 訟文書程上者日有千緒雖強敏者救過不贍奚暇以教養
 為急寶慶丙戌永嘉趙侯整勞夷類材請老練細大畢張一
 日謀荆蠻舍選寬卜勝賓興坊之近城有勳府遺業買之良
 稱置楸相址層峰峙西津流亘東貢闈都左客館規右豁然
 形勢之環合是時飛廉振林交偃虞麓杉松杞梓不索駢獻
 自尚匠至崇成役匪淹期為廣廈四十餘楹外聯四齋中嚴
 一殿崇祀有像講習有堂遊息有亭凡什器備焉實紹定初
 元也其間以庠養士以田制食司憲林公介先撥公產五百
 餘石繡衣吳公淵守符鄒公應博續增一百餘石前美後裕
 輔教思不窮之良圖又閱十有六歲嘉熙庚子宛陵魏侯屬
 意學事支傾風雨之漂搖提綱歲月之湮墜鳩田畝於鐫刻
 汰浮沈於窟名有養必有教先是隸之佐廳吏借影私長屬
 不相誰何遂更鄉官舍選為之範模里彥文行為之領袖潤
 色縝密士皆德之昔嘗謁記辭不敢為今謂礪石久矣無文
 何以詔往汜不容己輒為之言體具則憑藉牢慮遠則植立
 耐乃經營是學者也志續則其用新獎隄則其傳壽乃維持
 是學者也原民生而俾返民生之懿秉寓有司而不負有司

之法度乃訓迪是學者也趙侯剪萊築宮置犁供粒百須均
 足以爲善教之地經營固難而維持亦未易魏侯值多艱之
 時倥偬不給由後紹前所以扶植教法者心心昭契絕出債
 視償邑之見兩侯致力於學者豈容羣居諸子始以舖啜而
 來後以利祿而計要當造伊洛下學上達之妙充朱張切問
 近思之端訓朝迪夕希聖齊賢倘或外驚辭溺彫浮過眼風
 花之不留好鑽虛詭旋踵霜管之非實苟而已矣孟軻氏云
 人倫明於上小民親於下卽理也豈不與天地並哉趙侯善
 瀚王戎進士遺愛去思魏侯廷玉輔政世家載美相濟新池
 陽校官孔君煜壁海前廊今主教席淳祐三年立夏日

王極修學記

姑蘇六邑吳長洲俱附於郡襟山帶湖地不肥衍而多秀民
 歲大比登名貢籍者率爲六邑最蓋士貧則務本而好學理
 固然也吳舊無學宮紹定初改宰邑者因歲可支始度西城
 之隅貢闈之右創爲廟宇齋廡備具閱時既久棟撓墻頽過
 者弗肅淳祐七禩會稽趙公實來祇謁於庭惕然加想顧而
 歎曰昔賢所館雖一日必葺其牆屋去之如始至況政化所
 自出庸可後乎於是畚築爲垣墉六十餘丈外內旣限徐僦
 工聚材爰葺爰址由廟殿而爲門爲軒由講堂而爲廊爲序
 爲庫庾傳廚凡棟楹梁桷之腐黑撓折葢瓦級輒之破缺漫

漑者皆除治而更新之廟序森列有嚴有翼又以餘力造祭
 服祭器齋庖牀幃百用具備不三月而辦士之占籍者正業
 有所周旋有序游斯息斯咸服公教旣乃躬率執事弟子員
 典器用修行釋奠禮竣事合辭來請於極願述歲月以紀公
 績極學術荒陋曷克承諸君之命然思自端本之學微功利
 之說勝世之從事者方以操切爲術以急功趨利爲能奉符
 執牘若不暇給視政化所自出如孟子談仁義於戰國鮮不
 謂迂濶於事有賢令尹能卓然與世異嗜倦倦乎此是知政
 所先後非予所喜聞而樂道哉古之長民教爲先故家有塾
 黨有庠遂有序國有學考之周制五百家爲黨二千五百家
 爲遂則古之遂猶今之邑是通天下皆有學猶以爲未也上
 而天子又立四代之學外而諸侯亦立時王之學誠以六德
 六行不可一日不存於人心故也士志於學皆知樂事而勸
 功尊君而親上逮周之季分位日替而禮義之俗能扶國脈
 於長久推其由來根本在是然則崇教美俗爲政先務謂之
 曰迂可乎哉趙公名汝祉安化郡王之曾孫好善而裕於才
 肆邑三年政尙安靜是役也費緡錢萬七千有奇皆出於廉
 用積餘故功成而民不知是尤可紀者淳祐十年三月
 元干文傳修學記

爲政所最急學校是也自泮宮修而頌聲作絃歌聞而道化

行其來已久昧者顧以錢穀獄訟期會簿書為先務吁抑未
 矣初姑蘇凡六邑吳長洲附於郡故邑士之占籍者亦附郡
 庠宋紹定初知吳縣趙君善瀚始建學於郡城之西越十有
 六禩魏君廷玉嘗葺治之內附以來未及百年屢修屢壞豈
 驛置肘其傍嚴城踵其後空曠幽閭勢不能支久耶抑泄土
 木之工者因陋而就簡耶至正七年六月縣達魯花赤馬侯
 祖憲至顧瞻徘徊慨然曰君子如欲化民成俗其必由學乎
 乃今茲廟貌侈剝牆屋隳圯則其教養之廢不問可知吾敢
 辭其責哉然未有承其事者明年春侯被檄出至秋乃還先
 是缺教諭而郡俾學錄侯如晦攝事遂以侯之意詢於諸儒
 有復於侯者曰當建學之初官昇田數百畝贖士率皆膏腴
 後之司出內者相與為奸欺削其租入之數以取賂於佃人
 謂之減額歲久弊滋所減殆半學計之不充以此誠以侯之
 賢明復之無難吾黨竊稍邑庠無補事功願以月給之糧輸
 公助不足可乎侯聞之喜首捐已奉為倡時縣尹成克祖丞
 文買閭議克合是歲秋乃命稽田籍復租額移有司徵之歲
 果倍入而宿弊遂除其寒士之老於文學者月給糧如故士
 皆悅服於是擲費蓄材若治私第九年春興事庀工選吏之
 練歷愿謹者董其役門廡殿堂齋舍庖庾悉更新之更搆文
 宣王四國公像繪從祀諸賢於兩廡復慈湖楊公祠於學之

西偏舊以溝渠未鑿水雨時至則潢潦浸淫庭廡閒乃後而
 深之甃以石其長百餘尋引注通津既又繚以周垣覆以陶
 瓦而宮牆岌然復以餘力為屋若干楹以居教官凡皆為經
 久計必堅必完視昔有加不期月工畢諸儒相謂曰侯之於
 學勤亦至矣因侯君而詣子請記予知馬侯久矣吳為東南
 望邑地大物眾素號劇繁侯優為之而能留情學校可謂知
 所先後且立社學一百三十餘積常平穀二千石門絕私謁
 庭無留訟有古循良吏風侯君不以權攝而怠若事是亦可
 嘉雖然學校修矣諸君之所以自修者宜何如予嘗忝教茲
 邑能無言乎昔人有陳其車馬印綬示諸生者以為稽古之
 力議者猶或非之科舉云乎哉孔子曰古之學者為己千萬
 世之格言也諸君其可不勉以答賢侯之美意眾曰唯侯字
 元章由胄監釋褐同知陳州以選授今官

鄭元祐學門銘

天下郡縣學莫盛於宋然其始亦由於中吳蓋范文正以宅
 建學延胡安定為師文教自此興焉若吳縣學按李宗諤圖
 經云文宣王廟在縣廨之東南今三皇廟故縣治也紹定初
 知縣趙善翰始建學於郡城西南之賓興坊去姑蘇驛不百
 步其廢置遷易槩可考矣宋之杭為行都中吳乃三輔地縣
 學宜大於鄰邑然負城西隅於地勢蓋甚迫窄更宋迄今累

加完葺至正十九年平江路總管周仁縣尹張經皆以興學
 為己任觀學外門日就廢壞乃始琢石為莛與楹上象日月
 堅緻聳隋翼以垣牆瑰麗宏敞稱其為子男學宮之門攝學
 事盧熊及學之士咸謂縣之有學久矣未有以石為門者
 非二侯致力興學不及是也遂為之銘曰吳邑有學由宋始
 完宋社既墟學宮則存維學有門聿嚴啟閉因陋就簡蓋已
 歷世郡守周侯近古遺愛張令佐侯民所共戴琢石莛楹新
 作學門石質如玉孚尹潤温木易森朽石堅斯久何莫由是
 以啟其蒞勒銘於茲豈特詆言來遊來歌永矢弗諼

陳基修學記

平江屬縣麗郡城者二皆有學而今三皇廟實宋景祐間吳
 縣學舊址也其徙今賓興坊廟序齋庖凡四十餘楹則紹定
 初知縣趙善瀚實改卜焉淳祐之際知縣趙汝澄更繕完之
 國朝混一郡縣通祀孔子而吳縣學至正七年達魯花赤馬
 祖憲嘗一修葺十九年縣尹張經斲石為櫺星門甚偉而廟
 學更十餘寒暑摧圮就壓槩未遑有植其仆而剔其蝨者茲
 縣尹楊侯甫下車即謁先聖環視內外慨然以振興為己任
 顧教席方虛而學廩告乏且久適鄉貢進士吳興莫孜客吳
 郡侯雅知其賢因折節以學事委之遭時多故民疲力役侯
 徒手於百廢之餘計未知所出聞謂孜曰吳民雖困頓勸以

義罔不用命賢父兄察侯意咸奮曰禮義可以為國侯不鄙
 夷吳民而欲以禮義畜之甚盛舉也范文正九世孫廷珍等
 率緡錢合五千有奇為修學費未幾靈巖住持淨標等謂徒
 日釋與儒雖異師然衣且食焉日與編氓竝以什一之賦徭
 於縣惟編氓不自愛其力以佐侯興學吾敢私愛其力乎亦
 輸若干緡助侯擇幹吏司出內侯治事畢輒至學親較百
 工情勤中為殿後為堂傍為廡為齋廬規制悉遵紹定之舊
 而以堅撤腐以直支傾材必貞工必良視馬侯所修或有閒
 矣其周之為宮牆履之為階除缺者補漏者覆隍阨者填使
 安夷使平丹堊漫德者飾而新從祀象剝落黯昧者更繪而
 神明之於是上棟下宇內垣外墉奠者從以嚴弊者完以好
 入其廟儼乎其容師生教養秩乎有序經始至正甲辰蜡月
 訖工明年九月侯率僚佐釋奠已集師生講六藝之文因歎
 曰吳為縣地方百里學宮與縣治俱麗郡城而士之散處山
 澤不得朝夕肄業於學者多矣乃呼其父兄而告曰吾欲俾
 若里有社有學有師以教若子弟可乎皆應曰諾居無
 何百里之內絃歌相聞口詩書而躬儒行者相屬於道鄰州
 吳江之民曰奚士龍聞而慕之割私田九十畝有奇歸學以
 繼廩稍於學校侯亦弗之拒也訓導鄧德基黃本疏其事請書
 於石吾聞學校廢興視守令之賢否此古今確論也承平以

來守若令不駿奔於期會則攘臂於賦斂鞠躬於簿書蓋八十年於此矣其不以文具視學校者幾何人及天下有變向之所謂駿奔攘臂鞠躬者卒莫知所以救之楊侯起家材掾一命縣長吏當百戰創痍之際視承平所不暇者若可以少緩而顧汲汲焉束帶詣學一呼響應而不端之徒鄰州之民至者恐後禮義之足以感人也若是是役也楊侯與丞鄭翀簿王造典史舒昉劉惟忠同心一德求學校之無與不可得已使長民者皆不以文具待學校而以禮義相先天下有不足平矣楊侯名彝字好德鄱陽人

明楊榮遷學記

吳為東南望邑儒學又一邑之望也或施教無所瞻仰不稱善為政然興學大役使勞費一出於民其得無怨咨乎求務殫厥心事底完美而不動聲色則難矣吳學舊在城西南賓興坊其地卑隘廟學皆簡陋旁逼軍營喧雜相接春夏水潦四集牆壁傾仆絃誦常輟郡縣之長貳暨師生往往致慨欲遷改而未有能當其任者宣德七年巡撫侍郎周忱偕知府況鍾同謁廟學嗟其不稱協謀更造得隙地於縣治西南視舊地廣四倍高爽平曠眾咸謂宜知府具其事於朝得旨復相與議曰役不可累民計郡諸倉歲積葦蓆得五十餘萬鬻米可五千餘石凡材石陶瓦之資匠作力役之需悉於取給

而一絲不擾於民復擇耆民王信許均美董其事經始於九年十月訖工於明年五月成功速而人不知勞享禮有殿講肆有堂藏書有閣宴休有亭以及門廡齋舍庖湍各以序列通為屋以間計之二百三十有餘材用堅而人不知費其既成也父老歎曰廟學不稱久矣一旦更新於數百年因循之後而不以病民葦蓆之積屢矣昔也不侵盜於吏胥今以之充鉅費何其善乎於是知縣吳復教諭李讓等走書求記予惟學校王政之首教化之源也我國家列聖相承興學育材六七十餘年於茲矣膠庠之盛振古未有是以絃歌詩誦之聲郁郁颯颯溢乎遐邇而賢材輩出裨贊鴻化亦莫不由良有司欽承德意以振作之至其改作有方若茲學之建尤不易得也來遊於斯者尚知力學求道篤志勵行期不負聖明造就作養之仁將必効用於時垂芳於後以為斯學之光則兩君子之殫心亦傳頌於無疆矣

吳寬修學記

蘇多屬縣惟吳之隸最古縣皆有學惟吳學之遷為近蓋學初偏於西城甚陋宣德乙卯周文襄公巡撫吳中與知府况侯始遷於今昇平橋東然人復以為有可改作者門偏而不直爾舊貫相仍皆未暇及會諸生言於巡按御史吳君一貫君以為宜知縣鄭侯璠曰此費固無難未幾規制端整徑亦

不迂而學益美矣侯又以師儒宅舍填塞門內而藏書閣後有菜圃復築而遷之學前舊有隙地獨缺其西南又購民居以廣之至於跨池作梁臨衢樹表凡所傾壞無不修治宏治丁巳春工既訖教諭李仁訓導甘澤率諸生來言曰願有記也自子家居二年見鄭侯為政精敏若修學特其一端耳惟今之人率以改作為勞民而以仍舊為省事者蓋出於魯人為長府之說也夫長府之制釋者以為藏貨財之所當時改作或病其卑隘而新之未可知者若然則以孔子所以是之也攘奪之患必不能免此閔子所以止之而孔子所以是之也如學校之設聚人才於斯明人倫於斯惟患居上者不知務耳蓋鼓舞振作使游息之士感動其心自有不能已於學者此正教養之機也吳君克持憲體固不妄舉事者而鄭侯作興之意尤足多云

楊循吉修學記

嘉靖癸未秋七月知吳縣楊侯叔器始至視學署教熊君欽具廟解弊漏狀以興作請方屬歲荒議協未舉又明年乙酉巡撫都御史吳公廷舉巡按御史朱公實昌先後臨觀乃下牒於府許以公帑從事知府胡公纘宗方崇儒右文亟贊其為於是楊侯嚴承三檄鳩庀惟謹以其年六月經始首作明倫堂崇廣視昔有加次為兩齋廊舍經閣重門皆踰舊又次

葺廟廡門屏靡不一新及像主繪飾丹碧煥如明年丙戌神人咸位而餘役未終五月楊侯擢御史去冬蘇侯又來代遂嗣為之其詠春之亭與石闌池螿皆理治又隄官舍之南澳三十丈皆以石及築後垣為護覆瓦而棖前悉未有丁亥八月訖工凡用錢八百緡有奇庶工眾力不與焉既舍菜學生黃紋等相與謀曰昔者堂構始興袁表秋試發解第一捷至咸頌興學開祥且功鉅宜書楊侯乃伐石請文厥事惟古鄉遂皆有學今之縣即古子男國也魯有泮宮宜亦皆然惟吳學創自周文襄公其久百年敝宜改為熊君之見審矣然非楊侯力主斯文而上之人與後賢始且終之則亦未易以為也然是役也機不一湊而功有所歸不既偉與夫禮貴報功樹立者不泯也將來於是俎豆焉以永昭羣公二侯泊熊君之德其誰曰不然乃作頌云維吳有邑泰伯是宗西南得朋奠此巽宮亦有顯廟以奏笙鏞匪聖罔師誦法敬恭如何歷歲滲雨馳風孰不縮章欲作靡舉工殷役大安是陋處有美楊侯來尹我邦承檄匪懈木石運扛歲星甫周堂舍具足高明赫麗執經川續乃閣斯義於陰之陸羅度典文其多千牘粵若元聖載煥其姿由堂及廡賢悉垂綏層門列戟告薦鴻不維茲駿功匪易其成閱禩踰百始紹前英嗣政孔良益光法程惠我東南教化流行凡百髦士來遊來升尚樂菁莪播

揚休 聲

先師廟

崇聖祠

名宦祠在 文廟東明嘉靖四年知縣楊叔器建今仍其地

祀漢縣令彭修宋教授胡瑗慈湖先生楊簡明知府況鍾徐

應召知縣葉錫雍泰蘇祐曹自守袁宏道 本朝總督傅臘

塔總漕郎廷極學政許汝霖邵嗣堯張榕端張泰交張元臣

余正健驛鹽道蔡琦知府陳鵬年 舊府志所載如此

按縣志名宦祠載有漢太守張霸第五倫都尉任延晉太守鄧攸內使袁山松梁太守何敬容都丞江革唐觀察使李德裕刺史蕭定王仲舒長洲令滕遂宋知府孫冕章岵王佐趙與篋通判徐奭明巡撫王恕海瑞周起元提學孫鼎陳選倪

元琪恤刑郎中孫燧知府姚善况鍾姚堂朱勝蔡國熙聶豹王儀徐讚孫成泰曹鳳林鶚沈萃楨推官袁可立長洲知縣

祁承煥嘉定知縣陳一元又康熙二十五年巡撫湯斌所增吳行人伍員唐巡撫狄仁傑轉運使韓滉刺史李栖筠白居易

易狄兼謨李紳後梁知府錢元璪宋知府滕宗諒通判李禹卿知府孫覺王觀莊徽胡松年李光蔣燦洪遵虞允文王遂

常懋文天祥張世傑元總管師朶乞列一名克恭明知府魏觀侍郎夏原吉巡撫周忱李秉彭韶倡鍾兵備凌義渠竝紳

儒汪琬等議增唐刺史劉禹錫宋判官司馬光知府汪應辰推官蕭燧通判賈公望知府周葵元總管道童明督學蕭鳴

鳳知府胡讚宗同知任環巡撫祁彪佳知府陳洪謚又國朝先後增入蘇州府知府徐應召蘇州同知師佐江寧巡撫

馬祐蘇州糧道方國棟長洲縣知縣李實江南巡撫周國佐江蘇巡撫湯斌江寧巡撫慕天顏江蘇布政司丁思孔江南

全省提督梁化鳳蘇州城守營遊擊趙宏印江寧巡撫宋學提江總督馬鳴珮蘇州知縣吳存仁江南學政張泰交兩江總

督范承勳江蘇學政余正健江南學政邵嗣堯江南學政張元臣江蘇布政司劉鼎康江南學政許汝霖江南學政張

端蘇州府知府梁穆蘇州督糧同知石文晟江南驛鹽道蔡

蘇州府志 卷之二十五 學校二 九

琦蘇州府知府陳鵬年江寧巡撫張伯行與舊府志互有異同今並錄於此以備查考

鄉賢祠在 文廟西明嘉靖四年知縣楊叔器建今仍其地

祀吳顧雍唐陸元朗宋朱長文范成大元俞炎周南周南老

明杜瓊楊翥尤安禮陳繼陳鎰陳祚文洪王鏊都穆楊昇陳

霽袁表陸師道陳濠袁洪愈袁尊尼申時行金應照毛文煒

袁年楊大滌申用懋申用明徐如珂繆國維周允昌周順昌

朱陞宣李志學顧其國毛維張過龍 本朝王節錢震狝席

本楨錢中諧張孝時席啟圖 舊府志所載如此

按縣志鄉賢祠載有商巫賢周季札漢角里先生周術龍邱
萇吳陸績晉張翰梁張曠陳張昭唐陸德明陸贄陸象先顧
少連張鎰麴信陵丁公著陸龜蒙宋程師孟陳之奇朱長文
滕茂實王蘋王葆李衡范成大龔明之胡元質衛涇元朱德

潤明楊翥吳訥陳祚陳鎰劉鉉葉盛韓雍吳寬文洪王鏊毛
澄尤安禮陳繼張翥王永和李傑孔鏞俞士悅沈林周詔徐
禎卿都穆魏校周用吳山顧源朱希周陳霽徐源伊敏生陸

祭楊昇楊循吉文徵明王穀祥顧存仁王庭袁洪愈王敬臣
朱統陸師道陳濠陳璠張基王禹聲顧汝玉袁尊尼湯珍李

鴻揚成申時行袁一虬金世龍吳之佳歸子慕文彭文錫管
袁萃陳允堅周宗建周順昌徐如珂朱祖文袁年陳仁錫管

志道錢有威顧九思張文奇楊大滌龔元祥顧其忠文元發
顧其國李志學陳元素文震孟繆國維朱陞宣申用懋申用

明毛文煒金應照徐烈朱希文金養冲顧所載陳濟生
朝金志孝沈應明尤瀾朱嘉遇顧天朗席啟圖徐枋沈滉

錢震狝錢中諧其人較舊府志所載多至倍蓰並存備考

忠義孝悌祠在 崇聖祠東雍正三年建祀明金秋 本朝

周茂蘭黃向堅嚴渠成袁上林錢聯珍郁聖揆蔡來信楊秉

鉉朱維藩金拱辰姜舜權文齡葛以時 舊志明廣東巡撫張忠

節公孝起 本朝孝子葛汝翼蔡之俊程邦俊蔣時楨陳世

洽王如松謝文錦徐煜徐炳費孝友以上十一人據現在祀典增入

教諭宅在敬一亭後

訓導宅在尊經閣後

師生員額

宋置主學直學學長學諭學賓齋諭元置學正生徒來學不限多寡明制教諭一員訓導二員生徒始有定額 本朝教諭訓導各一員廩膳生員二十名增廣生員二十名附學生員不限額遇提學歲科兩試每次入學二十名雍正三年加增五名武生歲科併試共十五名

學田

宋紹定元年提刑林介撥公產充學廩五百石

三年知府吳淵知縣鄒應博增撥公產一百石

元至正十七年吳江州民奚士龍助置田九十畝有奇

明正統間縣民王思信許美助置吳縣十八都田一十八畝

萬曆三十一年少師申時行助置學田

三十二年教諭袁香勸助學田申時行記

四十年同知許爾忠助置吳縣二十二等都田一頃八十七

畝六分七釐九毫

四十一年知縣周爾發助置吳縣十一等都田一頃七十六

畝五分五毫申時行記

四十五年鈔關主事張大猷助置吳縣一等都田二頃二畝五分二釐五毫

天啓七年知縣陳文瑞撥沒官吳縣二十二都田十七畝又監生許明黼助置二十三都田三十二畝七分八釐二毫

以上田歲久籍亡 本朝康熙五十九年布政使楊朝麟覈實在田六頃八十三畝一分四釐分屬教諭訓導司出

納道光三年核實淨田六頃四十九畝一分四釐又田及城內空地額征租銀一百八十七兩六錢一分四釐

學道書院祀吳公言偃初在府城東北隅舊長洲縣學南宋咸淳五

年知府趙順孫改建於武狀元坊北普賢子院故址知府黃

鏞繼成之奏以學道為額選言氏與先賢後及民間俊秀教

之別建殿曰燕居以奉先聖講堂曰師友淵源齋四曰正己

選賢問禮知本撥官田以贍士又置育材莊專充言氏子孫

費七年知府常楙建先賢祠於講堂西祀顏曾思孟左次澹

臺子羽兩序列周程以下九賢元初總統楊璉真伽據為僧

司田悉奪去至元二十九年山長祖宗震金德修市徐貴子

橋高氏園第改建尋廢明嘉靖二年知府胡纘宗以景德寺

改建門扁曰東南鄒魯堂曰學孔塑言子像於中後為講堂

堂後為絃歌樓十八年巡按御史趙繼本十九年巡按御史

舒汀踵修

徐縉記

三十年知府金城改為督糧道署遷書院於

共社學

宋陳宜中學道書院記
 昔者夫子講道齊魯之郊從遊多北方之士由句吳之墟登
 聖門者獨吳公子游一人今常熟其故里也宋興崇尚文治
 吾夫子之祀徧天下雖以關洛大儒乾淳諸老得聖學於千
 載之後凡其過化之鄉悉示表章存矜式吳為今輔郡公實
 東南學道之宗邑故有祠紫陽先生嘗記之矣而郡則未講
 非前此司人風者闕歟今樞密趙公順孫守吳日卜地於府
 城文正坊之南甫經始而召余友黃侯鏞繼之鳩工度材命
 元僚陳宗亮董其事三越月而堂成請於朝扁以學道書院
 取愛人易使之義而屬余記之余按公以文學列四科嘉言
 善行可傳者不一獨此二語乃親得於聖人而見於用復以
 印可於聖人者夫學之為儒者事人所知也武城絃歌乃將
 合君子小人而使之既有聞於斯道夫子莞爾之笑又直與
 說開與點意同是其為義豈不與後之言學者異哉思昔三
 代盛時聖教流行滿天地之閒無非道舉天下之人無不學
 康衢童子如詠舞雩中林武夫如見大賓漢廣游女如在汶
 上由後世言雖若未嘗學問而其所見訓誥章句豈能
 傳之哉流風未遠列國遺民塗歌巷詠發乎情而止乎禮義

先王之澤夫子拾其斷句殘篇而存之非但疏越遺音寥寥
 於後而其吟詠性情於辭意之外亦非尋行數墨者所能知
 也道在天地終古常新何昔能為天下公而今後為君子隱
 耶此余所以慨然於正學絕續之際想絃歌之聲而不可得
 聞猶幸登斯堂者能有感於命名之義人心未喪斯文或因
 之而興起也嗟夫人知學則知道雖窗草池蓮亦足以起吾
 意何異親得聖人而師事之學非聖人之所謂學與其白首
 窮年而卒無得於此曾不若日用不知於耕鑿之中者琢磨
 雖未加焉而璞固存也吳亦泰伯所居邦人至今質而無華
 伯之遺也記曰甘受和白受采吳人有其質矣使以公之學
 而文之進於道者其不彬彬矣乎余故樂書之庶居是邦者
 人人有士君子之行云咸淳七年四月朔日

明胡纘宗重建學道書院記
 吳有學道書院尚矣孔門言子吳人也封吳公宋咸淳閒知
 府黃公鏞奏立書院以祀公而教育其子孫故址在郡城西
 南隅直錦帆涇之上元初奪於豪僧至元閒山長祖宗震輩
 改創之元末復奪於僧國朝又百五十餘年矣久不克復迹
 益湮晦嘉靖初纘宗受命來守是邦按故籍得其槩歎曰事
 有若緩而實急者其是謂乎雖然無所因而為之吾愆其勞
 且侈也既而行視其佛老之宮有曰景德寺者去故址數百
 學校二

武而近南臨通衢形勢宏敞欲即是改為之然不敢專也因請於巡撫廬陵陳公鳳梧督學光山盧公煥巡按高安朱公實昌皆報可歲乙酉四月爰始興工撤其像設剡其丹雘追琢之踰制者而增葺之其南為門稍北為儀門又北為堂中奠公主曰學孔堂堂之北為師生講受之所曰文學堂堂之東西增作齋舍以居諸生之學道者凡若干楹又北為樓曰弦歌樓墜而垣之四周凡若干丈須其成以聞於朝歲修祀事而擇弟子之俊秀者俾講讀其中焉功既訖續宗從博士弟子釋菜以告成事燕而歌泮宮之詩以落之僉曰書院之廢垂三百年及今而復不可無記予惟周道衰先王之教熄賴孔子及其門弟子傳而守之惟吳公起南服北學於中國衰然以高弟稱聖門盛矣顧其曰文學云者非盡於今之君子所能而已蓋聖道之精蘊之心見之言而達之政事凡其粲然者皆是也而公獨得之故其治民則以禮樂為教曰君子學道則愛人小人學道則易使也彼所謂識其大者非歟今去聖益遠雖政與代移俗隨化易而吳之文每先天下蓋非公則誰啟之君子揆禮意原人情循報本之義則今日之舉固不可緩哉惟人才之作養則學校存焉條貫品式亦既具備宜若無事乎此然玩常惕故則勸督作興之意當有出於法令之外者於是乎振其尤而儲焉以待天下之用亦識

治之所不廢歟若夫尚論景行以追前人之懿以求所謂學道之實則諸君子所有事者先正有言沒不俎豆其閒非夫也諸君子於是亦有所感乎續宗不敏願相與勗之以觀其成用為記而鑲諸石且以勸夫嗣政者俾勿壞焉

金鄉書院在西市坊明嘉靖二年知府胡纘宗因永定廢寺之半建寓公堂奉澹臺滅明主以滅明嘗東遊寓吳也滅明封金鄉侯故以名書院又以吳之寓賢宋尹肅公焯魏文靖公了翁耐焉後為正大堂旁列號舍俾士之遠處鄉僻始入城郭者肄習其中萬曆初廢崇禎九年巡撫都御史張國維即書院旁理刑公署改復舊規後堂祀贈翰林待詔朱陞宣

明胡纘宗寓公堂記

昔周之季孔子講業齊魯之郊中國之士峻拔自殊者大抵皆其羣弟子也當是時吳猶以蠻服擯然言子子游躬跋山川而北學於孔氏其宰武城所自與以為得人者曰澹臺滅

明東遊而寓吳今吳有澹臺湖及其墓是也夫子游孔門高弟也其所與卽孔氏之流也夫子嘗云以貌取人失之子羽澹臺氏殆親及孔門者乎夫吳僻在海隅其君不得與中國諸侯會盟或者陋焉而子游北學而得其精華子羽東遊而樹其風聲其遺踪故址千載而下使人有慨焉嚮往之志人知子游之開源於吳而孰知子羽之風亦不可誣也哉夫士必有倡也夫學必有本也夫政必有綱也夫禮必有報也士倡則從學本則遂政綱則舉禮報則稱舍是而言治未見其為善治也舍是而言化未見其為善化也吳故有學道書院專祀子游歷唐宋元以入我明或存或廢而澹臺氏無聞焉續宗忝守吳既復學道書院爰因佛廬之廢者復剏金鄉書院金鄉固子羽之封也中為寓公堂肖子羽像而嚴事焉復得宋賢之寓吳者曰尹和靖焯魏鶴山了翁遂用附之後為正大堂旁列書舍以郡之良子弟肄其中而以孔氏之道相切劘焉庶仕者知所勉而學者知所勸孔氏之風其有興乎事既竣因文而陷諸壁間俾後來者勿有斲

文正書院在吳縣治東北禪興寺橋西宋皇祐中公知杭州

始歸吳廣先業為義宅以聚族人詳見第宅置常稔田千畝贍之

謂之義莊咸淳十年知府潛說友奏建祠於義宅之東祀公

及公四子撥公田三百餘畝以公大宗子孫主奉祠事詳見祠

元至正六年廉訪僉事趙承僖總管吳秉彝奏改祠為書院

不設教官以公嫡嗣主之明宣德九年知府况鍾修成化二

年巡撫都御史劉顯攷修十六年巡按御史劉魁巡鹽御史

戴仁知府劉瑀修祝顯記嘉靖四十二年巡按御史温如璋重

修創建三公堂祀公之先三世詳見祠四十五年巡按御史董

堯封萬曆二年巡按御史邵陞相繼成之袁洪愈記陸又重建先

憂閣皇甫記崇禎六年颶風摧圮裔孫參議允臨主奉安柱重

修 本朝康熙十二年裔孫浙江巡撫承謨修三十四年裔

孫兩江總督承勳修四十四年

聖祖仁皇帝南巡賜御書額曰濟時良相乾隆二年裔孫太學
生興禾大同知府瑤重修初公創立義莊立有規矩後漸廢
壞治平元年子純仁請於朝得旨劄付本州違犯莊規許官
有受理嘉定三年裔孫左司諫之柔奏請申明舊規明天啟
崇禎閒裔孫參議允臨增置田十頃 本朝雍正七年裔孫
瑤增置田十頃乾隆九年裔孫興築增置田一頃

元李祁文正書院記
吳郡祀范文正公舊矣自公貴顯時置義田義學以淑其族
郡守潛公歿而子孫世守之不廢然而未有專祠也咸淳甲戌
請以書院易祠僉憲趙公承僖按行吳中是其議遂得請於

行省行省上之中書中書議以茲事有關世道且不設教官
而以其子孫之居嫡者世主之於事便乃下從其請公八世
孫文美適主祠祀事專力殫慮改制增擴亦既宏且遠矣祁
時佐領江浙儒學以公事來謁祠下式睹其成眾謂不可以
無記而祁也幸際其會宜為文辭既不獲則取其家傳而徵
之公之生當宋端拱己丑其歿也皇祐壬辰至潛公為守
率為公立祠而於吳獨為缺典至吳公為守時又七十年他
郡縣且有以祠為書院者矣而於吳尚仍舊規蓋吳為公父
母之邦公之父祖墳墓在焉子孫居焉族之人比屋而羣處
焉所以表異而褒崇之者宜有加於他郡而反若不及是宜
賢郡守之有請也義宜廟堂之上之從之也昔公以正大之
學卓冠羣賢以忠義之氣振厲天下其功之被當時而澤後
世者固不可徧舉獨舉其切而近者則於所在開設學校以
教育多士至吳郡則以已地建學規制崇廣迨公之子恭獻
公復割田以成公之志當是時天下郡縣未嘗皆置學也而
學校之徧天下自公始若其察泰山孫氏於貧窶中使得以
究其業延安安定胡公入太學為學者師卒之泰山以經術大
鳴於時安定之門人才輩出而河南程叔子尤遇賞拔公之
造就人才已如此其後橫渠張子以盛氣自負公復折之以

儒者名教且授之以中庸卒之關陝之教與伊洛相表裏蓋自六經晦蝕聖人之道不傳為治者不知所尊尚寥寥以至於公而後開學校隆師儒誘掖獎勸以成就天下之士且有功名世道統之傳則公之有功名教夫豈小哉夫以公之有子之道相為無窮蓋夫子之道與天地為無窮而公之功則與夫子之道為無窮也此書院之所由立也雖然祠則改矣書院則既立矣凡范氏之子弟與夫四方之來者宜何如亦曰誦其詩讀其書為其人之為而已公之為夫人之所能為也以公為不可為而不為者自棄也為之而不力者自盡也高山仰止遺貌凜然必有寤寐我公於千百載之上者鄭元祐文正書院記
至正五年龍集乙酉夏六月吉廉訪僉事趙公承僖分巡中吳至則首謁范文正公祠下拜瞻廟貌起敬起慕作而言曰文正公以德以功既無忝伊傅之為輔相以學以識則有功於洙泗道統之傳故其具文武全才出將則安邊却敵入相則尊主庇民其先憂後樂與先知覺覺後知覺者何以異豈非聖之任者乎其生平論諫直道正言剴切人主至上百官圖詆宰執為張禹觸犯盛怒雖坐摧抑曾弗少阻詎不猶木從繩則正而欲后之克聖者乎當時天下郡縣未嘗皆置學

學校二

七

公至吳首以已地建學故學校徧天下者自公始識泰山孫明復於貧賤中授以春秋遂大鳴聖道於時延安定胡公入太學為學者師而河南程叔子實遇獎拔其後橫渠張子以盛氣自負公折之而授以中庸卒以關陝之教與伊洛相表裏蓋白六經堦晦聖人之道不傳為治者賢焉罔知適從以至於公而後開學校隆師儒造就士類作忠義之風以致道統之傳則公之學識於名教豈小補哉公之薨也所在廟食一以忠烈賜名顧茲中吳公父母之邦所宜大建祠廟萬世血食如之何僅享之於私第况今國朝崇德報功在有書院以祀先賢豈有豐功偉德正學卓識如文正公而書院莫之建則是缺典豈有大於此者乎公八世孫文英具辭於趙公以為先公之功德學識誠如公所言願惟范宗仰食於義廩食指幾千餘使建書院則官除人而有山長有山長則有廩稍之奉矣今藐焉義廩不自給使但建書院以祀公慎選族人之賢者充主奉斯足矣官除山長則乞免焉於是公從其言時總管古燕吳侯秉彝聞公之所建明即敍公所言請於行省上之中書議有關世道且不設教官而以居嫡者世主祠而行教於事便由是二公商出公帑羨餘命工益址而崇制既宏且固甫完屬元祐記之祐以葛爾膚謫烏敢廁一喙於大賢之門雖然公之功德學識憲僉公知而言之

則凡天下之士皆知道之也知其人而不思效之可乎子朱
子謂人之立志必當以公自期待况遊於公之門乎况郡人
乎若然庶於公可無負所謂尚友者此也元祐言不腆謹用
復諸憲僉公俾書之石焉

明張益重修文正書院記
肆惟我國家敦崇教化尊尚儒賢其於前代良臣誼弼功德
及人而廟祀於郡邑者必命守臣嚴祀事葺祠宇示勸之意
不既深乎顧在守臣之賢乃克視此為重而盡心焉蘇郡實
宋太師魏國文正范公桑梓之里而其先隴義莊義宅義田
義學咸在故公之祠堂久建於此事詳舊刻西江况侯伯律
以奉政大夫禮部郎中奉勅來守茲郡政敷民安百廢具舉
嘗有事於祠下顧瞻棟宇有圯撓者因喟然曰茲責在我弗
急所圖曷稱上意即請於朝用加修治於是卜日鳩工度材
築基撤舊易新拓小以大為祠堂前後各五楹後以奉公神
像前置累朝碑刻東西有廊廡東祠前宋郡守潛公咸淳中始
建是祠者也堂東偏為書院構用舊材以其尚堅好也院亦
有堂前後各三楹揭以忠厚舊扁東西有廡齋宿閣牲以及
庖福莫不有所其西偏則范氏家廟歲寒堂在焉子孫歲祀
公父子於其中外為門屋三間亦仍以文正書院舊額揭之
垣墉周繚規制宏壯視昔有加凡所用度一皆出粟之羨貯

於官者經始於宣德甲寅六月三日畢工於九月十日况侯
謹率僚屬暨學官諸生合范氏子孫以落其成主奉元理及
提管希賓爰與族人謀曰祠宇再新既賴郡守盡礪石鐫辭
用著不忘遂以屬余余忝為公郡人於斯盛事在所當述故
不敢辭以蕪陋惟公閒氣所生心與學術俱正毅然有為於
世奈何周旋中外政府方登讒慝已構雖其才不盡展乃若
功德之及人者尚多節義足以厲俗進退綽綽非古之所謂
大臣者何能與於此乎當時使能盡用必將成就大業以濟
天下此蓋君子所深惜也然而公之自立於天地間者百世
不泯祠當百世愈新况侯為賢郡守克承上意亟致修治宜
乎在郡多善政也詩云伐柯伐柯其則不遠斯之謂歟故余
特為之書

本朝覺羅雅爾哈善重修文正書院記

昔文正范公以忠君報國之餘置義田於吳以贍恤族人子
孫世守垂七百餘年而不替今公之世孫大同守瑤能遠紹
公志增置義田仍重修書院興復義莊敘其始末屬記於予
曰始宋皇祐初公守杭時勅置贍族義田於義宅立義莊以
貯田租義莊之東為文正書院即宋咸淳中郡守潛公說友
奏建公祠春秋奉祀元至正中更今名者也初公置田千畝
歲收八百餘斛以贍族人九十餘口公子忠宣公等申明規

制復增其數至明中葉其田漸為豪猾侵隱郡守況公鍾力
 勤復之後十七世孫參議公允臨復助千畝本朝百年來
 族姓益繁田之所入時患不足雍正七年瑤奉先人命增置
 田十頃并前總三千餘畝此義田增廣之大略也然公所置
 義莊經宋元明久廢莫復書院自明宣德以來雖累次重修
 歷年久遠漸就傾圮瑤不敢懈視遂於乾隆二年與主奉世
 孫興禾等共議出義田羨粟相度書院歲寒堂南隙地鳩工
 庀材興復義莊而書院中各祖祠以及碑亭廊廡靡不修葺
 重新繼自今對越吾祖庶免隕越貽羞敢請一言以垂不朽
 子惟文正公以有宋第一流人物早具先憂後樂之志溯公
 平生言行建立事可為百世師而臨財好施收卹宗族之
 念尤發於至誠歷觀史傳所載敦本睦族時有其人然多及
 身而止未有時更四代世歷數十綿綿苗裔猶被實惠如公
 在時者苟非上天鑒公之德時生賢子孫以維持之能有是
 耶今大同守之增廓義田於前修復書院義莊於後孜孜紹
 述力行不倦可謂繩其祖武為范氏之象賢矣子不敏平日
 慨慕公之為人今忝守蘇郡又樂觀茲事之有成竊願海內
 聞之興起豈獨為范氏子孫吳中人士屬望也哉乾隆癸亥
 孟冬月
 附宋錢公輔范氏義田記

范文正公蘇人也平生好施與擇其親而貧疏而賢者咸施
 之方貴顯時於其里中買負郭常稔之田千畝號曰義田以
 養濟羣族族之人日有食歲有衣嫁娶凶葬則有贍擇族之
 長而賢者一人主其計而時其出納焉日食人米一升歲衣
 人一練嫁女者錢五十千娶婦者二十千再嫁者三十千再
 娶者十五千葬者如再嫁之數葬幼者十千族之聚者九十
 口歲入粳稻八百斛以其所入給其所聚沛然有餘而無窮
 仕而家居俟代者預焉仕而居官者罷其給此其大較也初
 公之未貴顯也常有志於是矣而力未之逮者二十年既而
 為西帥以至於參大政於是始有祿賜之入而終其志公既
 沒後世子孫至今修其業承其志如公存也公雖位充祿重
 而貧終其身沒之日身無以爲斂子無以爲喪惟以施貧活
 族之仁遺其子而已昔晏平仲敝車羸馬以朝陳桓子觴之
 曰君位至上卿祿至百萬而敝車羸馬是隱君之賜也晏子
 曰自臣之貴父之族無不乘車者母之族無不足於衣食者
 妻之族無凍餒者齊國之士待臣而舉火者三百餘家如此
 為隱君之賜乎彰君之賜乎於是齊侯以晏子之觴而觴桓
 子子嘗愛晏子好仁齊侯知賢而桓子服義也又愛晏子之
 仁有等級而言有次序也先父族次母族又愛晏子之
 疏遠之賢孟子曰親親而仁民仁民而愛物晏子為近之今

觀文正公之義其與晏子比肩矣然晏子之仁止於生前而公之義垂於身後其規模遠舉又疑其過之嗟乎世之人居三公位享萬鍾祿其邸第之雄與馬之盛聲色之侈妻孥之富止乎一已而族之人不得其門而入者豈少哉况於族之賢乎其下為卿大夫為士而廩稍之充奉養之厚足乎一己而族之人操壺瓢為溝中瘠者又豈少哉况於稠人乎是皆文正公之罪人也公之忠義滿朝廷事業滿邊陲功名滿天下後必有良史書之者子可無書也獨高其義因以警於世

劉渠范氏義莊申嚴規式記

物本天人本祖閭閻之人有視其祖之子孫如路人相毀訾相并兼如仇敵者不知本耳渠少讀文正范公遺事公平居語子弟曰吾吳中宗族甚眾於吾固不恤其饑寒哉且自祖宗則均是子孫固無親疏也吾安得不恤其饑寒哉且自祖宗來積德百餘年始發於吾得至大官若富貴而不恤宗族何顏以入家廟築斂社歎曰公之行百世之標的公之言薄俗之鍼砭也吾曩居家遇有不如人意事即因公言以自愧責不敢有一毫恚心官中都獲與公之孫左司諫公之柔遊見其處已靜而明際物莊而和雖姿稟之懿亦家法所自來一日於公几閒得文正公與其兄推官帖問以遣女乏資共甘

苦通有無不啻己子使人歎玩不去手司諫公因言先祖所勸義田今幾二百年聚族數千百指雖甚寒者賴以無離散之患義莊故址曩因兵火為居民侵據之柔與吾兄良器極力經理為屋以棲義廩餘以待族人無家者浸還吾祖之舊惟是義莊規式歲月易墮請之朝屬之鄉郡勒之堅珉俾世守而傳之無窮者吾猶不敢懈也幸備位諫垣當具本末奏陳乞申嚴行下庶不負文正公所以責望子孫之意暨得旨如請屬渠以記不容以不敏辭抑聞之士尚志志有小大功業利澤亦如之方文正未遇讀書長白山凍粟糜而食人不堪其憂而公貫通古今經濟之略已具於此時及率言官叩闕爭事自請鎮靈夏迄破戎人之膽功烈焜耀則斂而惠宗族者抑餘事也忠宣公致身台輔忠賢是侶想其捐所載麥歸毫疇文正公已心知其有子矣嗚呼有文正則有監簿忠宣右丞侍郎數賢子厥後不熾昌競爽尚得為有天理耶諫垣所以立身承家固已無愧於乃祖願益以文正忠宣之宏猷大節自勉公之族人又當相與扶植以成諫垣之志則范氏之門益大義廩之儲益闢義居之族益貴達富盛相望將不止如今之所見云嘉定四年三月

鶴山書院在南宮坊初宋參知政事魏文靖公了翁講學於

蜀之白鶴山下學者稱為鶴山先生端平三年理宗書鶴山書院四大字以賜後致仕卒詔賜第宅於蘇州有高節堂事心堂靖共堂讀易亭元至順元年了翁曾孫起請於朝願即蘇之故居教學奉祠學士虞集奉敕題鶴山書院額明宣德間改為巡撫行臺移書院於東南隅宏治十一年裔孫芳奏請以書院為專祠嘉靖四年巡撫都御史吳廷舉修 本朝康熙二十四年巡撫都御史湯斌重修繆彤記

元虞集鶴山書院記
昔者儒先論道統之傳自伏羲神農黃帝堯舜禹湯文武周公至於孔子而後學者傳焉顏子沒其學不傳曾子以其傳授之聖孫子思而孔子之精微益以明著孟子得以擴而充之後千五百年以至於宋汝南周氏又深有取於曾子之學以成己而教人而張子厚氏又多得於孟子者也顏曾之學

均出於夫子豈有異哉因其資之所及而用力有不同焉者耳然則所謂道統者其可以妄議乎哉朱元晦氏論定諸君子之言而集其成蓋天運也而一時小人用事惡其厲已倡邪說以為之禁士大夫深蹈其禍而學者乃自絕以苟全及其禁開則又皆竊取緒餘徼倖仕進而已論世道者能無盡然於茲乎方是時蜀之臨邛有魏華父氏起於白鶴山之下奮然有以倡其說於摧廢之餘拯其弊於口耳之末故其立朝倦倦焉以周程張朱四子易名為請尊其統而接其傳非直為之名也及既得列祀孔廟而贊書乃以屬諸魏氏士君子之公論固以與之矣及我聖朝奄有區夏至於延祐之歲文治益盛仍以四君子升河南邵氏涑水司馬氏新安朱氏廣漢張氏東萊呂氏與我朝許文正公十儒者皆在從祀之列魏氏曾孫曰起者隱居吳中讀詔書而有感焉曰此吾曾大父之志也何幸親復見諸聖明之朝哉今天下學校並興凡儒先之所經歷往往列為學宮而我先世鶴山書院者臨邛之灌莽莫之剪治其僑諸靖州者存亦無後而曾大父實葬吳中先廬在焉願規為講誦之舍奉祀先君子而推明其學雖然不敢專也泰定甲子秋乃來京師將有請焉徘徊久之莫伸其說至順元年八月皇帝在奎章閣思道無為博士柯九思得侍左右因及魏氏所傳之學與其孫起之志上

嘉念焉命臣集題鶴山書院著記以賜之臣聞魏氏之為學
 即物以明義反身以求仁審夫小學文藝之細以推致乎典
 禮會通之大本諸平居屋漏之隱而充極於天地鬼神之著
 儼然立朝之大節不以夷險而少變而立言垂世又足以作
 新乎斯人蓋庶幾乎不悖不惑者矣若夫聖賢之書實由秦
 漢以來諸儒誦而傳之得至於今其師弟子所授受以顯門
 相向雖卒莫得其要然而古人之遺制前哲之緒言或者存
 於其間蓋有不可廢者自濂洛之說行朱氏祖述而發明之
 於是學者知趨乎道德性命之本廓如也而從事於斯者誦
 習其成言惟日不足所謂博文多識之事若將略焉則亦有
 所未盡者矣况乎近世之弊好尚鹵莽其求於此者或未切
 於身心而廢諸彼者曾不及於詳博於是傳註之所存者其
 舛譌牴牾之相承既無以明辨其是非而名物度數之幸在
 者又不察其本原誠使有為於世何以徵聖人制作之意而
 為因革損益之器哉魏氏又有憂於此也故其致知之目加
 意於儀禮周官大小戴之記及取諸經註疏正義之文據事
 別類而錄之謂之九經要義其志將以見夫道器之不離而
 有以正其臆說聚訟之惑世此正張氏以禮為教而程氏所
 謂徹上徹下之語者也而後人莫究其說以兼致其力焉昔
 之所謂鹵莽日以益甚甘心自棄於孤陋寡聞之歸於乎魏

氏之學其可不講乎今起之言曰起幸其身逢聖天子文治
 之盛追念先世深惜舊名起將於斯與明師良友教其族人
 子孫昆弟及鄉黨州閭之俊秀庶乎先君子之遺意而魏氏
 子孫世奉其祠事精神血氣之感通亦於是乎在其有託於
 永久而不墜也不亦善乎臣之曾大父實與魏氏
 同學於蜀西故臣得其粗者如此敢書以為記

南山書院宋宗室趙忠果公故祠也公名訓之為吳令多惠
 政後知永豐遇統制杜彥叛拒戰以歿子貴一卜築橫谿彩
 雲里士庶不忘忠果舊澤就所居構書院祀之明萬厯間督
 學御史柯挺按吳重其裔孫鳳風節造廬訪謁詢所欲鳳愀
 然以先祠毀於兵燹對即為新之

正心書院在虎邱山前斟酌橋西明崇禎十六年吳邑令牛
 若麟捐資建中堂奉先賢周程十子後為學舍又後為樓額

曰正修講院去後士民思之於後樓奉生位祀焉見史官徐
汧去思碑記鼎革時學舍傾圮巡撫馬祐更額正心書院孝廉

鄭敷教題進
士趙敏書

共社學在清嘉坊東雍熙寺橋西明洪武八年詔府州縣每
五十家設社學一本府城市鄉村共建七百三十七所歲久
漸廢正統十二年知府朱勝乃總建一所名為共社學中曰
正學堂東西各齋舍六間左立朱文公祠外立升俊育英二
坊選民間俊秀子弟教之成化二年提學御史陳選修嘉靖
末廢改為學道書院

明徐有貞共社學記
言吏治於三代之下而能以教道為先務固君子之所為也

然知此鮮矣若吾郡太守朱侯其知先務者哉初侯之至也
既行三學率儒官敦教事則又以謂古之學者必自小學而
入大學蒙養既正而後進之以成德故其所至之大非後世
之士所能及焉今鄉校不立小學教弛士業失序躐等以進
安望其才之古若也乃行視郡城清嘉坊之東有地焉負陰
面陽挾爽塏而臨高明卜之食諗之地主繆賢氏賢固善士
亦樂以為學宮也遂獻之侯乃鳩工庀材審方定位中作講
堂旁闢兩齋又相其左建祠以祀先師朱子而以鄉先生之
應從祀者配焉繚以周垣鍵以重門廩庫庖湍無不飭具經
始於正統丁卯之秋落成於戊辰之冬禮聘聞儒鄭鏐德輝
陳寬孟賢以主師席選吳長二邑蒙士之秀者充弟子員而
教之遇三學之士有闕員者則進其良以補焉侯於臨政之
暇輒至學引師儒坐講堂進諸生親課之以故民間俊秀彬
彬焉興於學有古鄒魯之風於乎侯於是可與漢之文翁唐
之韓愈宋之范仲淹異世而同
功矣侯名勝字仲高金華人也

普濟社學在普濟橋西明初蘇州衛奏建以教官軍子弟成
化二年提學御史陳選修兼育民間俊秀隆慶元年知府蔡

國熙知縣魏體明重修

利濟社學在閶門南濠利濟寺左明成化二年提學御史陳

選建內有顧野王祠隆慶元年知府蔡國熙知縣魏體明修

崇禎三年知府史應選重修自為記

麗澤社學在城西麗澤坊崇正社學在華嚴寺東義慈社學

在閶門外義慈巷盤門社學在吳門橋下竝成化二年提學

御史陳選建隆慶元年知府蔡國熙知縣魏體明修

范氏義塾在天平山初文正公建義宅置義田以贍族又設

義學以教族人子弟後宅燬學亦廢元至元間公裔孫邦瑞

士貴改建今所距三太師墓二里許

元年燬范氏義塾記

古者二十五家為閭閻左右各設塾鄉先生為之師衰衣博帶晨坐閭門教其民之出入田畝者有教有養誠為良法自井田廢閭左右古制盪除漢以來或為講堂為精舍而養則未之聞也范文正公嘗建義宅置義田義莊以收其宗族又設義學以教教養咸備意最近古夷考厥初宋時天下有四書院應天府書院為首先是郡人咸同文聚徒講授士不遠千里而至文正公亦依之以學同文為人質直尚信義宗族貧乏則調給之喪則賑卹之不積材不營居室或勉之輒曰人生以行義為貴安用是義之一字實與公意合暨公登第立朝為守為帥以至大用名位日盛祿賜日厚遂成義莊義學為其宗族者宅於斯學於斯所耕者義田所由者義路何適不宜嘉遺後人可謂篤至繼繼承承亦惟成規是守粵乙亥兵戈倣擾未遑茲事至元丁丑主祭邦瑞提管士貴共議興學卜地於吳縣三讓里距祖塋二里所涓日庀工為屋三十楹祀文正公於其中會講之堂扁曰清白東齋曰知本西齋曰敬身外闢堂為教諭偃息之處庖湍廩蔬茹之圃咸在外為周垣扁其大門曰義學清谿松竹之間助聞絃誦聲是役也義莊掌計之勞為多提管又擲節助濟浮用增田山僅百畝備師資束修之禮子弟筆札之費一有以勸大德戊

戊朝旨以義莊義學有補世教申飭攸司禁治煩擾常加優卹無復干吾藩者可肆志於學矣至大戊申提管馳書來言俾為之記昔錢公輔嘗記義田囷也何敢與斯文竊聞文正公早歲就學應天時夜以繼旦冬月憊甚以水沃面食糜度日人不堪其憂其苦心勞形者如此博通六經尤長於易學者從之叩質樂與往復無微弗究其難疑答問者又如此用力何啻十倍今人耶吝爾來學書爾佩矜盍亦追思先志俛焉孜孜毋以寒暑而為作輟庶幾他日業精行成式克有立得名為儒以應選用以副二范君

倦倦興學之意其年七月旦日
 修吉書塾在白蓮涇 本朝乾隆五十四年郡人葉文焯任

廷麟建延師教里中貧家子弟置產供給

木瀆義學 本朝嘉慶十六年吳縣縣丞李再涑倡修二十

四年里人庠生周孝垓重修

石韞玉義學記
 古者家有塾黨有庠術有序十室之邑必有弦誦之聲是以

教化行而風俗美人心感而天下和平也三代之制大學在國中國之元子與貴游子弟皆就學焉小學在四郊則國人子弟之秀良者聚乎其中先王豈故為此瑣瑣而不憚煩哉良以學校者教化之本也自古制既廢所謂學宮者止為春秋釋奠先師之地而博士之庭不聞有過而請業者由是變而為書院以課士然書院止課成學之士而殿最之童蒙不得而入焉則又廣而為義學義學正古時四郊小學之遺制也夫貴游子弟地望清華守父兄之訓其趨于學也較易若鄉人而不學其愿者椎魯無文其黠者且冒上亡等而不知罪一耨鋤而德色一箕帚而諄語流極既衰釀成世道人心之害夫是故小學之設比之大學尤汲汲也吳門之西有鎮曰木瀆距城三十里而近縣有丞駐其地西望靈巖高與天齊納太湖之水煙波萬頃近在咫尺聞其地踞湖山之勝居者烟火萬家野處不曠其秀民之能為士者亦往往而有鎮上舊有義學以教其鄉之子弟凡貧不能具束修之資者皆就學焉其室廬飲食諸費皆釀金以給之事久頽廢嘉慶十六年縣丞李公再涑倡眾興修至二十四年里人邑庠生周孝垓捐錢五百千連前存五十千公貯收息以給修脯李公是舉可謂知本而周生亦可為好義矣因為之記而列其姓名于後

長洲縣學在縣治東北一里宋初縣未有學士附肄府學名麗澤齋景定二年主學宋楚材率邑人請於守陳均即廣化寺藏室刵建講堂曰禮堂魏了翁篆額四齋曰富文貴德廣業博學又作景文堂以企慕鄉賢范文正公友德堂繪學中士登大魁者黃由阮登炳像於壁八年提刑洪起畏拓地闢門面南後毀元初即縣驛舍為

至聖廟大德六年縣移郡治側乃即縣治故址為學至元三年達魯花赤元童俾教諭顧元龍耆儒邊景元禮勸郡人前徽州路教授陸德原輸貲營建

陳旅記

明洪武初知縣宋敏文張翔相繼修葺闢學門於廟之右成化九年知府邱霽拓地東

南改建正德十六年知縣郭波建尊經閣嘉靖十五年知縣賀府修二十年教諭蕭文佐以地隘不稱白巡按御史舒汀知府王廷相與規度以福寧廢寺地遷而新之即今所也

徐縉

記二十二年巡按御史徐恪修四十三年知府徐節重修隆

慶二年知縣周良臣教諭李國珍建騰蛟起鳳塞門萬曆中巡撫都御史陳道基更營之規制乃備 本朝順治十一年

提學侍讀石申教諭王瑀踵修尋有鎮帥居之殿堂啓聖祠尊經閣悉毀壞康熙二十一年邑人侍講彭定求力謀興復自巡撫以下各捐俸委教諭姚文焱訓導王玠諸生鈕希文重建而啟聖祠後十餘年始成

定求記

四十四年邑人馬俊重

建尊經閣道山亭

定求記

雍正三年析置元和縣遂為長洲元

和二縣學五年元和知縣江之煒長洲教諭鄒增元和訓導

孔傳燿倡修廟殿九年巡撫都御史尹繼善泣視繕完乾隆

六年郡人蔣楫蔣棨助修三十一年貢生汪美基等重修嘉

慶二十一年巡撫胡克家與尚書韓封等倡眾重修胡克家

記宮牆內為外泮池東西以下馬牌為界歲久淤墊道光二

年郡人高秀升倡眾捐貲開濬立石標記

宋吳必大禮堂記

禮立乎天地之間而人參焉人之所以異於禽獸者以其有
禮也飽食煖衣逸居而無教則近於禽獸人而無禮不亦禽
獸之心乎夫唯有禽獸之心也弱之肉強之食爭端起乖氣
興而禍亂作矣故曰壞國喪家亡人必先去其禮聖人因作
天秩以教為之宮室堂奧之居為之簠簋俎豆之數為之穀

截食羹膾炙醢醬葱蒜酒漿脯修之用而恭敬辭遜以出之
所以因情立文辨分定志而固人之肌膚之會筋骸之束也
所以達天理順人道之大端也故唯聖人為能知人之不能
以無欲也人之欲莫大於飲食也故雖飲食有禮聖人安之
君子行之眾人勉焉於是簞食豆羹由是則生而有不屑者
矣肉乾人飢日晏不得食而有所不敢者矣吾嘗評斯人可
使餓死於首陽立乾於河上而不可使犯非禮取非義夫安
得不有益於人之國家長洲故無學撤緇廬以為之學其究
也士負笈造焉勸趨成俗則宋君楚材功多君既表其宮而
新之燕食有堂命之曰禮堂問故曰吾於禮食有取也君之
用心忠矣吾聞古人之在幼也能食教以右手能言教以唯
俞教以男女之別長幼之序十年出就外傳乃所學也家有
塾黨有庠術有序學則古今共之曲禮一書其識飲食之禮
備矣嘗試言其略曰共食不飽共飯不澤手共食而飽非孫
道也共飯而澤手為其近於穢也曰流歎曰固獲曰揚飯曰
嚙羹曰嘍炙欲速也求多也凡可以得食者無不力也厚已
而薄人也有聲而無容也終食之間須臾之離而賢不肖之
趨胸中莫掩焉是可以觀人矣是故聖人致詳於飲食之際
也其旨深諸生來前吾語子禮其承而師孫而友謹而飢渴
之害羣居終日唯善是務觴酒豆肉而成德寓焉幼而學壯

而行禮不可勝用矣昔明道程子至天寧值僧方飯起見其趨進揖遜之盛而有三代威儀盡在是矣之歎禮失而求諸野盛服佩衿不猶瘡於野歟必不失是而後人其人廬其居足以關浮屠氏之口以無墜宋君之善諸生皆曰謹受教咸淳二年九月朔

俞炎學記
古者比閭族黨莫不有學今環百里之地而為縣詎可缺歟按吳郡志唐置長洲縣距今三百餘年而學不建豈簿書期會不暇俎豆之事未之聞歟景定壬戌詔縣增主學用不儒教宋君楚材實在茲選至之日乃歎曰官以主學名居無廬士無廩師倚席不講惕然以懼卿寓劉公震孫列其行於郡即近縣廢寺為肄習之所士不閒遠近裹糧而來旬有講月有試考德問業於此可觀宋君又懼無以繼乃哀俸餘與東修之入請於郡因寺建學以惠悠久太守陳公均親來相度指前一塔轟如文筆顧而揖曰殆天相歟於是徒佛像於他所宋君遂與諸生經之營之斲者斤者亦各自獻其藝繇禮殿至學門煥然一新齋舍庖福靡不具備起於乙丑春成於丙寅夏民有爭田不決前守撥充養士且上於朝會召入季公鏞來守是邦悉以歸之而士有所養宋君之志亦少舒矣屬余記之辭不敏請益力夫教亦多術矣孟子喫緊誨人

處曰學問之道無他求其放心而已矣蓋人之所以靈於萬物者以有是心焉耳是心雖以血氣而生而一點光明具眾理應萬事未有觸之而不動感之而不應孩提之童莫不知愛其親及其長也莫不知敬其兄是之謂本心物交物引而去之此心放矣從耳之欲而好淫哇從目之欲而悅紛華從口之欲而飫肥甘鼻之於臭四肢之於安佚亦莫不然若放而不求流而忘反放僻邪侈無所不至而一點光明未嘗泯沒反而求之心在我矣是故出入無時莫知其鄉一息而遊堯舜之天一息而淪盜跖之淵聖狂之分求不求耳然此心之放亦豈俟其形著哉有所忿懣有所恐懼有所好樂憂患而不得其正者謂之放人能於日用之間每事省察有不善未嘗不知知之未嘗復行顏何人哉希之則鳴呼孟子之所謂求放心者豈如釋氏死灰槁木付此心於無所用哉自吾惻隱而推謂之仁自吾羞惡而推謂之義自吾辭讓是非而推禮與智無不盡矣舉斯加彼可以參天地贊化育此君子所以大過人者善推其所為而已矣矧今撤緇廬而敝儒宮立師道而新士習同堂合席相與講明當何如哉始而省察以存此心之全體終而充廣以達此心之大用庶乎可以為士矣是又宋君之所深望故併書之咸淳二年四月朔趙與鑒景文堂記

吳郡立學自范文正公始附城兩縣其有學也亦宜然自景祐以來二百餘年吳邑有而長洲缺焉按吳郡志縣南一百步有孔子廟邑令王公禹偁嘗為文屬郡侯狀元柴成務為之記今廟與碑不可復考意者強室兼并梵宮侵漁未有能經理之者景定四年制詔天下縣設主學而宋君楚材來吳長洲縣事宋君蜀之眉山人經明行修於易尤邃辟難來吳隸職和靖書院嘗為尹肅公請諡趨向端的人皆賢之恕齋洪公勳與法從諸公共薦於朝俾兼書院堂長以其未立學也己而鄉大夫士列詞於郡趣開試乃即近縣廢院為講習之所師友裹糧月試旬課戶履羣集於是宋君就請廢院為學捐俸餘與束修之入葺而新之簽判方君山景雅相推敬會有兩爭沒官田為擬充學廩太守陳公均聞而是之未踰年而學有緒嚴像設崇講座鬻舍翼如矜佩檐如始無負天朝建學立師之意乃揭直舍之堂曰景文丐文於守守屬與鑑為之記然則宋君之意其唯范公希文之是景乎與鑑不文何足以知之竊惟文正公宏勳鉅節掀揭宇宙文章特其餘事方其上宰相書言朝政得失民間利病凡萬餘言文正王公曾見而偉之及考其平生所為無出是書而尤以興學為先務慶厯中開天章閣召問輔臣為治之要詔天下立學取士先德行不專文詞皆公所建請然則文正之所謂文豈

特摘章演義之云乎哉吳為文正之鄉吳學乃文正所立立學又文正所請今長洲時有學不於文正乎景其誰景耶凡百君子入斯學登斯堂仰前修之超卓思始創之艱難盍知所以自立云咸淳改元中元日

方山景友德堂記

吳附邑獨長洲有縣無學寄廩郡庠養士景定壬戌冬公朝詔各縣置主學宋君楚材始尸其任初至栖栖無依貴寓列其事於郡即廢院講肄宋君繼請於漕臺及郡就改院為學月有試時有習矜佩誦說文風大振來遊茲學者阮公登炳乙丑冠南省以亮陰免廷對賜第登龍首先是淳熙辛丑黃公由孝廟親策為天下第一公俱長洲人也宋君闢一室繪黃阮二大魁之像於上扁其堂曰友德屬山景紀其成山景辭不克當曰君亦有惠於茲學也奚辭向君贊畫吳幕有廢寺田四百餘畝胡居敬主西湖書院與有力者爭欲得之二券俱不直君執筆擬曰莫若以長洲之田養長洲之士遂欲歸於學楚材併復還郡庠之寄廩今士食於斯君亦與有力焉山景諾曰此養也非教也教以德為先德以友為輔獨昌黎謂誦誦笑語一旦下石焉者此可為友道一吁也故曰德有凶有吉正直忠良和平寬厚恭敬篤實皆吉德也邪佞剛復崎嶇嶮鏗簿慢易輕浮皆凶德也納交者宜謹擇於斯則

切磋琢磨相觀而善麗澤之益滋多矣否則墜韓子之譏雖
 然以吾有其德而後能友人之德善修德者深造自得居安
 資深心術之涵養踐履之純固立必有方行無越思友一鄉
 之士為未足又友一國之士直至於尚論古之人取友愈大
 德與俱大道義儔匹乎聖賢事業焜耀乎今古豈曰無所自
 云宋君蜀士老成有學問觀其興學可以知其得矣咸淳丙
 寅長至前三日
 潛說友改立學門記
 長洲縣舊無學附府學以肄士景定中有旨勅主學員於是
 邑之士請諸臺郡即縣西廢寺為學綿蕪集事而宮牆門未
 正南向之位見謂闕典咸淳八年春邑之士有請於憲臺今
 提學損軒洪公亟俞之俾闢寺地以正學門輿望所屬不日
 而就所以為學之宮者內外於是乎備未幾有譁髡越訴於
 省部公詰而寘之刑事竟帖服諸生銜恩無敢願刊石以
 壽厥傳說友惟夫子之道千萬世一日南門之設制度焉耳
 於道無增然今之世浮圖之宇徧天下而素王之宮郡縣僅
 其一焉而扶植之不力則是有愧於思樂之頌矣公一舉而
 斥異端興吾道厥功茂焉不惟茲門之正而已也諸生出入
 是門藏修游息涵泳公恩且與斯學相為悠久又不惟茲石
 之刊而已也說友為文學掾於斯邑樂諸生之請得遂而吾

道之振起也故叙其事著於下方以告來者使知公德之無窮云

元陳旅重建學記

皇元混六合興起學校以崇化基當時邑令即長洲驛舍
 為孔子廟大德六年縣徙麗郡明年移驛材構縣治故址庫
 隘簡陋師弟子登降周旋相盪摩又無所於休息郡人陸德
 原顧而歎曰席先世之貲產足以供公上之賦而具衣食於
 吾私矣於此而用其贏不亦可乎縣長元童公聞而喜曰是
 能紓吾責者益以禮勸成之於是筮吉日除故縣治地築長
 垣周之前起禮殿闢廣庭穹門翼以邃廡後為西齋為論堂
 為庖庾凡所宜有者以次皆為之材必良工必善規制嚴壯
 而改作堅緻浙右邑校蓋未有能勝之者又屬名工凝土為
 先聖四侑十哲之像而繪羣賢於從祀之位道德之光宛然
 具在至元之三年三月經始明年十月告成觀者咨嗟謂世
 之人率罄其所有以為老佛氏之宮今亦有為是者乎德原
 又以為事雖美而歲入不足以養士則徒為虛器也乃又以
 田如干畝為學田以實之旅以國史之命如京師道出吳門
 邑之士夫請記之德原字靜遠今為徽州路儒學教授
 明朱希周遷學記
 長洲為蘇鉅邑而附於郡治自宋景定閒始立學於城之東

北厥後毀而復創至於國朝又嘗拓地而改建矣顧其地猶為卑隘頃教諭蕭君文佐謀於諸生為遷改之計咸謂城東有僧寺高爽宏壯建學惟稱乃白於巡撫都憲歐陽公繹夏公邦謨提學侍御馮公天馭楊公宜巡按御史趙公繼本皆曰可既而海寇之警其事遂寢越明年諸生復白於巡按侍御舒公汀而郡守王侯庭縣令吳君世良亦以為請公乃躬詣僧寺而徧閱焉歎曰彼僧寺之居若是其侈也學校為養士之地顧弗稱耶是固所當遷改者不可已也遂委通守邊君偲吳縣令張君道與吳君專董其事而貳守王君文儒通守包君梧牛君佐節推陳君一德亦共為之規畫於是即其宮室之舊或飾而為新或撤而改造間以舊學之可用者合而成之其制廟學皆南向其左由櫺星門而入重之以戟門而中為先聖殿殿之旁兩廡列焉其右由儒學門而入重之以禮門而中為明倫堂堂之旁為兩齋曰進德曰修業而齋之南北諸生之房舍列焉廟之北為啓聖祠又北為尊經閣堂之北為名宦鄉賢二祠又北壘石為山山之上為敬一亭尊御製也若夫櫺星門之前則樹以綽楔儒學門之外則鑿為泮池祭器有庫射圃有亭會饌有堂游息有所以至廡宇倉廩之類各量其地之所宜而建置焉其隙地則有田數畝可供粢盛焉為園者三為橋者三為池為館者各一凡游觀

本朝沈德潛重修長元學記

之具靡不備矣乃若此地之形勝則山拱於西水涯於東前有橋曰昇龍內有河曰玉帶靈秀所鍾殆若預為學宮設者豈偶然哉是役也經始於嘉靖辛丑十二月以明年三月落成蓋惟諸君董其事者勤於綜理故其成功之速如此

長洲建學始於宋景定開元至正中重建明洪武至正德屢經修葺嘉靖中遷其地於東南隅而擴大之嘉靖以還人文蔚興以三不朽傳者甲於吳郡國朝順治十一年踵修後鎮將居之牧馬廟中一切圯壞矣康熙二十一年侍講彭公定求力謀興復當事士大夫交助積歲歲事自是人文之盛又過曩時雍正三年分乘鐸者為二署而學宮仍合析邑至今三十有八年連康熙中修葺七十有九年雖中間亦屢修補終以歷時既久木朽石泐鳥鼠穿穴風雨漂搖春秋將事凜乎幾有棟折之懼廣文長洲王君廷嵩元和程君元基以子舊為諸生誦絃其中者久彭大司馬啓豐為侍講公文孫竝請主修學事時彭官於朝不及應子從其請而謀集經費惟恐後時也昔汪太史疏謂吳人尊崇二氏遇浮屠老子之廬施舍不倦獨於聖人之宮攢眉拱手不然而其說謂太史所譏特溺於福田利益之輩則然若知禮門義路之人有權欣欲赴者時貢士候選儒學汪君虞炳子貢士美基力任

其事首捐白金為百者五并勸募同人漸次應命而長洲令許君治元和令周君鳳岐亦委宛勸諭焉於時董事得歷練謹厚之人選材必貞擇工必良以堅撤腐以挺支傾先大成殿嚴翼輪輦先聖四配像煥然而於聖祖萬世師表世宗生民未有皇上與天地參扁額重加髻漆良金望如雲日次明倫堂次兩齋次兩廡先賢先儒神位次啓聖祠次尊經閣以及繚垣泮池齋房庠福櫺星門之屬一一堅善完整前之萬代宗師坊左右之興賢達材坊巍峩宏麗後及舒公祠旁及論訓公廡連及名宦鄉賢徐文靖彭侍講祠亦皆掃除丹堊而又於東偏構講院三楹為諸生會文之所前哲神主亦位置於中經始於乾隆三十年九月落成於三十一年或者謂彭公修學以後人才炳炳麟麟乎郁郁乎可云大備也已試第一人指不勝屈今修理有加上卿侍從之班應更有如先王立學重在正人心明人倫養多士之材以待其用我朝慎重學校表章經籍揀擇學官凡欲得有體有用者以備公卿百執事之選典甚隆望甚厚也身在士林者務在分理欲序彝常知恥力行以望聖人之道雖聖人之道猶天之不可階而升而其實不外子臣弟友庸德庸言果能忠信以進

德閑邪以存誠強恕以求仁固切近精實循循焉下學而漸綏上達者且敦行之餘研究經術以經世務將兵農禮樂措之裕如康濟阜成行所無事出則兼善天下處則天爵自尊人人可為亦人人能為也此上之人所期於學者而實學者所當躋躋自勉者歟子於修學既成而不專重科名之見者以此是舉也同人協力齊為時甚速取材牢固可以經久汪君虞炳外經畫董率者上舍金君三才相輔有方者孝廉莊君誠立諸生徐君鳳階皆得備書

三吳為東南最大邦會人文之盛甲海內在會城之中凡三學焉郡學近城南之南園宋范文正公捨宅勸立先安定公教授其中者也長洲縣學在城東平江路之東明直指舒公直以舊學湫隘奏徙萬壽寺以其地為學國朝雍正中分長洲為元和縣學仍其舊僅添建訓導署於其東偏春秋二丁之祭兩邑同致敬焉吳邑學在城西昇平橋東偏於市廛其規模較二學為稍隘嘉慶十七年涇川朱公理撫吳捐廉倡三學再踰年郡學吳邑學先竣未幾公移節去又值歲大禮長元邑學之工遂寢二十一年吳君慈鶴蔣君升瀛蔣君敬胡君鳳儀彭君蘊琨潘君師升倡議勸捐鳩工庀材因工甚鉅而費不貲方懼中輟會克家同年大司寇韓公對奉

父諱歸里以工未克竣告克家遂同詣相度會督官紳士庶
 釀金剋成故大成殿即萬壽寺舊材閱數百年摧朽剝落過
 半凡楹柱之屬易十之五宋桷瓦甃之屬易十之七竝兩廡
 戟門明倫堂鄉賢諸祠咸葺之糜白金一萬有奇工始於二
 十一年春成於二十二年秋八月自安定公之教授於蘇也
 郡邑人材駸駸然蒸蔚騰蹕以至今日克家忝撫斯土恭值
 聖軌昌明文教光被吳中之科第人物視昔
 殆有過焉則夫興廢舉墜固其責也故樂為記之

先師廟

崇聖祠

名宦祠在 文廟東祀唐縣令蕭審岑仲翔滕遂尉談戴宋
 縣令王禹偁知縣王嘉言劉立言鞠真卿常安民項公澤主
 學宋楚材元達魯花赤元童明知縣宋敏文教諭周岐鳳知
 縣張翔縣丞劉幹知縣余金教諭彭道知縣俞集教諭林僖

裴椿知縣李堯民祁承燠宋繼發訓導林有芝 本朝提學

許汝霖張元臣余正健驛鹽道蔡琦知府陳鵬年知縣許遇

浙江總督李衛舊志學政張裕端長洲令李實據現在祀典增入

鄉賢祠在 文廟東祀唐麴信陵陸龜蒙宋胡元質黃由阮

登炳王蘋方惟深朱長文元浦源宋通明申屠衡王璣尤安

禮俞士悅練綱劉珏韓雍胡琮吳寬文林沈周沈林沈杰沈

燾朱紈王庭金世龍錢有威王敬臣文嘉袁一虬顧其志顧

九思管志道張文奇伍袁萃陳允堅李鴻顧宗孟姚希孟文

震孟陳仁錫朱祖文宋學朱蔣燦陳元素吳适 本朝顧所

載宋學程宋宓宋世濬顧子咸顧子壯彭定求顧汧陸在新

宋廣業

舊志

明程遵冀元祥蔣能

國朝蔣德竣許虬蔣之達

張映葵尤瀾顧天朗沈混沈華彭希洛

以上據現在祀典增入

忠義孝弟祠在

文廟東

本朝雍正元年建祀宋朱良明

王光裕劉政徐謙盛泉吳中英龔元祥盛王贊龔炳衡徐道

周尚賢鄧汝南王文祿孫永正

本朝歸聖脈顧天朗程大

儒朱之勸李漢孫鼎鐘邱存禮程文煥黃農盛建極孫豐穀

施澂張文魁徐國摺顧惟灝楊成懋江國正

廣鄉賢祠在元和學署東乾隆三十年建嘉慶二十二年重

修

沈德潛廣鄉賢祠記

記曰有道有德於教學者死則為樂祖祭於瞽宗故凡鄉先

生歿而清節可以風當時厚德可以垂奕禩經術足以繼往
 開來政事足以澤民致主則祀於學宮俾士君子之遊於學
 者感慕興起世世有所師法也長洲學宮舊有鄉賢祠祀唐
 至今鄉先生五十三位八十一年來後之鄉先生祀典闕焉
 乾隆三十年余倡修學宮文廟啓聖祠尊經閣明倫堂
 以次整葺復於元和學署東建堂一楹舉有道有德於教學
 者七人設几筵祀焉七人者尤侍講侗司李永平扶良懲暴
 改入翰林制作討論皆出其手汪編修琬經學似鄭康成丰
 標如李元禮人士所宗大宗伯韓文懿公茨立朝無援宏獎
 英才有歐陽文忠愛賢之心守司馬文正不黨之訓宋教諭
 實穎宅心和惠研說經籍必盡源流比於宋之胡安定元之
 吳草廬顧大學希喆五經紛綸有井大春之目學老數奇位
 不副德張檢討大受談經講藝接引後生視學黜中廉介自
 持黔士建立生祠於猷山州學惠侍讀士奇通習三禮三傳
 視學粵東以之課士士知實學粵人祀於韓山以配昌黎考
 成之日鄉大夫士胥會祠下再拜奠幣如釋菜之儀請子為
 記嗚呼如諸賢者非所謂清節可以風當時厚德可以垂奕
 禩經術足以繼往開來政事足以澤民致主者耶獨是歷八
 十年而祇此七人可見鄉有賢者之難然兩邑而有七人又
 可見鄉有賢者之盛從此聳流俗樹風聲垂紳搢笏者當思

竭忠盡誠膺人爵而勿棄天爵用以光其俎豆遇艱位卑者當思讀書敦行修天爵而毋俸人爵亦可列於馨香則鄉先生之禮祀不絕於馨宗矣乾隆三十一年歲次丙戌記

教諭宅在明倫堂西南

師生員額

宋元明制詳見吳縣學 本朝教諭訓導各一員雍正四年析置元和縣以訓導司元和縣學初廩膳生員二十名增廣生員二十名附學生員不限額文生遇歲科兩試各取二十名雍正三年加增五名武生歲科併試取十五名析縣後廩膳生員十名增廣生員十名文生歲科兩試各取十三名武生歲科併試取八名

學田

宋景定咸淳間知府陳均季鏞撥廢寺沒官田四頃有奇充學廩

元至元三年郡人陸德原助置田

明成化十年郡人華岳助置習義鄉二十三都九畝田二十

畝吳寬記

萬曆二十五年知縣江盈科置田一頃一十畝

三十六年知縣祁承燠置田五十畝

以上田租歲久籍亡 本朝康熙五十九年布政使楊朝

麟覈實在田一十一頃四十三畝七分九釐八毫屬教諭

訓導司出納雍正三年析存田七頃五十四畝三分二釐九毫道光三年核實淨田七頃五十八畝五分二釐七毫文星閣在縣學東南舊為東禪寺中閣基初明萬曆二十五年知縣江盈科建閣峙縣學左與右雙浮圖相向盈科題額曰姑蘇大觀自為記四十年知縣韓原善重建稍移而南即今所也中為宇五楹以待士之弦誦者崇禎六年知縣涂必泓修陳仁錫記本朝康熙二年邑人端仁先生吳愉修閣頂建桂香殿十九年邑人仁簡先生彭瓏建朝元閣時習堂瓏子定求累有興葺迄四十年始竣事四十九年定求建祠祀瓏愉及正誼先生宋德宏又以三先生高第弟子侍讀彭寧求清

流知縣湯傳榘寧州知州張孝時旌德教諭張孝揚庶吉士

董麒進士鄭駟耐王喆生記

明徐顯卿文星閣記
惟王建國必首建學辟雍之詩曰洪化惟神永觀厥成迺致郡邑咸各有學顧其所重大都曰孝友光明可知已逮明興軼前代猗歟盛哉前長洲縣學故在郡城東北當事者謂二百年來雖科第不乏然而科第不元仕宦不相卜遷城東南改福寧寺為學宮自嘉靖辛丑迄今六十年科第仕宦者如故不加盛萬厯己丑侍御李君故長洲令來按吾蘇加意學校時開府周公精形家言同詣學周遭相度謂右翼雙浮圖是曰文筆左空缺不稱當有所建豎於是邑侯陳君捐俸築臺屬博士吳君董治之崇二丈餘擬構穹閣又八年而邑侯江君復捐俸經營請於開府趙公觀察曹公彭公各檄發贖銀邑博黃君袁君陳君復請子為疏倡諸縉紳先生各捐金助役鳩工庀材以典史唐惟仁諸生劉伸領其事數月落成崔嵬摩空金碧陸離歸如翼如識者謂長洲學自茲益彬彬盛矣於是邑侯江君邑博黃君袁君陳君請余為記余聞庠序者禮樂既興之所用非所以興禮樂也矧乃茲閣當事諸

公寧為長洲士科第仕宦計哉科第非人材不久重人材非科第不驟顯若謂科第為人材是謂庠序即禮樂也而可乎自古不愧科名者其不科第而擁四海千秋之名者不乏則科第重乎人材重乎當世重科第士之巖穴間巷者立德立言則可其於立功無當也則國家何賴焉試閱科第題名其功在朝廷望重華夏而村童走卒皆知其姓名者此人材不愧科第者也其掇巍科歷卿相一時一鄉非不籍甚或其身尚在或身物未幾身名翳如叩諸博學多聞文章命世之士而茫然不知為何人不能名其一事之善者此科第也非人材也科第人材判然若兩物士君子亦可知所重矣然則當道諸公所為惓惓者作士育材云爾寧為科第乎哉自長洲士有如韓襄毅雍孔侍郎鏞者繼踵則茲閣雖與麟凌煙竝峙可也李君名堯民余甲戌分校禮闈所取士周公名繼趙公名可懷曹公名時聘彭公名國光邑令陳侯名其志江侯名盈科博士吳君名良治黃君名承詢袁君名本陳君名朝東茲閣突兀數公麗石不朽矣

韓原善重建文星閣記
 人文之盛類風氣使然故吳為風而又為天帝司文之府每見形家言一文筆宜弭蓋此意也乃茂苑翼宮於右則轟雙浮屠而左則一望如掌故雖名山大川經帶包絡說者謂龍遜

於虎人傑之不能應地靈也職此之故聞里父老言舒公建學後嘗議建鐘樓矣而卒難其竟垂數十年桃源江公來樓果成而前撫臺周公精堪輿親相其地謂地不叶於吳遂指畫樓基而始有更議居亡幾何山陰祁公至捐俸購民間地鳩工採石學博唐君佐之甫定址而以遷擢去弗觀厥成歲庚戌余自由拳來講讀之暇諸生楊時偉管珍姚希孟朱篁等數為余言之既度其形勢非數千金不可非主持自兩臺不可非得一任勞怨者為之總攬又非得一強幹而質實者為之料理不可越壬子橋李魏君至學政井井而諸生又謂當大比期亟欲修舉為請諸撫臺徐公按臺房公皆報可又捐金如干而離臺張公吳縣周公推關張公暨闔郡縉紳先生以及士民之好義者樂助各有差其所不及則余以俸金濟之又不及則以贖緩足之具載董事邑耆張宏祚工籍班班也余將駕朝車會樓成與諸子登眺其上則見大江經其陵而東與太湖三萬六千頃相為灌輸而七十二峯沈沒其間一抹如黛或束或放若抱若折而入城也則葑谿迂迴長鬢真如玉帶已而落日流金明霞璀璨煙嵐吞吐雲物蔽虧縱觀大海之外汪洋蜃氣蜃氣結成樓臺變幻閃條不可方擬因指眎諸子日月象緯天之文也江山海嶽地之文也是惟杰哲聚為人文其人沈深渾厚則其文如條風是天地之

元氣也其人疏曠特達則其文如金風是天地之清氣也下此則冬夏之風為戾氣寒氣而文始不足言也夫風均出於強而嘘之殊氣若此乃得之為文則遂以殊人又若此始信風不在翼而文不在天譬之斯樓自卑而高自下而上又譬之斯鐘大扣則大鳴小扣則小鳴其摩空響答非偶然也故絲文以端風端風以風人不第藉以取金紫而武緯文經今范文正韓襄毅諸公不獨擅美於前是在諸子是役也叙議於丁未卜地於己酉而戊戌則於今壬子夏四月落成於冬十月為基周圍二十丈四尺門高一十三丈六尺遠可眺三百里閣之中為洪鐘一響可聞千萬戶南向為文星像以奉香火閣南不數武為字五楹以待諸士之絃誦者顧余以鳩能拮据與數萬人之工舉數千金之費而先後七月得觀落成以去茲歲賢書環閣左右奮起者十人且有以義經魁者余又得觀人文之成以去非藉諸君子之力不及此言念共濟不勝低徊也是不可以不記

本朝彭定求文星閣修造記

康熙四十二年文星閣修造諸工次第完備定求竭蹶經營歷有二紀追思作者之前勞既荷同人之協力而未遑以時敘述竊恐後之視今茂由考徵以知所興起也乃總舉而為之記曰文星閣為長洲學宮而建亦名鐘樓前明嘉靖閒舒

侍御改福寧寺為學議者以兌方浮屠雙峙非與方特聳星峯則形勢不利故建閣最高而舊基較今稍北萬歷壬子復遷於此經費累千皆出官帑有孤竹韓侯碑記可考也閣既建長洲名賢鼎立若姚文毅文肅陳文莊徐文靖諸公炳炳麟麟增光桑梓可不謂星文鍾靈之驗歟崇禎癸酉更經葺治拓地以祀建閣首庸有陳文莊公碑記可考也運丁鼎革兵燹震蕩閣為風飄雨漏鳥棲鼠竄委諸荆榛蕪蔓中莫有過而問者吾郡人文零落紳士摧殘亦不勝嗟歎云康熙癸卯吾師敬生吳先生以閣頂久欲始為募修并建書院數楹崇祀文昌顏曰桂香殿栽榆藝桂置田飯僧俾之居守惜字放生月為之會此修造之始也甲寅仲秋定求遇玉局梅梁杜公飛鸞開示謂實宣化於此伏念神之格思符於影形庚申告歸遂祀玉局於殿左尤檢討為之記而庭館未闢步趨偏仄是時遠近人士聞風響臻因於東偏建閣三楹顏曰朝元蓋按天官書斗魁戴匡六星曰文昌宮應有附麗之象焉南又建堂三楹顏曰時習爰明文昌立教羽翼宮牆猶行古者術序遺意然舊閣四重漫漶未治謀諸繆侍講彤獨肩厥任墜茨丹雘煥乎更新先君率門弟子數十人月之朔望分題校課數載弗輟相勗以敦實學戒虛聲戊辰閣頂復毀先君亟為募貲葺事而自為之記此修造之續也已巳先君

殿門弟子立祠於西偏修春秋釋菜禮丁丑顧中丞汧又建
 閣三楹祀漢壽亭侯閣下專祀吳先生前營精舍而閣頂亦
 經重修定求復憶吾師疇三宋先生曩者設教城南衣被後
 學因於先君祠南為祠繆侍講為三賢祠記辛巳定求於殿
 西北隅募建別館便住僧淨修癸未增築門垣改鋪石砌庶
 幾規模堅久此輔於修造之後者也計自癸卯迄今閣頂之
 修凡四度屋之建凡四十楹集費不下二千兩有奇其中則
 星峯轟峙其東西則兩樓翼如修廊曲徑環繞周遭嘉樹垂
 陰清流縈帶眺望則可以共星辰肄習則可以居師友游焉
 息焉亦可以答景光陶情性謂非城東一勝地哉或曰書院
 之設例視學宮何為乎祀屬文昌若近於道家言非儒者事
 噫嘻彼特不深察天人之故爾易曰觀乎天文以察時變詩
 曰倬彼雲漢為章于天聖人神道設教之義明矣圖書之精
 陰陽之厚必有黜司其命者則文昌之不為虛無窈渺也夫
 復何疑惟茲地高明爽塏神靈陟降實為人文萃渙合離之
 所學者果能常與對越提省此心臨之在上質之在旁則欲
 消理長足為砥志修身之所由基如第曰科名炳鑑而已猶
 是瑣瑣流俗之論也以定求之愚柔無能仰報鴻庥於萬一
 日月荏苒猶得歸老鄉園晨夕瞻依詎敢隕越以忘所自謹
 構識原委而申明其說繼長增高無使壞墮尙望後之君子

康熙癸未仲冬陽至日

甫里書院在長洲縣治東初元至順中總管錢光弼因唐陸
 龜蒙故居奏建書院於甫里元統二年龜蒙裔孫德原移建
 於郡城而增廣焉有 宣聖燕居殿及龜蒙專祠詳見祠又
 闢明倫堂大小學二齋設山長主教事今廢

元柳貫暑中遷寓甫里精舍
 城隅亦有果園坊容得閑人借草堂何必樵漁之笠澤故多
 水石近滄浪過橋稍接魚蝦市泛艇遙連鴈
 鷺鄉秋雨幾時能破塊夜燈休負讀書牀

元和縣學附長洲縣學

先師廟

崇聖祠

名宦祠

鄉賢祠

忠義孝弟祠

以上並見長洲縣學餘新分縣同

訓導宅在 文廟東

師生員額

雍正三年以長洲縣學訓導為元和縣學訓導廩膳生員十名增廣生員十名附學生員不限額文生遇歲科兩試各取十二名武生歲科併試取七名

學田

雍正三年析長洲縣學田三頃八十九畝四分六釐九毫屬

元和縣學訓導司出納道光三年核實淨田三頃八十七畝

七分五釐道光初朱羨梅等捐田十一畝零入長元二學以資春秋 文廟辦祭之費

和靖書院在虎邱雲巖寺西宋和靖先生尹肅公焯於紹興

閒讀書虎邱西庵題其齋曰三畏嘉定七年知府陳芾度西

庵隙地建祠祀之詳見祠端平閒提舉曹幽請即其地為書

院以和靖為額建三省務本朋來時習四齋後提舉馬述又

建君子堂嘉熙四年提舉陳振孫建藏書堂咸淳初提舉李

芾建燕居堂以奉 先聖元初為寺僧所據延祐元年移置

長洲縣治東烏鵲橋北王志宋常平提舉司故址至元中總管道童建殿

學校二

罕

廡門堂後廢明嘉靖二年知府胡纘宗以龍興寺廢基改復書院今廢

桂馨閣在南濠後街俞家橋街道光十年徐濟創始建造立為公塾總督兩江陶澍書額題跋曰桂馨閣凡屋宇五進右偏舊有園池中設

文昌帝君像後置講堂兩層值春秋兩期讀書學業各徒集斯堂考課定優劣獎賞邀鄉先生觀厥成焉其父名銓號筠軒力行善事既久濟克承父志而推廣之此其孝思不匱者歟

石韞玉桂馨閣記
考之禮小學在四郊古者先王制禮將使鄉人子弟咸服習詩書之澤明禮教而崇信義俾夫秀良能為士者皆由小子以至於成人誠盛典也曩時吾鄉有六門義學凡貧家子弟

均得入學讀書乾隆間有太守雅公名雅爾哈善歸併義學改作平江書院而六門之學遂廢夫書院之設意非不美也然必成學之士始能入院肄業童穉不與焉則書院不如義學作人之廣明矣然義學即不廢亦僅僅惠及於東隣西舍而家居稍遠者勢不能來學則培養所及亦屬無幾此安槎徐君桂馨閣之公塾所由設也閒嘗釋其規條積眾善姓所捐之金存貯塾中公局凡鄉人子弟貧而無力從師者報名於閣每節由閣代致束修之資仍由本家自行擇師春秋二仲月初三日集眾弟子考課之讀書者驗其書之生熟作文者課其文之優劣優者獎之不率教者罰之或子弟不能讀書而習他業亦聽其父兄自行擇師而助其費可謂法良意美矣孟子曰幼吾幼以及人之幼若徐君者真能視他人子弟如其子弟多方教育以致於成人可不謂難哉因撰此記以示鄉人今巡撫古歙程公顏額有教無類督學樂平汪公顏額薰德善良總藩福州梁公書刊聖經全章臬司長白衍公顏額無忝所生郡守鄭州李公顏額存心養性是賢大夫樂道人之善者也例皆得書

蘇州府志卷二十五 終

蘇州府志卷第二十六

學校三

崑山縣學在縣治西南唐有文宣王廟廟堂後有學室在縣治

東即今察院故常平倉基以兵火廢大厯九年縣令王綱始建學於廟

垣之右設博士訓生徒五代廟毀宋雍熙四年縣令邊倣因

舊址重建廟堂門闕甚麗元豐四年為風潮所壞元祐初知

縣杜采移建今地作廟堂齋廡公廨庖廩凡四十楹紹興二

十八年知縣程沂闢廣垣牆重築外門殿堂齋廡悉修完之

知府蔣璨名講堂曰致道乾道元年知縣李結修范成象記淳熙

間知縣葉子強周承勛紹熙間知縣李穉相繼修慶元五年

知縣章萬里修改致道堂曰明倫嘉定閒知縣巫似修重建大成殿淳祐閒知縣徐聞詩修知縣袁興建直舍齋六曰居仁由義教忠履信致道成德元至元閒典教王夢聲修元貞二年陞為州學延祐元年州移太倉二年知州王安貞建學於州之北學道書院山長王大年處州路儒學教授杜頤直學陶公甫學賓陶正甫助成之龔肅至正九年知州史文彬新之李祈十七年州復舊知州費復初仍建於此明洪武二年復為縣學定東西兩齋曰居仁由義闢射圃建觀德亭宣德初同知張徽移建大門於戟門外教諭曹昇修戟門正統初知縣羅永年修兩廡景泰元年知縣吳昭改建大成殿二

年增建號舍於學門外東成化十九年巡按御史張淮購地拓基創新易敞通為屋一百三十九楹垣二百三十丈宏治五年知縣楊子器建尊經閣隆慶六年知縣申思科環泮池為石闌石牆萬曆三年思科請於巡按御史邵陞出贖鍰重修殿堂齋廡增築殿前露臺陳允升崇禎十三年知縣葉培恕教諭呂兆龍訓導張鵬翼周秉緒修顧錫疇本朝順治十五年提學僉事張能鱗修自為康熙十一年提學僉事簡上倡修大成殿二十一年教諭張其翰修提學僉事趙崙邑人尙書徐乾學等皆有助三十年邑人編修王喆生倡修啓聖祠泮池自為雍正三年析置新陽縣遂為崑山新陽二縣學

十一年邑人顧登修尊經閣

提學侍御張廷璠記

十二年教諭劉方沛

率邑人唐德宐等重修大成殿明倫堂及居仁由義二齋

唐梁肅學記

學之制與政損益故學舉則道舉政汙則道汙崑吳東鄙之縣先是縣有文宣王廟廟堂之後有學室中年兵饑薦臻堂宇大壞方郡縣多故未遑繕完其後長民者或因而葺之以民向未泰故講習之事設而不備大厯九年太原王綱以大理司直兼縣令既釋奠於廟退而歎曰夫化民成俗以學為本是而不崇何政之為乃論三老王吏整序民飾班事大啓室於廟垣之右聚五經於其間以邑人沈嗣宗躬履經學俾為博士於是遐邇學徒或童或冠不召而至如歸市焉公聽治之暇則往敷大猷以聳之博考明德以翼之優而柔之使自求之揭而厲之使自趨之故民見德而興行始於鄉黨洽於四境父篤其子兄勉其弟有不被儒服而行莫不恥焉僉曰公主於設教嚮其末不墜其本易其俗不失其宜也傳曰本立而道生昔崔瑗有南陽文學志王粲有荊州文學志皆表儒訓以著不朽遂繼其流為縣學記俾來者知我邑經藝文教之所以興是歲龍集乙卯公為縣之明年也

宋王禹偁修學記

夫聖人之生必受天命有位者天使之化民為一時也三五帝王之謂乎無位者天使之立教為萬世也先師夫子之謂乎是以窮於旅人終於陪臣非不幸也向使居帝王之位行堯舜之風則顏閔之科猶元凱之舉也兩觀之誅猶四凶之罪也自然道至而我無為化行而人不知時之歌者必曰何力之有後之美者必曰無得而稱也雖流為典謨形乎簡冊亦不過濬哲文明溫恭允塞而已豈復有祖述憲章之道流於後代乎故曰生民以來未有如夫子者也秉筆之士安得輕議其德業歟吳之諸郡姑蘇稱其尊郡之屬邑崑山出其右雜以漁鹽之利漑乎朝夕之潮昔在皇唐是為名邑降及錢氏茲惟上腴距海之田民斯阜矣然而庠序或缺儒素弗興寶倉廩而禮節未知既富庶而教化不至為邑之長得無咎乎縣大夫邊公世為儒流時號甲族自起家之調厯宰邑之資所在播其名儕類驚其久次大來之望固未易知皇上嗣位之明年淮海王如京師且獻圖籍尊王室也王上思泰遠人精擇循吏銅墨之任尤難其才始得公以宰吳吳民受賜降璽書以勞之旌善政也秩滿受代將遷於天官會茲邑有命尹之乏者二千石命公以承之且敘政績聞諸冕旒未幾有即真之命免常調也公因民所利期月而治以為人

者教之本儒者教之先苟非師嚴而道尊烏可移風而易俗哉先是文宣王廟但有基址盡為蕪蕪廢而不修六十年矣公乃出俸金以營之同僚悅隨羣吏弗違乃庀工徒乃度材用一畝之宮圖蔓以出之數仞之牆樹土而揭之殿堂既嚴門闕斯備麗以丹漆飾以巧墁制度合乎禮文力役當乎農隙乃像素王被華袞垂珠旒王者之制彰矣乃狀十哲冠章甫衣縫掖儒者之服備矣廟之興也既如彼像之設也又如此粵上丁之晨行釋奠之禮所以列豆籩陳簠簋潔牲牢具疊洗贊幣有數尸祝有辭八音作而人和三獻終而神悅禮無違者道不虛行觀之如堵牆化之猶影響俎豆之事修矣而及魯議者曰吳地裸國也崑山海隅也舊染霸俗未行儒風非明君以文德敷萬邦非賢宰以儒術化百里又安能遵先王之教移小國之風者哉禹偁幸忝德鄰熟聞異政爰旌茂績俾述斯文難言雖在於聖門不朽願刊於貞石

張九成重修學記

通直郎知平江府崑山縣事程公沂詠之文簡公之曾孫伊川先生之姪孫也紹興二十八年七月十二日作書抵余曰沂聞為政莫先於教化教化莫先於興學吾邑有學卑陋不治甚不稱朝廷所以尊儒重道之意學門之外有社壇齋廳

掩蔽於前氣象不舒沂乃移於社壇之西闢其門牆廣袤千餘丈又以東隅建學外門週植槐柳增崇殿門營治齋宇氣象宏偉殿堂齋廡鼎鼎一新遇月旦則率縣官詣學請主學者分講六經與諸生環坐堂上以聽焉時知府事待制蔣公名其堂曰致道并書學榜以寵賁之嗚呼可謂盛矣又曰先生昔學於大儒其所見聞非俗儒比願以其所聞者明告於我我將有以大之余曰吾老矣久抱末疾舊學荒落顧何以副子之請雖然不可以虛辱也輒以聞於師者以告左右左右其擇焉竊嘗以謂學者當以孔子為師以孔子為師當學孔子之學孔子之學非為博物洽聞絺章纈句高自標置視四海為無人攘臂而言曰吾仕宦當至將相吾富貴當歸故鄉吾當記三篋於渡河賦萬言於倚馬此正俗儒之學孔子之學乃不如是當熟誦孔子若聖與仁則吾豈敢之說子夏鞠濡播洒之說孟子徐行後長者之說以求孔子之心可也是謂孔子之學若乃學如馬融如陸淳博如許敬宗文如班固如柳子厚亦可矣而依梁冀而助武氏而事竇憲而附王叔文此吾儕之所羞道而孔門之罪人也詠之以為如何如其不然當明以教我

莫子純修學記

壯哉崑山之為縣也摶結峻絕白石如玉沃野墳腴杭稻油

油控江帶湖與海通波山川孕靈人物魁殊則所謂玉人生此山山亦傳此名著於荆國文正公之詠豈徒竦榮於往號抑亦延光於將來也洪惟我朝用儒立國考辟雍泮宮之制京師郡國皆立學飾祠廟以奉先聖闢黌宇以育多士崇稽古之洪道茂長世之善經由是文治勃興炳然與三代同風猶慮湛恩未廣聲教之未洽也申命縣司更置學麗先聖廟如郡國之制景祐四年之詔也嘉猷四塞六合時雍沐浴膏澤漸潤德教祁祁生徒濟濟儒術而崑山世載其美焉藻揆天庭冠四海而首雋折瓊枝而繼佩固眾芳之所在也日引月長鮮克修事夏絃春誦家自為學先聖之居亦窘風雨朝奉郎知縣事章君萬里大思不任以陞教基授模梓匠夙嚴神棲飾南端之特闢立應門之將將華觀雙邈采題交輝乃營新堂乃恢廊廡浚以玉甃綵以崇垣奢不及侈規遵王度是以經始勿亟成之不日庀工於慶元五年六月而以八月畢之於顯新宮既闕且康思欲復之而無敦申之而有裕也於是捐供給贏貲斥圭租之羨價易民田幾二頃括奸民隱占之田益三頃民之訟田法當沒入者復益其二頃酌畝蓄町既夷且大俾其儲積供久而可繼也又為之新館舍之器用潔祭祀之籩豆亦衣布之餘財而非重費於公也既壯其室亦豐其儀躬率諸生行釋菜禮告奠於聖靈昭事是肅敬

元楊維禎修學碑

謹威儀示民不佻煌煌乎茲文容之壯觀而王制之鉅麗也而後乃知流大宋之德馨咸在於此仁風行而四達義方敷而遐鶩聲名布濩溢浹邑區菲言厚行陶化染學昭光振耀立事立功效當年之用以對前修之純淑則崖風穴水不特清越餘馨而已宜伐石以志使是道也不替於後章君以子純嘗參吳門之幕乃列其事來告俾書之

崑山在唐為望縣國朝以生齒之庶升州徙治東倉至正丙申海寇毀東倉州復舊治所招還流民重立官寺及社稷之壇必義神農黃帝之廟至是遂大修孔子廟殿之址拓其舊三之一禮殿倫堂重門廣廡齋廬直舍庫庖福無不畢具又為堂以祀先賢鑿池倫堂前以泮制象設先聖先師繪從祀諸賢范祭器理大成樂無不知法實今費侯為政三年之所成也民之居者知有教士之歸者知有養又侯之仁民禮士一出於誠之所致也役始至正二十年夏四月竣事於明年十二月侯既率文武僚友將吏儒生講舍菜禮先聖先師舍菜告成又命職於校者具書幣狀顯末走二百里外謁余文以志余方悼世變於校者具書幣狀顯末走二百里外謁余阻江要海與寇爭尺寸者哉訖能保障其所如金湯帡幪其居廬校室如安堵之故非其人之得守將雄才健政有以濟

其民者曷致是耶若侯者是已傳曰守令者民之師帥也侯非師帥之殊尤者乎抑聞治暇即過蠻舍與為弟子師者辨計名理扶植綱常切切然恐不及人嗚呼人之所以為人國暴行滿天下馴致三綱淪九法斃人類無以別禽獸然理出於天者未嘗一息而可滅余讀孟子書知先王學校之可美矣其言曰三代之學皆所以明人倫也時方崇功利薄仁義則又告之曰未有仁而遺其親義而後其君者推其效可使制挺以撻秦楚堅甲利兵人心天理之足恃也如此詩曰既作泮宮淮夷攸從又曰在泮獻馘在泮獻功又知古者文武非兩歧也侯於用武之秋不敢斯須忘文教是可知書曰侯名復初字克明東平壽張人世長千夫於鎮江蓋有文武才幹者是役也同知州事海陵梅英實贊其成事判官齊陽教授陶植提控案牘陳善都目沈繼祖謝宏道也詩曰維吳支邑崑在北東東薄於海捍海作邦陵谷以變井邑以遷人民雞犬往而復還邑有庠序鞠為草莽治必有教復我蠻宇展也費侯克帥克師文事武事匪曰兩歧在昔受成獻功獻誠我教既成我戰必克化民服敵孰負孰荷侯曰噫嘻豈不在我我部百里我心一家衣冠儼雅籩豆靜嘉天經不斃國紀攸敘如子從父如弟聽傳維崑有石維石有銘銘以著績適觀

厥成
明謝遷修學記

崑山縣學在城之西南本宋元以來故址國朝正統景泰閒知縣吳昭嘗改建焉殿堂齋舍咸具歷歲既久頽弊滋甚有司者未之能新也成化癸卯今副都御史襄城張公淮時以監察御史按歷茲邑見而歎曰是而不為將安為乎適縣無長吏即命府判沔陽邵福春陵李智董其事鳩工市材購鄰地以拓其基創新易弊增隘就廣辨方正位期年而落成其重門大庭巍然學宮之前者曰大成殿殿之旁兩廡列焉堂有三曰明倫曰育賢曰退省齋有二曰居仁曰由義設門於退省堂之前曰自脩築亭於射圃之上曰觀德而凡鄉賢之祠師生之舍庖廩之次罔不完且美焉蓋為屋以楹計者百三十有九垣以丈計者二百三十至於籩豆簠簋之屬亦考博古圖式參以今制更造二百四十餘器當時未有記其事者頃巡撫都御史四明朱公瑄行部至崑周覽庠舍而歎張公之功有不容泯焉無傳者於是知縣張侯蘊適以考績來京遂承朱公之命請予文以記之予惟自古帝王之理天下莫不以求賢為務然不先養士而能得賢者未之有也學校者士之所居以業其業者也語曰百工居肆以成其事士無可居之地而能致力於學者鮮矣又焉得賢才以為國家用

有能作興學校如張公者厥功不已多乎崑山為姑蘇鉅邑素稱文獻賢才輩出代不乏人載之簡籍班班可考其尤著者理學如李衡志節如范成大勳業如衛涇皆一時之傑士生斯地嚮方樂學有由然矣矧又有為之作興者哉固宜奮迅激昂十倍於尋常也然學之道奈何曰是不難知也今夫室必有扁勸戒存焉諸生藏修息游朝斯暮斯顧其名而思其義接乎目而警乎心登明倫之堂則思吾之倫果能明矣乎入居仁由義之齋則思吾之仁果能居義果能由矣乎踵自修之門則惕然曰身其有未修耶憩觀德之亭則瞿然曰德其有未成耶動靜語默不愧乎退省之私切磋琢磨不負乎育賢之意用是而日勉焉以古之聖賢與鄉先達自期待雖所至不能盡同要之皆實學也外此而為學則非吾之所知也已予既述其事之始末并以是為諸生勵云

先師廟

崇聖祠

名宦祠在明倫堂東祀唐縣令王綱宋知縣邊倣張方平韓

正彥陳鄂程沂李結葉子強潘友文巫似修潘彙征項公澤
 林桂發王簿邛與權陳璧吳堅元達魯花赤孛羅帖木爾縣
 尹潘昂霄知州王安貞李用璋史文彬僕僕斯費復初學正
 王夢聲州判姜復昌郜肅徐石麟明知縣芮狎馬文烱羅永
 年鄭達唐素楊謚余機楊子器方豪施德楨祝乾壽彭富王
 用章聶雲翰樊玉衡陳祖苞教授朱冕教諭沈應奎荆懋功
 洪應紹季箎訓導張汝才堵應畿縣丞金華石肯構李三省
 典史韶護 本朝知縣郭文雄仇士俊高鈐按縣志無荆懋功餘竝同
 鄉賢祠在明倫堂西祀唐陸龜蒙宋王葆李衡范成大陳振
 吳仁傑衛涇衛湜明殷奎王英朱吉龔詡呂旦吳凱張和葉

盛龔理沈魯沈訥鄭文康沈誠孫瓊沈祥梁昱吳瑞虞臣朱
棻吳愈朱夏朱機盛洪王秩顧恂張安甫沈時周倫顧鼎臣
周冕顧潛周廣魏校周鳳鳴周在周復俊王任用王同祖孫
雲張憲臣張棟諸壽賢徐申歸有光許承周李同芳朱熙洽
馬玉麟徐應聘王燭王臨亨顧天峻支如璋柴大履陳嘉猷
歸子慕鄭若曾周之甫顧夢羽顧謙服顧允元張振德王燾
葛應元葛錫璠蔡懋德王志堅何琪枝張志美張魯唯陳延
經陳其柱朱日燦王志長王志慶何天衢許觀吉夏縉顧夔
許士翀葛鼎 本朝徐開遠邱鍾仁何訥盛符升馬鳴鑾徐
乾學徐秉義徐元文葉方藹徐樹本王浦珍康熙五十六年

布政使楊朝麟增祀唐張鎰宋王絢孫載龔明之元干文傳
秦玉明呂昭劉璉王永和張穆陸鈇夏璣陸容姜昂王倬毛
澄朱希周方鵬柴奇顧邦石方鳳顧夢圭陸冕朱觀朱鰲周
大禮王三接李憲卿顧章志王執禮支可大顧天敘王安鼎
陳岳如顧天寵朱國輔顧錫疇張大復夏萬亨顧咸正胡甲
桂顧咸建陳用極朱集璜陶炎朱用純

按縣志
無陶炎

按舊有尊道祠宋淳祐十二年攝縣事吳堅建初名六先
生祠祀周子敦頤程子顥程子頤張子載朱子熹張栻咸
淳中知縣林桂發改名尊道增祀邵雍司馬光呂祖謙貴
德祠亦堅建初名先賢祠祀唐陸龜蒙宋張方平范仲淹

李衡桂發改名貴德移張方平於守令祠增祀范成大衛

涇陳振賢守令祠宋建

舊志開禧中建誤

祀郡守黃萬石知縣張

方平葉子強潘友文後增祀知縣巫似修項公澤林桂發

今竝廢

忠義孝悌祠在明倫堂西雍正元年建祀漢卞崇唐張鑑宋

孫察曹椿年榮生張某元葉秀實明王永和龔詡陳淮張振

德顧天敘蔡懋德王壽顧咸建夏萬亨胡甲桂顧錫疇俞敬

徐協祥李文詠沈楠黃守道周文鼎 本朝王迪惠汪宗灝

顧存儒朱鳳徐麟吳聲九嚴漢鉦

按舊有祠祀明知縣巫似修今廢

堵公祠在明倫堂西祀明訓導應畿

教諭宅在明倫堂後

師生員額

唐設博士宋制詳見吳縣學元置學正升州改教授增訓導

至四員明復為縣制詳見吳縣學 本朝教諭訓導各一員

雍正三年析置新陽縣以訓導司新陽縣學初廩膳生員二

十名增廣生員二十名附學生員不限額文生遇歲科兩試

各取二十名雍正三年加增五名武生歲科併試取十五名

析縣後廩膳生員十名增廣生員十名文生遇歲科兩試各

取十二名武生歲科併試取七名

學田

宋乾道初知縣李結籍僧田撥入學

慶元六年知縣章萬里助置田二頃括隱占田三頃撥沒官

田二頃

紹定四年知府鄒應博助置積善等鄉田六十九畝有奇

宋鄭準記

縣有學學有廩教而養之上之加惠於士者厚矣故學校不修則春誦夏絃之習廢廩粟不繼則朝壘暮鹽之歎興二者常相須而不可缺一也吾鄉之學安於卑陋者垂百年嘉定辛巳知縣巫君似修始撤而新之闕麗雄淡十倍疇昔瑞守陳公寺丞嘗欲涉筆登載而弗果然是舉也役鉅而用繁故於學田末暇增益經費之外所餘無幾由是食鼓聲沈書燈退養既不瞻教安所施若是又十餘年紹定辛卯戶部直秘閣鄒公被君相簡知來牧吳郡公淳儒也其為政似陽城其

好善似樂克其興起學校似文翁粵自下車未遑他務事關教養知無不為始於泮宮均逮屬邑捐金殖產高下有差明年秋以二百萬錢俾邑士陳九皋經理其事得積善等鄉田六十九畝以二百萬錢俾邑士陳九皋經理其事得積善等鄉田類抑何詳且悉也公之言曰吾之田非以不義得也蓋欲學得有義之租而人得有義之供也公於一政事一念慮之閒舉不違乎義義之為用何如哉嗚呼一介不取諸人伊尹之義也萬鍾何加於我孟軻之義也伊尹孟軻出處雖異而所以為義則同士能充此不以窮達得喪亂其所為則亦何往而非義乎此公之盛心士之所當拳拳服膺而弗失者也一日學賓何且直學陸震持郡符踵門而告曰新租之增為賜侈矣是宜刻石以壽其傳盍為我記之嗟夫道古今譽盛德文士之職顧衰遲廢學詎能著文獨念丙辰叨末第實為公兄尚書公榜下士又安敢以不文為辭抑聞之化民成俗學之所由設也理財正辭義之所從出也是故養士而無其財則非所以為學取民而無其制則非所以為義今之所與共理者惟要途是趨惟捷徑是圖知已而已於學乎何有逞鞭朴之威急征斂之期知利而已於義乎何有其閒崇儒向道畏清議而恤游談號稱留意學校者不為無人要亦不過哀

科罰之貲括簿錄之產僅僅為一州計而已有德於屬邑何有公則不然寬以愛民而無纖芥之過取也儉以節用而無秋毫之妄費也好清靜而游觀之弗事也薄滋味而廚傳之弗飾也故能因常賦益常產以培養士之基內而一州外而六邑廩無不義之粟學無不養之士峩冠博帶日涵泳於恩波教雨之中公之有功於學校其可淺近論哉雖然飽食終日無所用心聖人所深戒既養之矣教之固不容緩也魯侯戾止在泮飲酒茲不日養乎載色載笑匪怒伊教茲不日教乎既飲食之又載教之而使人有士君子之器斯可矣夫豈徒舖啜哉昔昌黎韓愈有言莫為之先雖美而弗彰莫為之後雖盛而弗傳今賢侯置有義之租為有義之供以養屬邑之士不能日趨下風奉承色笑則所謂教非賢宰之事歟宰家世三魁以儒術飾吏必能昭明而闡之訓導旌秀士而表率藏修息游金鑄而玉成之美之彰於先者無窮而盛之傳於後者亦無窮矣他日公坐廟堂庇天下之士而究其所施士由庠序觀天子之光以行其所學則教養之功作成之效豈直一州六邑而已哉士乎士乎可不知所以自勉乎若夫名遂身榮志得意滿食前方丈而弗念壘鹽之憂棄牆角之短檠而遽忘絃誦之樂是之謂徇利而違義非公之所望於士者也尚相與戒之

元延祐元年知州王安貞置田十頃有奇

明嘉靖四十年知縣張焯撥沒官田五頃邑人副使孫雲助

置田一頃

本朝雍正十三年邑人顧璿助置田三頃

以上田租歲久籍亡 本朝康熙五十九年布政使楊朝

麟覈實在田七頃四十一畝五分四釐三毫屬教諭訓導

司出納雍正十三年增三頃今析存五頃二十一畝五分

八釐六毫道光三年核實淨田五頃二十畝五分九釐六

毫

石湖書院 明改巡撫行臺見官署

玉峯書院在馬鞍山南麓宋衛涇藏修於此元趙孟頫書額
新陽縣學附崑山縣學

訓導宅在明倫堂西

師生員額

雍正三年以崑山縣學訓導為新陽縣學訓導廩膳生員十
名增廣生員十名附學生員不限額文生遇歲科兩試各取
十三名武生歲科併試取八名

學田

雍正三年析崑山縣學田及十三年析增新助置田共五頃
十九畝九分五釐七毫屬新陽縣學訓導司出納道光三年
核實與前

志符
合

常熟縣學在縣治南稍東二百步前臨運河

王志河東西俱通
潮朝夕到學門

舊有文宣王廟在縣東五十步學之創始莫考僅有屋梁題

至和紀年蓋宋仁宗時云淳熙十年知縣曾棨增葺建堂曰

進學紹熙五年知縣葉知幾改名明倫立九齋曰崇德時習

好謀朋來利仁隆禮育英守卓隆德尋又改四齋為尙志尙

德尙賢尙文開禧三年知縣葉凱修端平二年知縣王爚倣

郡庠制重建東為廟西為學扁其堂曰明德六齋曰志道據

德依仁游藝以館士稽古

儲祭服祭
器官書

象賢

為小學教
言氏子孫總百二

十楹元元貞二年升州學至元皇慶間邑人楊伯麟曹南金

輸貲修整後至元二十二年知州盧鎮築石堤學宮南樹牆
 七尺修三十丈加飾廟宇明洪武二年復為縣學八年闢射
 圃建觀德亭宣德九年教諭羅汝寬縣丞李子廉主簿郭南
 重修正統元年南知縣事建石梁於泮池上復拓明倫堂基
 重新之二年知府況鍾修兩齋後南又市學左右民地徙射
 圃觀德亭於左宏治間圃凡再徙嘉靖初徙學道書院
 舊址在學之西萬曆初徙虞山東麓建官
 解饌堂於西北餘東南隙地為蔬畦建尊經閣教諭趙永言
 縣丞陳澄佐成之成化二年知縣甘澤修廟學建禮門三楹
 徐有貞記宏治間知縣黃慶祝獻相繼修增建東西號舍八年巡
 按御史劉廷瓚修學士李傑記十三年知縣楊子器重修楊守嘉

靖二十四年縣丞鈕緯修

知縣王鈇記

三十七年巡按御史尚維

持重修

瞿景淳沈應魁記

萬曆二十四年西舍火知縣何節教諭許

成器重建兩廊號舍三十七年知縣楊連修復大成樂

顧憲成記

本朝順治二年提學僉事張能鱗修

自為記

康熙四年里民

孫德基輸地重築萬仞宮牆六年布政使佟彭年副使盧紘

修尊經閣

魯超記

十八年副使劉鼎知縣林象祖修廟殿二十

五年知縣楊振藻教諭程張銓重建明倫堂四十四

年邑人山東巡撫都御史蔣陳錫重修尊經閣雍正二年析

置昭文縣遂為常熟昭文二縣學乾隆三年副使姚孔鈞增

修樂器七年糧道李重裕重建櫺星門十七年邑人錢飛鵬

修尊經閣陳祖范記二十八年修學李因培記四十二年紳士以廟前短垣木柵阻礙申請撤之原案勒石四十六年海風撓折棟宇邑人葺治言如泗記五十年教諭汪正宗又倡修之

宋魏了翁學記

常熟縣學之始圖乘放失僅有屋梁書至和紀年餘無所考慶元三年縣令孫應時以言游里人也始祀於學新安朱子既為證其事寶慶元年祠遷於學之左而孔堂闕壞弗不加治今令會稽王煥始至大懼無以崇化善俗約縮浮蠹踰年更而正之屬邑士胡洽胡淳董其役以孔廟居左廟之南為大門北為言游之祠又東北為本朝周子張子二程子朱文公張宣公之祠以明倫居右東西為齋廬四以館士為塾二東以儲書凡祭器祭服藏焉西以居言氏之裔通為屋一百有二十楹而為垣以宮之且增田四百畝有奇歲助公養之費凡言氏之裔官為衣食而延師以教之別為田五百畝以給其費白於郡於部使者為廩以貯之經始於端平之二年

之冬竣事於明年之秋迺八月丁亥釋菜於新宮屬郡人葉輔之敘其役以求記於了翁竊惟朱子嘗記子游之祠矣如魯論所載二三事皆發揮無餘藐茲孤陋安敢復措一辭然嘗讀禮書而竊有見焉因記廟學之成併附其說夫檀弓不知何人所作而一篇之書獨於子游極其稱譽雖於孔門諸子率多譏評又以言會竝列其是言而非會者非一幾若偏於抑揚然即其書以考之大抵當典禮訛闕無所考訂之時人之有疑弗決者以質諸子游故前後典禮所關者十有四皆以游一言為可否亦足以見其為時人之耳目雖汰哉叔氏一語若譏之而實尊之然則游以習禮列於文學茲其為文為學蓋三代典章之遺賴游以有存者嗚呼信其為豪傑之士矣昔柳宗元謂論語所載弟子必以字惟曾子有子不字遂謂是書出於曾門蓋字與子皆得兼稱如門人之於孔子進而稱子不敢氏退而稱仲尼不言子其次亦有既子且字如閔子之等不一二人或子或字者又數人然淵弓至游夏最號高第字而不能子也有子曾子而不可字也就二者而論則字為尊蓋子雖有師道之稱係於氏者不過男子之美稱耳故孝經字仲尼而子曾子禮運字仲尼而名言偃至於子思字其祖孟子字其師之祖相傳至今人之字仲尼者無敢以為疑仲尼作春秋二百四十二年閒字而不名者

僅十有二人而游夏諸子之門人亦各字其師相承至於漢初猶未敢輕以字許之即是而觀則子游以勾吳孤遠之士遂得字而不子以列於高弟之目此又豈易易然者今吳門密邇行都而常熟為壯縣有如游之北學洙泗遂以習禮輩行顏閔寥寥千載開豈終無其人耶或者狃於習俗未有以自振我朱子既嘗表其事以風厲之予又何言獨惟山川風氣古今猶夫人也誦先聖之書服先賢之訓嗚呼其必有聞風興起以無負建學尊賢之意者士其勉之

元陳基修學記

常熟儒學宋端平初縣令王煥實重修焉距今若干歲而常熟升縣為州又若干年矣至元皇慶間州人楊伯麟楊應鳳曹南金等嘗一再力新之自是又若干年至元十九年教諭天台陳聚以教養餘力節縮眾費即其弊蠹者而繕且葺焉越三年今守禦元帥兼知州事海陽盧侯名鎮視事之日即謁先聖先賢環瞻廟學思有以振其廢墜方是時兵與民困侯知其不堪命乃呼戲下而謂之曰吾與若屬扞茲土方面將相不以吾為不肖辱委之民社而民社所先者曰學校吾將用若屬力斯事其無乃以吾為厲已乎皆曰斯盛舉也敢不惟命於是輸材運甍執斧操墁者奔走後先惟侯所欲為凡前人之所已葺而不能不圯闕與未及修而在所不能容

已者宜其急緩而次第之內而禮殿講堂旁而兩廡齋舍外而櫺星門學門戟門與夫丹陽公泊后土之有祠三賢之有堂采芹之有亭小大畢舉又新築石堤於學宮之南樹牆七尺修三十丈用錢若干緡皆捐已俸而廩無所與庀役若干工悉給軍伍而民不擾工既訖侯率同僚以時廟謁獻饗有容師弟子員教養有所士民具瞻咸曰始侯將兵涖州守城以衛吾父兄今領邦伯又節學宮以淑吾子弟侯有德於吾州甚厚盍有紀述以圖不朽乎教授于德潛率執事者伐石來謁文為記竊嘗觀春秋之法常事不書非常事而后大書待書屢不一書之常熟在古為要荒之地在春秋為子游之鄉在今為吳之北藩自郡縣通祀孔子而常熟之廟學自宋端平迄今凡幾修矣承平之日海內晏安民無戰鬪之虞邑無桴鼓之警縉紳君子仕文學之里役易使之民其視今日不同矣及天下兵興所在城邑為墟生民淪胥水火其幸而免者不為魚肉幸矣何暇恤夫學校之廢興為哉侯起於武弁身擐甲胄手執干戈戮力攻戰繕完城堡為國藩屏此其職也至於學校承平大夫尙或有所不暇而侯於多事之秋乃能不煩學官不勤民庶親率師徒致力於此而完且速豈非所當書者乎吾聞州之民有利學田而奪之者聞侯之風其必有與感者焉其正其疆界謹其出納使祭祀以時教養

有具有司之責也侯勉乎哉

明楊榮修學記

宣德癸丑常熟重修廟學成吏部稽勳主事錢衡世家斯邑少常遊是學來請於予曰學在縣治東南其地隆然以高宏然而敞創始於宋至和重修於開禧端平而再葺於元之皇慶至正其閒政教興替靡常未可以概舉也洪惟國朝文教聿興洪武庚戌教諭朱昞來掌事時學之制左則殿廡戟門櫺星之赫奕右則講堂齋舍庖廩之畢具其後則有子游祠先賢堂蔚然可觀歷歲滋久上雨旁風浸以圯壞未有能振之者近西江羅教諭汝寬與教茲邑慨然欲作新之計其工費浩繁慮有弗給乃先度其力可為者為之若廊廡講堂門垣齋舍及先賢祠宇皆循次修葺惟禮殿未之能也壬子之秋縣丞李子廉主簿郭南暇日視學宮見汝寬用力之勤亦慨然曰學宮責在有司吾輩視其頽廢而不加力寧無愧焉乃各捐俸以倡訓導徐萬益翁玘力贊助之命耆老平孟悅等督其事衡適得請於朝歸省墓乃奉白金四百金佐其役仍率邑之好事者王惠吉陳崇道張士良錢汝周楊顏等捐資以助於是聚材鳩工殿之梁棟椽桷瓦甍牆壁之毀者易之帷幙器用之弊者新之聖賢像設章服則繪飾之與汝寬先時所修葺者輪奐華彩相為炫耀焉是役也不煩於官不

擾於民而率以時就誠可謂難矣敢求一言以示不朽予嘉佐邑者之得人又嘉衡之能輕財而知所尊也故不辭其請而為之言曰學校育材之地風化之原為國家先務也天啟皇明大一統文明之治開萬載太平之業在內則立胄監在外則府州若縣莫不有學而學之規制蓋已超軼漢唐宋元媿媿乎唐虞三代之隆矣皇上嗣登寶位尊崇儒道凡一言一動莫不師法孔子以宏堯舜之治而又屢詔天下修理廟學然郡縣之吏能奉承者鮮而常熟邑佐李子廉郭南知其所重一新學宮可謂能祇順德意者已夫常熟乃子游過化之地子游聖門高弟也則今縣之令佐與夫為師生者優游於茲當何如哉必景仰賢哲修舉學政且務為己之學盡乎孝弟忠信之道勿徒銜名譽徇利祿以負國家建學立師之盛意則庶乎其可也故以此復衡之請且告其邑人焉

吳訥尊經閣記

常熟縣學首創於宋之至和重建於端平初左廟右學大成殿後有言公祠祠右有明倫堂正統元年知縣上虞郭南撤堂新之越三載又撤兩齋改為重屋并市學東民地重建射圃以便諸生習射辛酉冬教諭浚儀趙永言建議郡庠舊有六經閣吳庠近建藏書樓本學曩承太祖高皇帝頒降大明律等書暨太宗文皇帝五經四書大全等集俱置廡下地土

卑濕塵雨蒸氾儻得樓閣以藏庶垂永永時掌縣事者新建
 陳澄也聞而善之乃撤堂後寢屋捐俸為倡復勸邑人伙助
 錢米鳩工市材建閣五間二夾室名曰尊經閣縣令郭南以
 公出歸因出俸米完其未備經始壬戌季秋既望落成嘉平
 之月哉生明之日而教諭永言請為之記因言讀諸碑誌心
 竊有疑宋寧宗慶元己未徽國朱子為知縣事孫應時記言
 公祠後二十八載理宗端平丙申魏文靖公了翁為邑令王
 燦作新建學宮記倦倦然表章朱子記文之說至篇終引禮
 書云時人以典禮質問者十有四皆以游一言為可否三代
 典章之遺賴以有存此朱子未言者若記中所謂南方之學
 得其精華及一酒媮懦無廉恥嗜飲食之譏此二事文靖公
 未嘗發明幸併開釋以告後學於戲訥蚤游邑庠觀明倫堂
 扁左刻新安朱熹書右刻稽陰王燦立稍長讀丹陽公祠堂
 記有得其一二焉按隋書儒林傳序云南北所為章句南人
 約簡得其精華故朱子記稱子游簡易疏通高暢宏達意必
 敏於聞道豈非所謂得其精華者自古而然耶又按荀況非
 十二子篇云媮懦憚事無廉恥嗜飲食是子游氏之儒朱子
 於是引而不辨夫子游聖門高弟論學知大學之本治武城
 知禮樂之道豈有如荀況所譏者乎荀去子游幾二百載其
 時弟子鄉人或狃於習俗遂乃譏及子游故朱子記云願諸

生勉進所謂本所謂道使此邑之人百世之下復有如公
 出一酒媮懦憚事無廉恥嗜飲食之譏期望後學至淡切矣
 洪惟聖朝太祖高皇帝即位之初詔天下立學校遴儒師訓
 迪子弟厥後設科取士以四書五經為主諸所註釋訂定率
 皆朱子之說迨太宗文皇帝命儒臣纂輯大全凡悖朱子者
 弗錄今作閣記舍朱子之言何以為言哉朱子嘗言道在天
 下原於天命之性行於君臣父子兄弟夫婦朋友之間其文
 出聖人之手存於易書詩禮春秋孔孟之籍凡天地陰陽事
 物之理修齊治平之道禮樂選舉食貨兵刑之制靡不備著
 於中自昔師以是教弟以是學今學者類多記誦剽竊內以
 傲其父兄外以驕其閭里終身不知自勉而卒就小人之歸
 然豈專在學者之罪亦與教者不知所以教之道也於戲
 今之為師為弟子者其可不以朱子之言為法為戒以無負
 國家建學毓賢之意乎昔者張伯玉記吾郡六經閣曰諸子
 百家皆在而不書尊經也夫尊者恭敬奉持之謂豈徒尊閣
 奉安而已抑又惟吾邑山水明秀登閣則一覽在目竊恐輕
 俊少年罔思天朝祖宗頒降經書在上或張譙於閣之下或
 酣醬之餘追逐笑嬉非惟墮乎相鼠無禮之惡抑亦墮乎嗜
 飲食無廉恥之賤矣凡鄉邑後進其慎之哉若夫本武城絃
 歌之政推廣學道愛人之心是又師帥之職也愚於此有淡

望云

本朝陳祖范尊經閣記

宋張伯玉記吳郡學六經閣云諸子百家皆在焉不書尊經也尊經名閣蓋助於此閣之下曰南華堂取朱子吳公祠記謂子游為人敏於聞道而不滯於形器豈所謂南方之學得其精華者自古已然歟今學官通以尊經名閣而南華堂則緣乎言子他處不得而冒以朱子之言也夫所謂南方得其精華者蓋亦惟經學是謂隋書儒林傳云南北所治章句好尚不同江左易主王輔嗣書主孔安國左傳則杜元凱河洛左傳則服子慎易書則鄭康成詩則竝主毛公禮則同遵鄭氏大抵南人簡約得其英華北學深蕪窮其枝葉此朱子所言本也今者道一風同家遵欽定之書人奪窮經之志無復南北區別久矣而吾邑獨以言子獨占南華之號詎不幸哉舊志閣貯書千餘卷歲久殘缺十存四五閣亦上雨旁風日就圯壞師儒絃誦之場將鞠為園蔬薪刈之場邦人士其有責焉乾隆壬申教諭吳中衡來思率作興事以張厥職會新之兩月而竣封翁慨然輸家財通庠門明倫堂左右廊廡皆葺亦二復朱子記中媮懦憚事無廉恥嗜飲食之譏夫苟況以目子游氏之儒未必有當而朱子引之則或有感於當日吾

先師廟

鄉風習而言況又數百年以至於今乎工成宜有記予忝執筆謹述舊聞而鐫于申之如此

崇聖祠

吳公祠初在明倫堂東宋慶元三年知縣孫應時建祀吳公

言偃舊封丹陽公開禧三年知縣葉凱修寶慶間移文廟東端

平元年知縣王燦移建文廟後明成化二年知縣祝獻教

諭張景元復移文廟東本朝康熙間知縣趙濬重修四

十四年

聖祖仁皇帝南巡御書文開吳會四字頒榜祠中

宋朱子熹記

平江府常熟縣學丹陽公祠者孔門高第弟子言偃子游之

祠也按太史公記孔門諸子多東州之士獨公為吳人而此縣有巷名子游橋名文學相傳至今圖經又言公之故宅在縣西北而舊井存焉則雖不可復見而公為此縣之人蓋不誣矣然自孔子之沒以至於今有六百餘年郡縣之學通祀先聖公雖已列侍從殿食而其鄉邑乃未有能表其事而出之者慶元三年七月知縣事通直郎會稽孫應時乃始即其學宮講堂之東偏作為此堂以奉祀事是歲仲冬長至之日躬率邑人學士大夫及其子弟貧爵釋菜以妥其靈而以書來曰願有記也熹惟三代之前帝王之興率在中土以故德行道藝之教其行於近者著而人之觀感服習以入焉者淡若夫勾吳之墟則其虞夏五服是為要荒之外爰自泰伯采藥荆蠻始得其民而端委以臨之然亦僅沒其身而虞仲之後相傳累世乃能有以自通於上國其俗蓋亦朴鄙而不文矣公生其閒乃能獨悅周公仲尼之道而北學於中國身通受業遂因文學以得聖人之一體豈不可謂豪傑之士哉今以論語考其語言類皆簡易疏通高揚宏達其曰本之則無者雖若見詘於子夏然要為知有本也則其所為文學固宜有以異乎今世之文學矣既又考其行事則武城之政不小其邑而必以詩書禮樂為先務其視有勇足民之效蓋有不足為者至使聖師為之莞爾而笑則其與之之意豈淺哉

及其取人則又以二事之細而得滅明之賢亦其意氣之感默有以相契者以故近世論者意其為入必當敏於聞道而不滯於形器豈所謂南方之學得其精華者乃自古而已然也耶矧今全吳通為畿輔文物之盛絕異曩時孫君於此又能舉千載之闕遺稽古崇德以勵學者則武城弦歌之意於是乎在故熹喜聞其事而樂為之書至於孔門設科之法與公之言所謂本所謂道及其所以取人者願諸生相與勉焉以進其實使此邑之人百世之下復有如公者出而又有以一洒夫媮懦憚事無廉恥而嗜飲食之譏焉是則孫君之志而亦熹之願也公之追爵自唐開元始封吳侯我朝政和禮書已號丹陽公而紹興御贊猶有唐封至淳熙閒所頒位次又改稱吳公云

明楊一清記

成化乙巳冬監察御史鉛山胡君漢按節三吳過常熟祇謁先聖退謁先賢吳公子游祠偪禮殿隘弗展君顧瞻盡咨乃進蘇州府同知華容毛君瑄曰吳公大賢常熟鉅邑維祠堂僻弗稱殆非所以崇道德勵風教也盍相與撤其舊而新是圖毛君曰諾爰率諸博士弟子度地於學之東偏遂承檄任其事然本以義舉不欲勞民力時教諭天台張景元捐俸首事邑之士民尚末不應無何蘭江祝君獻起進士為邑

令用君意勸誘屬人間者風動共欣助之乃卜吉命義官董其役隆棟厚礎既轟且安堂室中嚴門庶森列經始於丙午春三月至次年秋七月訖工議者猶病祠地前迫義官趙璧市民居以廣之由是岩然開朗視舊觀不啻數倍耕農販夫但見新祠之煥儼而不見庸調之及已也毛君寓書鎮江屬予記嗚呼時至春秋王者不作詩書禮樂之化或幾乎息矣吾夫子出始立教以振之時則有吳公邁迹句吳北學於中國開東南文獻之源其有功於鄉邑甚大先民有言盛德應百世祀故鄉先生沒則祭諸其社尸而祝之公道德之在天下者朝廷通祀萬世無議其在鄉邑則澤潤後人不但所謂鄉先生而已為之特祠以奉祀仰止景行之意於是乎存夫祠不祠不足為先賢重輕獨以義而風化其下者有司事也胡君方稽覈戎籍顧能於風教究心君子於是當有以窺其趨操之正矣若夫為政為學公所受於聖人之家法具在凡吏於此而不能以詩書禮樂化訓其民士於茲而不能志公之志學公之學皆棄於公者也因以麗牲之石併著之名宦祠祀劉宋縣令何子平唐縣尉張旭宋知縣孫應時王燭元知州孔文貞盧克治明知縣李彰柳敬中王綸楊子器

秦禮王鈇黃嘉賓楊漣教諭劉文詔訓導于之鏞 本朝知

縣于宗堯林象祖總督于成龍傅臘塔總漕郎廷極巡撫宋

犖布政使劉鼎驛鹽道蔡琦提學邵嗣堯許汝霖張泰交張

榕端張元臣余正健糧守道史起賢遲日震知府陳鵬年同

知高鈇與縣志同巡撫張伯行陳大受同知魯超據學文增入

鄉賢祠祀商巫咸巫賢宋周容陸綰翟汝文錢觀復錢俟錢

佃冷世光崔敦詩周虎王萬邱岳陳元大王堅王安節元緒

不華褚伴哥明黃鉞張洪衛浩吳訥魚侃程式鄧彥章張懋

章格程宗楊集桑瑾陳易李傑徐恪沈海瞿俊陳喆周木王

宗錫時中盧翊陳播王槐蔣欽唐天恩丁仁陳察張文麟鄒

武丁奉陳寰鄧韜王舜漁陳迺張文鳳錢泮嚴訥瞿景淳邵
 圭潔陸一鳳查光述陳瓚嚴激瞿汝稷王嘉言蔣以忠趙用
 賢陳國華王之麟陳禹謨翁憲祥陸重科徐待聘宋懋中顧
 大章龔立本魏浣初許士柔王夢鼎王夢鼐楊彝孫永祚趙
 士春蔣棻歸起先錢永達項志寧 本朝錢朝鼎王曰俞王
 澧李臨蔣伊周慶曾翁叔元歸允肅汪惟時汪錫爵席啓寓
 程化蛟縣志作雲蛟嚴虞惇歸宗敬蔣廷錫蔣溥與縣志同明桑悅
 本朝歸宣光張敦培陳祖范據學文增人
 按舊有六先生祠在 文廟東北宋端平元年知縣王燦
 建祀周子敦頤程子顥程子頤張子載朱子熹張栻先賢

祠在吳公祠左明洪武八年建祀宋范仲淹胡瑗王燦永
 樂閒移建學門西今竝廢

忠義孝悌祠在縣治北 本朝雍正元年建祀漢黃香晉許
 儒唐龔景才宋宗澤李綱王堅王萬王安節明鄧彥章景清
 言信黃鉞繆樸陸子高程式任環蔣欽王鈇錢泮張承慶王
 奕昌顧大章查光述徐譽唐天恩陳煒卿瞿式耜趙士端王
 魯李維麟馬廷試顧坤瞿興嗣譚曉譚照 本朝席永昇王
 松齡蘇宗芭王宏紱沈萬育呂榭王子齡殷鉉程永祖陳模
 錢邦憲王樹聲孫穀潘潔湯之仁

按祠制宜在學中以縣學地
 隘別卜慧日寺西仍隸縣學

教諭宅在明倫堂後

師生員額

宋制詳見吳縣學元升州制詳見崑山縣學明制詳見吳縣學
 本朝教諭訓導各一員雍正三年析置昭文縣以訓導
 司昭文縣學初廩膳生員二十名增廣生員二十名附學生
 員不限額文生遇歲科兩試各取二十名雍正三年加增五
 名武生歲科併試取十五名析縣後廩膳生員十名增廣生
 員十名文生遇歲科兩試各取十三名武生歲科併試取八
 名

學田

元至順初邑人曹善誠助置田若干畝山若干畝

元黃潛記

常熟故吳地州之西子游宅在焉當孔子時吳通上國已久
 北學宜非一人獨子游以通受業列於七十有二人之間
 而其言行見於紀錄為甚具迨今千有七百餘年其地而
 好學能文者猶彬彬焉風氣之厚俗習之盛誠非旁州比
 縣之所及然自其縣時已有學而所占田多薄瘠以歲之不
 易也諸生往往無所仰食學校之養顧出他州縣下絃誦之
 聲希濶寂寥前後為是州若職教事者思有以裕之而未知
 所以為計學之賓老以為州之有力而名好事莫如曹君乃
 相率造君以為言君欣然為輟田之可耕者若干畝山之可
 樵者若干畝以佐之羣居聚食始無所乏絕莫不德君之為
 而願得予文以記之予聞古昔授田建學悉有成法民之為
 士固不必廩於學宮而大家巨室亦不得有羨田以資施與
 也自先王之法壞而不可復見說者蓋以為三千之徒聚而
 食於孔子或以飲食之人為子游氏之儒何言之無稽耶
 今之去孔子日遠以遠有能聞布衣養徒之事而興起焉可
 謂難也已若夫為弟子員而藏修息游於斯者皆生於子游
 之鄉而得其風氣習俗之美者也苟無辜乎居之安食之飽

而必有事將見其處也必無愧乎子游之文學其出也必無忘乎子游之學道而愛人一簞一瓢不足為其儉萬鍾之祿不足為其泰孰得以區區飲食之細厚誣君子也哉是用弗讓而為之記以告來者云爾

按宋時學田無可考黃記謂所占多薄瘠則舊固有之矣明代撥助次第不得其詳僅亦前志所載萬歷二十七年教諭李維柱清釐頃畝列於左

撫按學田二頃六十三畝六分四釐一毫

關部學田一項二畝九分八釐四毫

儒學田四頃四十四畝七分四毫

社學田四頃五十七畝七分八毫

蘇濤學田一項五十畝一分五釐九毫

祭器田八十二畝七分三釐

以上田租歲久亦多蕪廢 本朝康熙五十九年布政使

楊朝麟核實在田一十二頃九分屬教諭訓導司出納雍

正三年析存田四頃一十八畝六分二毫 道光三年核實與前志符合

文學書院初在縣治東北元至順二年邑人曹善誠建祀吳

公言偃闢講堂列齋舍有司上其事設山長主之 宣慰使王都中題額

楊剛中黃潛記 至正末燬明宣德九年知縣郭南即學西公館增飾

堂廡為書院巡撫侍郎周忱更其額為學道 即都憲行臺詳見官署 嘉

靖十一年知縣徐滌改為學中射圃四十三年知縣王叔杲

得廢圃於縣治西北去吳公墓二百步闢書院仍名學道萬

歷十年廢後知縣耿橘倡率重建更名虞山書院構弦歌樓

樓前登墨井築方塘堂中鑄先聖像兩廡鑄賢哲像申時行王錫爵

記天啓六年逆璫矯詔折毀崇禎六年言氏後裔復其地知

縣楊鼎熙重建有本學道二堂 本朝康熙四十六年參政

馬逸姿修歲久圯雍正中五經博士言德堅重建

元黃潛文學書院記

昔州縣未有學先儒或擇勝地建精舍以講授為政者輒就而表之號曰書院宋初天下書院惟白鹿睢陽之有田僅見於傳記皆上之人以是而厚其養未有以一鄉之善士專任其事者其後命州縣咸立學而學校之官徧天下書院之創置日亦增多我朝尊右儒術以風厲海內聞者莫不知勸有力而好事之家往往構廣廈以崇禮祠輟良田以豐廩食其為書院者遂與州縣學參列布滿於四方既奉濂洛乾淳二三大儒以為先賢而於前代名臣山林高蹈之士有所弗遺凡尸而祀之者非仕其國則其鄉邑孔氏之門從遊三千速肖七十獨子游為吳人今常熟州實其所居里南州之先賢孰有加於子游者乎故為縣時餘姚孫侯應時知縣事嘗

為位於學宮祀之後百五十年為今至順二年州人曹善誠始買地作祠宇而闢講堂於其後列齋廡於其旁有司因為請於中書設師弟子員而揭以新額曰文學書院曹君贈以田一千六百有奇恐早乾水溢之不虞將割田以繼者疑為苟避征徭未敢自言大名王侯侃來守是州力勸相之於是曹君益之畀以田二千六百畝有奇事聞於郡未報而王侯以秩滿去曹君亦入掾太師府今守張侯循閱故牘而得其始末亟命佐吏賈天瑞詣郡關白自是其田有苗稅而無力役春秋之事得不置乏為土者亦有所蒙賴而優游於誦絃組豆閒鄉貢進士達里新署其山長而未上攝書院事者儒學教授徐夢吉以為曹君有功於名教與兩侯之成始終皆不可以無述爰狀其實屬潛記之潛竊觀孫侯舉曠古之闕典意甚美而為事殊簡畧特以先師朱子之記傳之至今曹君乃能不愛其所有而致力於孫侯之所不及固已不易以一鄉之善士而專任樂育人才之責亦古所無有也

明瞿景淳重建文學書院記

永嘉王公治常熟之二年乙丑政修民和百廢具興學宮之左有吳公祠公既展謁因嘆曰嗟乎茲固先賢吳公之鄉也國家方以文學造士今僅有祠而書院不立造士之制無乃缺諸且嵩陽嶽麓類有書院矧茲為吳公之鄉而獨缺焉固

有司事也乃相地於邑治之西得廢圃一區介兩憲院閒西枕山麓顧瞻則吳公之墓在焉公曰可矣乃白之按院溫公溫公亟是之首發贖金若干助其役公乃度基址計丈尺具材用卜日興工其地南阻民居乃東闢為書院門內稍虛其南為坦途北折為表曰南方精華言南方文學肇吳公也門內為池樹以綽楔表曰洙泗淵源言吳公之道本洙泗也又進為學道堂揭示遺訓俾士民知所興也堂北為祠門中建祠宇旁翼以亭自非瞻禮門不輕啓明有敬也堂之左右稍北則對立書樓稍南則對立號舍各蔽以牆出入有門升降有階士之肄業其中而升堂問難者咸得霑時雨之教也吳公故有專祠然僅容俎豆而不足以聚生徒則崇教之道未備今書院之立奉祀有祠講道有堂藏書有樓肄業有舍規制宏敞真足以報吳公之德而慰吾人景行之思矣余獨念今之以文學名者或有異於吳公也吳公之文學蓋篤其實非徒飾空言者若今之文學徒飾空言為干祿之資爾無乃有異於吳公乎世有豪傑之士必有不安於科舉之習而以操履為重者矧至吳公之鄉而依其門牆可徒浮華是競以忝吳公乎是可以省矣不然邑故有學校豈不足以造士而司教化者必勤勤於書院之立哉

虞山書院在虞山南麓梁昭明太子讀書臺右 本朝康熙

中督糧參議劉殿邦因臺構堂以為游憩之所雍正三年副使楊本植改建書院乾隆二年副使姚孔鈞延師課士其中八年知府覺羅雅爾哈善重修十一年重修參議程光鉅闢圃於後作亭曰卓爾距亭西數武石壁閒有泉湧出甘冽不

涸

程光鉅書院後圃泉銘

涓涓巖泉清淑凝聚氣至機流沛然莫禦匪靜曷恒匪動曷

著雲竇有源試為尋湖 伊昔未達湛然中藏歷千萬禩韜

厥聲光孰啓其齋際我 聖皇山川應運靈液流滂 鬱鬱

虞山先賢是宅帝子遺臺流風足式天彌斯文泉飛講席一

瓢洗心勗爾朝夕 蒙以養正聖功是基有冽者泉若示其

微體茲不息日進庶幾

勿謂可待逝者如斯

虞溪書院在阜成門外明參政周木建祀周虞仲宏治間知縣計宗道顏其堂曰讓德 本朝道光二年移建清權祠旁 養賢書院在明倫堂之西 本朝康熙四年復學宮旁址之 侵於民者海防同知魯超建

社學舊在縣治西明成化閒知縣甘澤建宏治八年知縣王綸重建於慧日寺西十年知縣楊子器復拓之萬曆中知縣張集義構門廡復舊制知縣楊漣延塾師教貧民子弟今廢 思文書院俗呼遲公書院在城內西北隅文學里 本朝康熙十六年邑人新建

義學在三十七都沙頭之南元泰定二年楊伯麟築室為學

舍置田供租

元閣復記畧

吳郡義田自范文正公始常熟縣楊侯實踵行之侯家居琴川百有餘年宗派既蕃思以義庇其族於沙頭里墾田若干築舍二十楹延耆儒以主師席凡族中之貧者有養老者有奉少者得致力於學予嘗為部使者知侯尚義之志老而彌篤不可不為表見於世

昭文縣學附常熟縣學

訓導宅在明倫堂西

師生員額

雍正三年以常熟縣學訓導為昭文縣學訓導廩膳生員十名增廣生員十名附學生員不限額女生遇歲科兩試各取十二名武生歲科併試取七名

學田

雍正三年析常熟縣學田七頃八十二畝二分九釐八毫屬

訓導司出納道光三年核實與前志符合

正修書院在支塘 本朝乾隆中知縣黎龍若建本為社學

名其堂曰正脩其後知縣康基田增置學舍改為書院俾一

縣之士就學焉

彭紹升正修書院記

昭文支塘鎮向有社學建於舊令黎侯龍若名其堂曰正修俾支塘之學者肄業焉其後三十餘年今令太原康侯即其地增置學舍改為書院而仍其名一縣之士多就學其中侯為之擇明師日有課月有攷規模制度視昔有加既迄功介其門生薛子家三屬紹升為記紹升敢申正修之義以告諸生曰大學之道諸生童而習之矣願以嘗反諸身心而得所謂正修之義乎齊家治國平天下以修身為本而修身必先

正心故曰正修而大學之道備矣誠意者去不正以歸於正也格物致知者剖正不正之分研正不正之幾而後能去不正以歸於正也故論語言修己以安人孟子言正己而物正即修即正即正即修道豈遠乎哉術豈多乎哉夫惟不知修身之必先正心於是存亡得失幾不能自辨方儼然自命為誦說心之錮蔽日淡存亡得失幾不能自辨方儼然自命為聖人之徒援文牽義以自便其私自護其疾而固有之心不可復問矣亦惟不知齊家治國平天下以修身為本於是奮於才僑於氣鹵莽於當幾侈張於小效是故文具勝而側隱之意微心計精而機變之巧熟相餌以利相傾以智結習既成積漸難反由是便巧者進而廉直者退浮偽者庸而朴誠者去其極也官方敗而士習從之士習衰而民氣應之嗚呼道之不明學之不講其為風俗人心之憂豈不甚哉雖然道不遠人反之吾身而具足體之吾心而無餘諸生亦有志於斯乎誠淡念夫身之不可不修心之不可不正必有事焉循序而致功火然泉達日新又新孰得而闕之若唯佔畢之是務以取聲譽釣名位而已則是舉也方恐詒吾道之隱憂又烏當於命名之義哉院故有田若干畝今增置若干畝邑人某實捐產畀之屋凡若干楹貯書若干卷并附書之使後之人有考焉

義學在方塔寺右 本朝乾隆八年建

吳江縣學在東門外長橋河北初有

文宣王廟在縣治西宋大中祥符五年詔郡邑修廟縣令李恭

尉聶復作新之慶歷七年縣令李問尉王庭堅議改廟建學

會詔止其役元祐中知縣程端始立學自為記建炎兵燬紹興

中知縣石公轍以東開江營舊基及邑人王份獻地改建即

今址也乾道初知縣趙公廣拓其規制凡三十餘楹講堂曰

明倫四齋曰興賢進德日新時敏淳熙五年知縣陳翥修嘉

定八年知縣孫仁榮重建大成殿黃由記十年知縣呂祖憲修

盛章記淳祐初學長王南建登龍橋於學之左因形家言創之南占後科鼎魁

陳炎發相繼登科宋季悉燬於兵元至元十二年都元帥甯玉駐兵

鎮吳江重建殿宇塑繪聖賢像二十一年縣尹王柔建講堂

齋舍元貞二年陞州學立四齋大德二年教授謝起東建兩

廡繪從祀諸賢像四年知州李玘建櫺星門延祐四年知州

高仁葺殿堂齋舍建儀門屏牆顧儒寶記至治三年教授孔文栩

栩一作相即儀門增戟二十有四至正十一年知州邵萬重修陸居

仁記十三年達魯花赤札牙進建戟門置大成樂許從宣記明洪武

二年復為縣學定東西二齋曰日新時敏立射圃於學西南

八年置觀德亭三十年教諭汪茂實修正統十三年巡撫侍

郎周忱知府朱勝拓左右民居以展宮牆重建廟殿景泰六

年巡按御史趙縉建後堂及學舍共三十六楹知縣賈亮重修廟殿明倫堂成化八年知縣王廸又徙民居以拓廟庭宏治十年知縣郭郭修正德十年巡按御史唐鳳儀改建明倫堂嘉靖二年知縣王紀修周用記十六年知縣林應麒建泮宮坊於學宮前三十二年知縣楊芷建時化射圃二亭周大章記萬曆九年知縣徐元修廟十八年知縣趙夢麟修兩廡及明倫堂顧大典記二十七年知縣孫大壯修五門沈季文記三十九年知縣馮任重修廟學并建泮宮門樓周道登記四十二年知縣魏士前重修啓聖祠櫺星門敬一時化射圃二亭吳默記四十八年署縣事同知康元和卽時化亭改建尊經閣崇禎二年知縣熊

開元移啓聖祠於廟後

祠初建於儀門外西南

改建明倫堂及東西兩

廡又修龍門十四年知縣葉翼雲建觀德堂於射圃亭址

本朝順治九年知縣唐增教諭陳繩舜十一年知縣吳就恒

教諭洪天開十三年知縣雷珽相繼修整康熙三年同知魯

超推官龔在升倡修明倫堂儀門二十三年知縣郭琇訓導

秦去非重修廟學四十二年知縣張元振重建尊經閣五十

六年知縣石拱極修廟五十七年知縣葉前繼成之雍正三

年析置震澤縣遂爲吳江震澤二縣學乾隆三年知縣趙軒

臨教諭廖維新修崇聖祠明倫堂尊經閣九年知縣丁元正

震澤知縣陳和志重修大成殿五十八年重修

熊枚記

宋陳堯佐新廟記
 道濟萬物而萬物不知所以然故聖人條其教而教之教之
 弗率而又以其刑而刑之由是君於上臣於中民於下尊卑
 貴賤儼如也故禮樂征伐自天子出後之學者或曰吾師佛
 也吾師老子也復又有百家之說穿鑿戶牖於是教分爲三
 流析爲九嗚呼教果三乎流果九乎且未喻佛何爲也老子
 何爲也言之彬彬書之云云是欲化人爲善乎爲不善乎果
 欲善也則孔子之教不爲不善矣水濟水也安得而異曰江
 曰河曰渠曰溝名斯別矣體復二乎且夫生而免乳必諷其
 言死而就木必由其理起居飲食一以資之此乃孔子之教
 不可須臾而去也雖欲去之有能去之者乎或者北其轅而
 騁越西其流而走海蓋有之矣未見其至也復之上六述復
 凶謂迷復之凶又誰咎也國家紹千載之統炳二聖之業東
 封泰山蒼天之休也西祀汾壤復地之利也而且謁見靈闕
 飲解宗廟噫爲禮之盛有過於此者乎爲教之大而過於此
 者乎多士討論之聖君則成之明白光大垂耀永世夫如是
 則孔子之爲道也不爲不尊矣孔子之爲書也不爲不信矣
 王者尊之率土奉之適其宜矣又安從而他師焉始蘇南門
 邑曰吳江乃錢氏武肅王之所建置疆畫長洲之苑門涵震
 澤之源魚鹽蜃蛤既邀逐末之利詩書禮樂遂昧好學之訓

會詔下郡邑悉煥儒廟縣令李恭尉聶復等喜而言曰由已
 而爲專也專則有悔自命而作順也順則無咎旣而營材具
 工補壞繕廢棟宇之制遙資乎闕里俎豆之設仰法乎太學
 門人洗洗室書鱗鱗泯然之毗於斯改觀卓爾之士可以弗
 畔又若樽篚之器縣官具之奠獻之數朝廷著之雖顛蒙者
 視之瞭焉茲又上之化下以道下之奉上以禮可以亘萬古
 流頌聲於無窮也余竊大君之祿外計之寄錢刀之司實曰
 已任俎豆之化又匪他務會按厯所部戾至新宇惟令及尉
 趨而言曰天子有命執事不接廟成弗識歲遠何觀願得正
 人之論以刻泰山之石余聞其言則思當請而諾蓋喜乎播
 吾后錫美垂鴻之慶亦樂乎揚孔子垂教化民之旨黔淺之
 說孤陋是思或曰三教九流果何如也曰三教不二九流歸
 一吾子思之知其異不異也

陳從古修學記

學校者政本之所自出講禮閱樂習射考藝養老齒胄獻囚
 告馘無不寓焉詎可一日廢也世之俗吏倒本趨末偃然
 以簿書獄訟爲急視學校爲虛器無惑乎風化之不行政本
 之不立也三代之時家有塾黨有庠術有序國有學人惟安
 於禮義廉恥之域而無暴慢鄙倍之心故孟子謂學則三代
 共之皆所以明人倫也人倫明於上小民親於下可謂知本

矣自子衿之詩作士子競為城闕遊溷然無所歸宋興尊儒
 隆道州邑率詔置學自漢及唐未有如祖宗之盛也中更金
 虜之變一時學舍莽為盜區浙右尤甚吳江界往來之衝六
 龍南渡駐蹕臨安實為畿邑士大夫行李取道半天下使客
 旁午曾不得一夕寧為邑者平旦視事操牒據案獨臺符府
 檄金穀趣辦乏與是憂至學宮廢弛漫不經意故民不知教
 簪筆健認視他邑最乾道之初乏宰再歲郡擇士者攝之席
 未暖即去知縣趙公領事之始慨然歎曰吾為風化之首今
 學校鞠為園蔬邑之父兄鮮以夫子之道詔其子弟甚者先
 聖殿上雨旁風春秋奠菜無可存庇此今所當憂也前政石
 公轍嘗創之矣未幾中輟吾詎忍不終其事乎卜日鳩徒撤
 舊更新夷荒剔蝨周以重階聖以兩廡中奠廟室環列繪像
 生師有舍禮器有所賓客之廬庖廩之次無一不具公曰學
 具矣無貲財以養士徒學為於是將舊籍漁兒月計錢二十
 萬永為廩餼之費凡片瓦尺椽市於旁邑民不告勞丞俞希
 尹實贊其事經始於乙未之秋落成於是歲之冬邑之羣士
 鼓篳歡趨以後為恥絃歌之聲夜以繼日公又嚴規程以防
 其怠者則公之慮遠不為朝夕計益可嘉也吁學校之設不
 徒設也世之甲兵可以威天下不知學校亦足以威天下蓋
 甲兵威之而不足學校威之而有餘昔朱泚之亂士風皆靡

何蕃以布衣之微一叱而回六館之士孰謂學校無益於人
 之國哉今諸生宜以古學為心不徒為章句誦說之習異時
 孝於家忠於國無負聖天子教育之意則所以報公者亦無
 愧矣余吳人也往來彼數矣見其水波溟渤羣山映帶遠混
 天碧長橋臥波橫載其中因躡棹岸巾尚羊四顧曰脫屣天
 刑扁舟五湖豈非鴟夷子皮之遠遊者乎秋風颯然尊鱸芳
 鮮豈非張季鷹之思歸者乎行歌長吟興渺雲水豈非陸魯
 望之嘉遯者乎大抵山澤英靈之所萃其寓於物也必有環
 奇雄傑之觀其毓於人也必有高明俊秀之才為時而生者
 今有待於學校以作興也趙公既建國矣則才之所以成就
 者吾知必有其人焉公名公廣字德儉屬籍之賢有文者其為
 政知本末又能推餘力以及郵亭使館橋梁祠宇一新之部
 使者以能聲交薦於朝今為南徐別駕公雖去邑之士不忘
 公賜相與請記於余欲刻之石以告後人余嘉公之政如此
 不敢以固陋辭時淳熙五年五月

黃由修大成殿記

祥符五年二月吳江縣始建學丞相文惠陳公堯佐為兩浙
 轉運使實記其成當是時宋興六七十載海內無事文始大
 興詔郡縣悉置學守若令得祀夫子令李恭築縣偏以奉詔
 書規創軒偉廟貌適嚴俊語明章相為發揮學校之盛稱於

二浙既厄於兵令石公轍乃改而南大成殿之建距今又七
 十載棟橈榱腐聖繪漫漶春秋釋菜觀者太息令劉伯麟輦
 錢五十萬議葺治不果今令孫君仁榮初拜學宮有慨於心
 義劉之為願竟其役於是捐金糜穀至割圭租躬執朴畧無
 畱難明年夏六月已成簷楹飛像設一新承平氣象宛然
 如在由有園百畝撫上所賜詔墨是名盤野幸與學隣扁舟
 遇之輪奐奪目乃載酒為諸友賀席閒人人言令君之賢豈
 弟不擾百廢具興未幾皆及吾門且述所以嘉惠鄉校者謁
 由書之由再三辭不獲則進諸君而告之曰學之興廢時也
 道之窮通命也惟不以窮通累其心而一以救時行道為事
 此吾夫子所以異諸子也至於今名教被於四海祀典垂於
 百王其於啓人心惠斯世者蓋與天地相為無窮豈直籩豆
 斯存歲時謁奠而已吳江壯哉縣水天寥濶清淑扶輿數一
 百年開豈無長才秀民行夫子之道於世顧使高人隱士脫
 身世鞅者多擅茲邑是豈夫子詔吾黨之意哉夫沮溺耦耕
 晨門荷蕢謂非知幾有道之士則不可夫子奚不淡取以為
 世道計也噫出處何常惟義之歸屑意軒冕顛冥利害之途
 而不知返固非也忘斯世獨善其身將孰與任天下之事轍
 環南國削跡伐木夫子有不得已於此者矣諸君勉之入宮
 牆拜冠履而念及此則通經學古期於有用得時行道思濟

斯民皆聖門事業毋徒曰吾自有東家某此則由之志也亦
 令君所以尊嚴先聖淑艾吾黨之意也語曰十室之邑必有
 忠信不如某之好學也諸君勉之

元朱子昌修學記

吳江平江之屬邑有泰伯延陵之遺教故其俗淳以厚有鴟
 夷子皮季鷹魯望之高風故其士清以逸有三江五湖之形
 勝故其地為古今之雄盛余曩奉三高祠徘徊學宮摩挲石
 刻觀陳文惠公所記則知此邑學校蓋甲於吳之諸邑自大
 中祥符已然紹興改創規模宏大風驚雨過蕩不復完所僅
 存者大成殿講堂而已鎮國上將軍都元帥甯侯玉葺而新
 之自至元癸巳八月鳩工正殿始復相是役者敦武校尉杜
 福然講堂齋舍未及也是邑王令君柔勇於為義以明年八
 月與邑之長貳復倡士民舍其舊而新是圖講堂廊廡齋舍
 下逮倉庾庖湍之室具備前學錄俞處仁儒林偉士也捐金
 繼粟賴其力為多落成後教諭王沂李文箴合詞請紀成績
 予謂承流宣化吏之職也政教異焉漢言循吏以西都為稱
 首龔遂渤海黃霸潁川不以柔服強暴為能則以發摘奸伏
 為事文翁治蜀其治辦之迹一無可言不過興學校教生徒
 而已班孟堅傳循吏顧乃列於龔黃諸人之先豈非詩書禮
 義之澤入人也淡教為政之本固有在此而不在彼歟是邑

當驛道憧憧往來仕於此者於將迎中不至廢事斯亦可矣
何暇他及有能以興學校崇教化為先務者亦可向已士之
肆於斯者其可負所學歟泮水為頌僖公而作修泮宮一事
不書於春秋而見於魯頌蓋泮宮乃因魯舊有而能修故春
秋不書然魯人頌美之辭在聖人所不廢也予職儒司因士
心從輿論不容以蕪陋辭時元貞元年九月

明趙寬修學記

國朝之制縣必有學學必有廟天下皆然然有修飾者有荒
陋者各視其地之文獻及作興之人何如耳學所以明人倫
育英才欲其寬閑靜淡以為士君子進德修業存心養性之
地廟所以尊事聖賢報本追遠欲其高明嚴肅然後人望而
敬有以興起夫景仰企慕之心吳江廟學自宋元有之正統
中巡撫少司空吉水周文襄公始拓其基宇而改創之規模
宏敞他邑莫及也歷歲既久日以頽廢宏治戊午春寬以刑
部郎中奉使河南便道鄉間祇謁先聖廟庭顧瞻宮牆周覽
區宇輪焉奐焉鳥翼翬飛丹雘焜煌照映雲日殿曰大成門
曰列戟曰櫺星祠曰鄉賢曰去思堂曰明倫齋曰日新曰時
習以及神廚神庫膳堂射圃學官之居諸生肄業之舍倉庾
庖溷之屬昔之卑庫者今則增以崇昔之毀敗者今則完而
新昔之巧慢者今則潔而明矜佩之士絃於斯誦於斯藏修

息游於斯皆得以安其居靜其慮大肆其力於詩書禮樂之
場而無喧囂之雜湫隘墊濕之憂予喜而問曰孰為之哉何
若斯之盛也眾咸曰此吾邑侯之嘉惠也吾侯下車首務斯
文近日司宰牧者所未見也予因問繕工之始末曰侯以丙
辰之冬來至任經始於明年暮春之初訖工於孟夏之終問
經費之所出曰取材於官而役力於民民欣然趨之命陰陽
訓術吳蓋敦匠事蓋公勤有幹畧長於料理學論高君督視
之尤加意焉故其成速而精予聞而嘉之侯之政豈不異哉
侯以進士釋褐來宰邑視事之初錢穀獄訟案牘山積宜若
不遑他務者乃能從容有餘以從事於教化之地其才力優
於人遠矣世之好興事者厲民惡勞民者廢事今也有子來
之樂而無疾首蹙額之怨此何以致之哉秉彝好德人之同
心矧吾邑固文獻之區哉侯因民所欲而使之宜奔命之易
也教化行而風俗美思樂之風作而械僕之士興焉必自今
日始矣高君與司訓林君陳君聞予言請書之將刻貞石詔
來者予辭不獲遂書以歸之侯姓郭氏名郭字于蕃廣平肥
鄉世家也廉明嚴肅達於政體治邑一年
而良法善事具可稱述不獨興學之美云

先師廟

崇聖祠

名宦祠在櫺星門外東祀唐刺史王仲舒宋知縣李問向子
 韶石公轍元都元帥甯玉州判張顯祖明侍郎夏元吉巡撫
 侍郎周忱知府況鍾朱勝提學御史孫鼎陳選知縣李遷梧
 劉時俊教諭蔣宏憲 本朝知縣劉定國郭琇總督于成龍
 傅臘塔總漕郎廷極提學邵嗣堯張泰交余正健舊志知縣孔
 允祖雷珽趙子三霍勳巡撫馬鳴佩徐士林學政張元臣許
 汝霖張榕端知府陳彭年以上據學文增入
 鄉賢祠在櫺星門外西祀宋魏憲王蘋陳長方楊邦弼王份
 沈義甫元王原杰明馬逵徐琛吳璋莫旦趙寬王哲沈啓張

源張基徐師曾龐遠吳邦楨顧曾唯杜偉周大章沈位孫從

龍李周策葉重第吳士龍葉重科毛壽南沈瓚袁黃吳默沈

琬趙士諤周宗建朱陞宣袁儼龐秉道汝可起 國朝周爰

訪舊志明周道登龐承寵周用陸文衡潘有功 國朝李寅費

洪學陸耀金士松據學文增入

按舊有祠祀宋知縣王益祥今廢

忠義孝悌祠在儀門外西南雍正元年建祀宋魏憲王份陸
 十七曹社元陳瑞明盛逮莫轅吳璋丁綿盛景吳埕葉紳顧
 寬盛應期沈奎吳山沈漢張基李濟周大章周宗建朱陞宣
 趙蔭周延祚 本朝沈自顯曹天祿徐杲張維馨嚴代言皇

甫沆

教諭宅在尊經閣後

師生員額

宋制詳見吳縣學元升州制詳見崑山縣學明復爲縣制詳見吳縣學 本朝教諭訓導各一員雍正三年析置震澤縣以訓導司震澤縣學初廩膳生員二十名增廣生員二十名附學生員不限額文生遇歲科兩試各取二十名雍正三年加增五名武生歲科併試取十五名析縣後廩膳生員十名增廣生員十名文生遇歲科兩試各取十二名武生歲科併試取七名

學田

明嘉靖二十四年知縣朱舜民置田三頃
二十九年巡按御史鄧巍置田八畝九分
萬曆三十六年知縣馮任撥沒官田一頃八十四畝四分七釐教諭蔣宏憲助置田十五畝供諸生月課費
四十年巡按御史徐民式撥置田五十六畝
四十二年知縣魏士前助置田一頃八畝七分二釐二毫蕩八分八釐七毫
四十五年鈔關主事張大猷助置田三十九畝六分五釐五毫

以上田租 本朝康熙五年知縣劉定國核實在田六頃

九十三畝九分五釐八毫蕩四畝八分八釐七毫除蔣宏憲助置

田五十九年布政使楊朝麟復核實在田六頃八十九畝

九分二釐五毫屬教諭訓導司出納雍正三年析存田三

頃五十畝三釐九毫道光三年核實與前志符合

州社學在縣治東北元至正十九年知州趙仁建置齋二曰

日新曰時敏蘇大年記明成化五年提學御史陳選即其址

重建吳驥記今廢

古塘義塾在一都蒲圩村明成化十八年邑人姚芳建置田

八十畝莫震記今廢

同里社學在同里鎮明宏治五年知縣金洪奏革稅課局改

建史鑑今廢

松陵書院在學宮後下甯元圩乾隆四年邑人汪涵光捐建

凡十一間顏曰松陵書塾教諭廖維新記十二年知縣陳莫

纘捐修并設神廚奉先賢朱子神位顏曰松陵書院按雍正中義學

設塔寺內知縣捐俸銀若干為束修膏火之資九年邑人王

蔭槐捐本邑田一十一畝九分六釐九毫助之其田歸儒學

經管乾隆九年議詳歸縣經理

同里鎮義學在富觀橋北乾隆十二年知縣陳莫纘奉知府

傅椿諭創建周三畝為屋二十間顏曰同川書院自為記按本

鎮義學舊設僧寺是年知縣陳莫纘始捐俸署地勸諸紳士

捐俸并支倪兆鵬所捐田租用田租詳下條

盛澤鎮義學二所一在充字圩乾隆八年知縣丁元正奉知

府雅爾哈善諭勸捐創建凡二十九間知府雅爾哈善記

年盛澤鎮汪有光等所捐并縣庫所移銀共一千二十兩四分內買民房改建義學用銀五百一十八兩七錢有奇餘五

百一兩二錢有奇存典生息買市房取租每年共收銀八十兩九錢有奇為義學經費俱分防縣丞經理一在鎮

西廟內雍正十三年震澤邑人倪兆鵬創設按是年兆鵬創

鎮僧寺及本鎮西廟內又捐田一百二十三畝一分歲入租以給兩學經費縣詳憲題照學田例歸儒學經管乾隆元年

奉旨義學義田仍聽本人經理不可交官收管以致吏胥侵蝕巡撫顧琮因飭縣牒學將原田歸兆鵬經理

黎里義學二所一在染字圩康熙五十四年里人陳時夏等

建周一畝五分屋二十餘間乾隆一在作字圩雍正十年知

縣趙軒臨奉布政使白鍾山諭即五顯廟廢址改建凡六間

按黎里紳士典商共捐銀三百餘兩知縣丁元正詳憲存典每年按月收息為兩義學經費俱歸縣經理

震澤縣學附吳江縣學

訓導宅在忠義孝悌祠後

師生員額

雍正三年以吳江縣學訓導為震澤縣學訓導廩膳生員十

名增廣生員十名附學生員不限額文生遇歲科兩試各取

十三名武生歲科併試取八名

學田

雍正三年析吳江縣田三頃三十九畝八分八釐六毫屬訓

導司出納道光三年核實淨田三頃三十八畝九分九釐又蕩九畝八分七毫

震澤鎮學在本鎮宋寶祐元年邑人沈義甫以著作王蘋教授陳長方中書舍人楊邦弼居游之地建祠立學元設教諭

主學事明初廢

明張明道重建三賢祠記 仲尼肇充濟之間於堯舜禹湯文武周公之道祖述憲章淑諸人以推於天下後世當時景從者鄒魯陳衛達於鄭宋曹許而下彬彬相望以振於中原吳在南服惟子游崛起而北學中國考之荅述問難自所立言者精約簡當稱之者謂所詣次於曾參句吳一人而已予嘗試一游上國孔門弟子祠廟所禮祀邾滕薛之小而大及於齊晉登豆行筭即地而分崇之皆冉閔之流也句吳南服巨區子游之外無間焉程氏兄弟得千載不傳之緒能排眾議潛心伊洛以妙洙泗淵源之精延平上蔡之區朱謝楊游諸公皆殊望於中原也於吳

至北宋猶未有得所學於上國獨王氏信伯系本劍南福清而先甫仲舉來居震澤句吳人也以先世近羅浮於中立仲素得其緒餘而有所決擇歆慕為伊洛高弟於春秋之學能精研其微辭與義及晚年作論語集解古今語說亦宋之子游也寶祐閒南康山長沈義甫建明教堂祠之配陳公長方楊公邦弼至元世立教諭一員主祠事後燬於紅巾里人沈善長復遷其祠於思范橋左淪湮迄今而宗系散處予同年文選郎王祿之名穀祥其裔也學承私淑而祠貌於家松陵沈給諫之冢嗣嘉猷惟良學有所見以朱程為正悵古今得所學之正者吳之兩世子游信伯而已復振前緒去浮屠遺址建三賢祠字主信伯而以陳楊二先生侑外捐腴田三十畝充春秋黍禽牲豆之資求記於予予嘗遠謫南荒轉秩松陵而吳俗之嚮往亦庶乎有所聞也吳之科第振天下未必皆知朱程之學為正財賦甲於上國規規畦角町粒之閒未必皆脫然而無所吝也惟良傑然於學無所惑而崇德且遠也或者疑程朱所得與著述表章在海宇信伯登崇在鄉賢今不亦贅乎噫吹佛氏之燼而起象山之高恣者盈天下坐伊洛為支離壞世教不淺矣能於信伯所得於伊洛者肇端於一方使家塾黨庠沃耳饜心微顯風自豈無神交而

孚應者乎亦斯人之徒也記之
文徵明震澤三賢祠記跋

震澤書院建自宋之寶祐歷元抵今垂三百年再植而卒淪
於毀者歲遠名湮而扶義好德之人尠也世事變遷所在遺
基名蹟鞠為茂草莫有過而問者其不奪於勢家規為第宅
苑囿則既幸矣矧能起廢於荒煙瓦礫之餘哉此沈君惟良
之義有足多者前後邑宰所為稱述讚咏而不能已也王公
程門高弟學術端良習於從政思陵稱爲通儒故其家有通
儒堂胡文定亦謂其學有師承識通時務朱子編爲伊洛淵
源錄實惟吾吳洛學之祖蓋出魏文靖公之前今文靖郡有
專祠載在祀典而王公不聞有舉之者書院之復豈其權輿
耶若建置本末與王公出處事行具張喻二宰及憲副陸君
金之文余不復列

震澤書院在北門內下塘巷周四畝六分七釐有奇乾隆十

一年知縣陳和志創建自爲記按乾隆八年三月知縣陳和志奉知府雅爾哈善諭勸捐

增設義學時紳士典商共捐銀九百五十兩詳憲分存各典
每年按月一分收息以爲修膳膏火之資年終報銷其義學

暫設西門外文昌道院至十一年四月詳憲買內官長圩下
塘巷民房改建前後二十七間顏曰震澤書院共用銀八百
餘兩內和志捐養廉銀二百餘兩勸捐銀
六百餘兩其修脯諸費仍出存典銀息云

平望鎮義學在本鎮蠡斯港周一畝四分乾隆十一年知縣

陳和志奉知府傅椿諭創建吳江潘景記按本鎮義學雍正十三年邑人倪兆

鵬創設殊勝寺內乾隆十一年府縣從里人趙日新張廷衡
等請改吉祥菴爲義學里人陳南溟等募造前後一十二間
用銀二百二十六兩其修脯諸費詳下條

震澤縣義學在本鎮倪氏宗祠旁雍正十三年邑人倪兆鵬

創設按兆鵬捐本邑田九十九畝一分二毫吳江田二十二

費縣詳憲題照學田例歸儒學經管乾隆元年奉旨義學
義田仍聽本人經理不可交官收管以致吏胥侵蝕巡撫顧

琮因飭縣牒學將原田歸兆鵬經理

蘇州府志卷二十六終

蘇州府志卷第二十七

軍制

兵以衛民王政所重蘇郡九邑襟江帶海而瀕太湖與松江常州嘉興湖州四府營汛實犬牙相錯焉地方夷險今昔異宜守禦之道亦與時興革故兼古今之制詳錄之

巡撫軍門

撫標中軍參將一員駐劄府城管轄左右二營專備巡撫衙門調遣無巡防地方之責

中軍左營守備一員千總二員把總四員經制外委三員額
外委三員馬兵六十四名

外委六員在內

戰兵一百三十名守

兵一百五十二名官坐馬二十四匹兵戰馬六十四匹

右營守備一員千總二員把總三員經制外委二員額外外

委三員馬兵五十六名外委五員在內戰兵一百十六名守兵一

百五十一名官坐馬十四匹兵戰馬五十六匹

以上撫標左右營共額兵六百六十九名內除經制外

委五員額外外委六員實在額兵六百五十八名每歲

共支養廉銀二千一百兩俸薪馬乾心紅紙張等項及

兵餉共銀一萬三千八百九十八兩三錢五分二釐

舊制備考順治四年設中軍左右營游守各一員五年裁

左營歸併中軍康熙元年停理軍務改中軍遊擊爲蘇州

城守營隸提標巡撫護衛止有披甲壯丁五十名十二年

復設本標左右二營兼轄蘇州城守平望二營雍正十年

平望營改隸提標

撫標蘇州城守營

城守營參將一員中左右三營守備三員千總二員把總七員

經制外委九員額外外委五員額設馬步戰守兵一千一十

五名內馬戰兵五十四名外委十四員在內步戰兵一百三十名守

兵八百三十一名官坐馬三十八匹兵戰馬五十四匹每歲

共支官弁養廉銀二千一百三十二兩俸薪馬乾心紅紙張

等項及兵餉共銀一萬五千六百八十五兩八錢六分兵米

三千六百五十四石

參將一員駐劄府城管轄長元吳崑新五縣營汛東一百十里與劉河營交界西三十五里與太湖營交界南三十五里與平望營交界北六十里與福山營交界東南八十里與松江營交界東北七十里與劉河營交界西南四十五里與太湖營交界西北五十五里與常州營交界

中軍守備一員額外外委二員駐劄府城管轄西城周莊木瀆沙河四汛

西城汛千總一員經制外委一員駐劄府城帶存城兵三百四十二名專防城內堆卡汛地四十三處

周莊汛把總一員經制外委一員駐劄元和縣角直鎮帶兵八十名專防葑門外水陸汛口十三處自角直起東三十六里至大慈鎮與崑山汛交界西五十里至大竹園與木瀆汛交界南四十里至白蠅港與平望營交界北二十里與崑山沙河二汛交界

木瀆汛把總一員經制外委一員駐劄吳縣木瀆鎮帶兵六十二名專防盤門外水陸汛口十四處自木瀆起東二十七里至大竹園與周莊汛交界西九里至清明山廟與太湖營交界南二十里至下堡村與太湖營交界北五十一里至水東橋與泖關營交界

沙河汛把總一員經制外委一員駐劄元和縣夷亭鎮帶兵四十七名專防婁門外水陸汛口七處自夷亭起東十五里至界牌與崑山汛交界西三十六里至婁門北與黃埭汛交界南十里至吳淞江北岸與周莊汛交界北五里至洋澄湖南岸與黃埭汛交界

以上城守中軍共額兵五百三十七名內除經制外委四員額外外委二員實在額兵五百三十一名每歲連參將共支養廉銀一千一百六十二兩俸薪馬乾心紅紙張等項及兵餉共銀八千四百三十五兩二錢四分六釐兵米一千九百三十三石二斗

左軍守備一員額外外委二員駐劄吳縣社壇地方帶存營兵九十八名管轄楓橋社壇澹關黃埭四汛

楓橋汛千總一員經制外委一員駐劄閶門外帶兵五十四名專防城西水陸汛口九處自楓橋東十五里至清風亭與木瀆汛交界西二十里至白馬澗與木瀆汛交界南八里至姚家橋與木瀆汛交界北十六里至射瀆與澹關汛交界

社壇汛把總一員經制外委一員駐劄胥門外帶兵四十七名專防城西水陸汛口九處自社壇起東二里至閶門與西城汛交界西至鳳凰橋與楓橋汛交界南至三

鄉廟與日暉橋汎交界北至五人之墓與楓橋汎交界
許關汎把總一員經制外委一員駐劄許墅帶兵四十三
名專防許墅一帶水陸汎口六處東至長蕩湖西岸與
黃埭汎交界西至東橋與木瀆太湖二汎交界南至低
柰橋與楓橋汎交界北至望亭與無錫營交界

黃埭汎把總一員經制外委一員駐劄黃埭帶兵五十八
名專防齊門外水陸汎口十處自黃埭東三十里至齊
門與沙河汎交界西十里至方橋與無錫營交界南三
十里至新塘橋與楓橋汎交界北三十里至界牌與常
熟營交界

以上城守左軍共額兵三百六名內除經制外委四員
額外外委二員實在額兵三百名每歲共支養廉銀六
百六十二兩俸薪馬乾心紅紙張等項及兵餉共銀四
千六百六十九兩九錢六釐兵米一千一百一石六斗
右軍守備一員額外外委一員駐劄崑山縣城帶存城兵八
十二名專防崑新城內堆卡汎地十六處管轄崑山一汎
崑山汎把總一員經制外委一員駐劄崑新城外帶兵八
十八名專防崑新城外水陸汎口十五處東二十五里
至勝安橋與劉河營交界西二十八里至界浦橋與沙
河汎交界南二十三里至桐邱界與葦葭汎交界北三

十三里至常熟界牌與福山營交界

以上城守右軍共額兵一百七十二名內除經制外委一員額外外委一員實在額兵一百七十名每歲共支養廉銀三百八兩俸薪馬乾心紅紙張等項及兵餉共銀二千五百八十兩七錢八釐兵米六百十九石二斗是營分設墩臺汛地八十四處防守吳縣長洲元和崑山新陽五縣地方東至崑山縣葦葭浜與松江營分界南至吳江縣境平望營分界西至吳縣境太湖營分界北至無錫縣與常州營分界

吳縣汛二十三

三條橋

五龍橋

蠡墅

虎山橋

行春橋

橫塘

木瀆東口

木瀆西口

橫涇鎮

王家橋

善人橋

胥江

大日暉橋

長船灣

姚家橋

鐵鈴關

西山廟

西園

新開河橋

普安橋

白蓮橋

俞家橋

廟堂橋

長洲縣十八

白馬澗

射瀆

金雞

望亭

東隅

南隅

北隅

西隅

無量鋪

周涇鋪

蘿蔔鋪

船場鋪

王家角 黃埭 泗港口 謝家角

淋橋 新塘橋

元和縣二十五

接渡橋 寶帶橋 黃華橋 高塾

大姚 周莊 陳墓鎮 明因寺

南口 東口 塘浦 周公址

角直西口 裏跨塘 外跨塘 六涇橋

小唯亭 大唯亭 壩基橋 尹山橋

夾浦橋 桐橋 聖堂灣 北濠

楊安浜

崑山縣汛七

尚明澱 角直東口 新洋塔 紅廂渡

漲浦 黃倉涇 三江口

新陽縣汛十一

真義鎮 九里橋 箭子鋪 小瀆

巴城鎮 大王廟 窰頭 大西門外

楊孜橋 小瀆北口 金童橋

蘇州城守營舊制備考順治四年設撫標左營五年裁併

中軍康熙元年改爲城守營屬提標統轄原額游擊一員守備一員千總二員把總五員馬戰兵四十名步戰

兵一百五十名守兵七百六十八名官坐馬二十四匹
戰馬四十匹巡船四十八隻二十二年裁減兵三十三
名馬一匹撥馬步戰守兵一百名入海州營二十五年
裁減兵二十九名馬一匹是年又裁減兵三十名五十
四年裁減兵五名雍正二年裁減兵七名五年添設右
軍守備一員馬步戰守兵二百四十六名官坐戰馬十
八匹七年添設外委千總二員把總五員九年添設左
軍守備一員把總二員外委把總二員馬步戰守兵一
百九十一名巡鹽壯丁五十名官坐戰馬二十一匹巡
船十隻十年游擊改設參將嘉慶二十年奏歸撫標仍

聽兩江總督統轄

提標平望營

平望營都司一員千總一員把總二員外委千總一員外委把
總二員額設馬步戰守兵三百十八名內馬戰兵二十四名
外委三員在內步戰兵七十五名守兵二百十九名官坐馬十匹兵
戰馬二十四匹巡船十七隻每歲共支官弁養廉銀六十四
兩俸薪馬乾心紅紙張等項及兵餉共銀五千二百六十四
兩一錢九分四釐兵米一千一百四十四石八斗

都司一員駐劄吳江縣城管轄吳江震澤二縣營汛東四十
里至元和縣周莊汛交界西一百二十里至烏程南潯汛

交界南七十里至秀水王江涇汎交界北七里至元和夾

浦橋汎交界

千總一員分駐平望鎮

把總二員一駐防震澤縣城一分防同里鎮

外委千總一員協防縣城

外委把總二員一隨防縣城一協防同里鎮

額外外委二員隨營差操

是營分設墩臺汎地十八處防守吳江震澤二縣地方

吳江縣汎十一處

平望南口 東口

黃家溪

吉慶舊志作積慶

大船坊以上屬平望汎千總管轄

七里港舊名三里橋

南關 白龍橋

同里

鹿村

蓑衣浜以上屬同里把總管轄舊志有少垢庵龍王廟二處今據營冊刪去

震澤縣汎七處

平望北口 八圻

敵樓

梅堰

壇邱以上屬平望千總管轄

盛家舍

碓坊橋以上屬城守汎把總

管轄

平望營舊制備考順治三年設遊擊於平望鎮後移駐吳

江縣城七年改設守備舊額守備一員千總一員把總二

員馬戰兵十九名步戰兵五十七名守兵二百三十名官

坐馬十匹兵戰馬十九匹巡船二十隻康熙五十四年裁
守兵三名雍正二年撥步戰守兵三名入太湖營五年撥
守兵三名入蘇州營七年添設外委千把總三員十年改
守備為都司舊屬撫標改歸提標統轄舊志云改提標歸撫標今據營冊更
正
乾隆三十七年添馬兵六名馬六匹四十六年裁守兵
一名四十七年裁步戰兵二十二名守兵九名四十二年
添步戰兵四十二名守兵十八名又裁公糧守糧八名嘉
慶十八年裁步戰兵二名守兵三名二十四年添步戰兵
一名裁馬兵一名

提標太湖營

太湖營副將一員左營都司一員右營守備一員千總三員把
總四員外委千總二員外委把總四員額外外委四員額設
馬步戰守兵七百七十七名內馬戰兵二十二名外委十步員在內
戰兵一百六十一名守兵五百九十四名官坐馬三十四匹
兵戰馬二十二匹戰哨船五十四隻每歲共支官弁養廉銀
一千五百三十四兩俸薪馬乾心紅紙張等項及兵餉共銀
一萬二千一百九十兩七錢五分八釐兵米二千七百九十
七石二斗

副將一員駐劄洞庭東山管轄蘇常二府瀕湖營汛
左營中軍都司一員駐劄洞庭東山

右營守備一員分駐宜興周鐵鎮

左營千總二員一駐洞庭東山一分防震澤簡村

右營千總一員分防陽湖馬跡山

左營把總二員一分防吳江鮎魚口一分防震澤吳淞

右營把總二員一分防太湖鼇山一分防荆溪鳳川

左營外委千總一員協防吳縣胥口

右營外委千總一員協防荆溪烏溪

左營外委把總二員一協防震澤練聚橋一協防太湖楊灣

右營外委把總二員一協防長洲金墅一協防太湖鼇山

左營額外外委二員一隨營差操一隨防簡村汛

右營額外外委二員一隨營差操一派防吳縣銅坑汛

是營分設墩臺汛地七十處左右營各三十五處防守吳縣長洲吳江

震澤四縣及常州府屬之陽湖無錫宜興荆溪四縣

吳縣汛二十一處

汲水橋 白沙 楊灣 長圻

三山 澗橋 厩里 奈山以上入汛屬東山千總管轄

轄 胥口 水東 韓瀆港

茅圻嘴 靈湖嘴 木凌橋以上六汛屬鮎魚把總管轄

鼇山 頭陀橋 辛橋 長沙

漫山 銅坑 呂浦橋以上七汛屬鼇山把總管轄

長洲縣汛一處

金墅

屬馬跡山千總管轄

吳江縣汛五處

鮎魚口

莫舍港

花涇港

舊志作瓜涇

七里港

許梢橋

以上五汛屬鮎魚口把總管轄

震澤縣汛十六處

洪廟

前城湖

大村嘴

陸家港

長板橋

吳家港

以上六汛屬簡村千總管轄

牛腰涇

屬鮎魚口把總管轄

○牛腰涇舊志載在吳江今從營冊改正

吳淞

因瀆

蔣家港

烏昏圩

娘娘廟

蒲地港

灘缺口

練聚橋

永定寺

以上九汛屬吳淞把總管轄。其餘汛地在常州府地方

者不載

太湖營舊制備考康熙二年浙江總督趙廷臣江南總督

郎廷佐會議太湖跨蘇常湖三府為盜賊淵藪題置江浙

太湖營於洞庭西山之角頭設游擊一員守備一員千總

二員把總四員步戰兵二百四十一名守兵六百四十八

名官坐馬二十二匹沙快船三十二隻三十五年裁

步戰守兵二十名五十四年撥守兵五名入吳淞營雍正

二年以舊設之游擊一員千總一員把總二員兵四百二

十五名官坐馬十二匹沙快船十六隻立為浙江太湖營

仍駐洞庭西山別於東山增設參將一員守備一員千總一員把總二員兵四百九十九名官坐馬十八匹沙快船十五隻兼統原設守備一員千總一員把總二員兵四百三十九名官坐馬十匹吧嘍船十六隻分左右二營為江南太湖營五年撥守兵九名入青村營七年添設外委千把總六員仍食馬戰兵糧八年裁沙船二隻九年添設馬戰兵七十名馬七十匹歷年裁過四十八名今存二十二名乾隆十二年參將改設副將兼轄浙江太湖營十八年裁守備一員改設都司又增千總二員二十八年設外委三員嘉慶二十三年裁千總一員改設外委一員

額設戰哨船五十四隻

沙船二隻左右營各一隻

吧嘍船十六隻左右營各八隻

大快船六隻左右營各三隻

小快船二十隻左右營各十隻

槳船十隻左營八隻右營二隻

太湖營船制備考雍正二年設立營分於鎮江軍標撥到吧嘍船十六隻六年增沙船八隻七年裁沙船二隻改設小快船三十六隻乾隆七年裁沙船三隻三十五年裁小快船十六隻三十六年裁沙船一隻

提標福山營

福山營游擊一員中軍守備一員千總二員把總四員外委千

總二員外委把總四員額外外委三員額設馬步水陸戰守
 兵七百七十四名內馬戰兵五十名外委九員在內步戰兵一百四
 十九名守兵五百七十五名官坐馬三十二匹兵戰馬五十
 匹沙船四隻內河巡船十五隻每歲共支官弁養廉銀一千
 三百八兩俸薪馬乾心紅紙張等項及兵餉共銀一萬二千
 二百九十四兩四錢四分六釐兵米二千七百八十六石四
 斗

游擊一員駐劄常熟福山城堡管轄常昭二縣營汛

中軍守備一員駐防常昭縣城

千總二員一駐福山城一分防昭文徐六涇

把總四員一駐防常昭城外一分防常熟鹿苑鎮一分防常

熟唐市一分防昭文支塘鎮

外委千總二員一隨防福山城一隨防徐六涇

外委把總四員一隨防常昭城外一隨防鹿苑鎮一隨防唐

市一隨防支塘鎮

是營分設墩臺汛地七十五處防守常熟昭文二縣地方

常熟縣汛三十八處

接官亭

戴渡

木排舍

張家田

吳塔

以上在元和塘南與長洲船場鋪接

太平港

湖橋

大河

王莊

西徐市

朱家壩

田莊

繆橋

唐橋

鹿苑

慶安

西唐市

以上在縣西北界

烏沙墩

吳園墩

新莊墩

奚浦墩

王英墩

方壩墩

三丈浦墩

楊壩墩

黃泗浦墩

小陳墩

大陳墩

江涇墩

西洋浦墩

黃涇墩

盧浦墩

鰻魚墩

洋涇墩

福山西墩

福山東墩

崔浦墩

繆涇墩

以上沿江諸墩西自

烏沙墩接江陰寂瀆汛東至繆涇墩接昭文耿涇墩

昭文縣汛三十九處

北水門

大東門口

尖口

唐坊橋

梅李鎮

珍門廟

周涇口

文村

長毫

徐市

老吳市

張家市

以上在縣東界

七星橋

鮎魚口

白茆新市

支塘鎮

李市

何家市

以上在縣東南界

耿涇墩

朱壩墩

海洋墩

胡涇墩

千步涇墩

嚴壩墩

許浦墩

周港墩

瓦浦墩

張涇墩

徐六涇墩

顧港墩

唐浦墩

高浦墩

金涇墩

舊塘墩

白茆墩

橫涇墩

以上沿江諸墩西自常熟烏沙墩起至此並福山營所轄

養鵝墩

橫浜墩

鐺腳墩

以上三墩在昭文界屬劉河營把總所轄

福山營舊制備考順治初設副將四年改守備十六年改遊擊舊額遊擊一員守備一員千總二員把總四員馬戰兵七十名步戰兵一百九十名守兵六百二名官坐馬二十二匹戰馬七十七匹官渡船四隻巡船十六隻康熙二十三年裁兵二十九名馬二匹三十五年改戰兵十名爲守兵五十四年撥守兵十名入吳淞營雍正二年撥戰守兵七名入太湖營五年撥戰守兵八名入青村營七年添設外委千把總六員九年添設沙船四隻隨船兵丁六十六名道光二年改馬兵六名爲守兵

通志江防考云蘇州獨常熟爲江海交會之地自孫吳時

西陵舉火達於南沙固已置烽堠於其地吳越錢氏嘗遣其將屯滸浦戍福山列戍自此而始福山之上自烏沙港東至黃泗浦三丈浦奚浦西洋浦以及福山堡皆福山營汛福山與通州狼山相對爲大江出海之門南宋韓世忠所屯守處其堡城爲侍郎胡宗憲平倭後所築今以遊擊鎮之與北岸狼山三營隔江策應屹然雄鎮也 又海防考云自狼山而南與常熟福山相對爲江海合流鹹淡分界處烽戍相望一葦可達晉咸和五年石勒將劉激浮海抄東南諸縣以入海虞此自北而南也唐中和閒招討使周寶討周郁於海上郁退保常熟走海陵此自南而北也

國朝康熙十九年始開海禁設立狼福對渡官船二十舸二十四年復設海關許民出海貿易自是狼福之間往來者項背相望其福山戍守始自明嘉靖間總督張經之議既而操江御史高桂春請募水兵萬人屬參將操練胡宗憲又請添置遊擊爲蘇松應援並從之倭旣平築堡於此

國朝因其舊制自福山東西二墩皆常熟界自二墩以東入昭文界昭文瀕海之地其浦口之大者有三曰許浦曰徐六涇曰白茆港許浦之地自宋乾道以前嘗從明州之定海軍分兵駐守乾道六年水軍統制馮湛極陳許浦要害乞移定海全軍屯此從之自是定水軍七千人置寨於此後

寶慶間吳英上建屯之議復分二千五百人屯浦東百餘里今寶山之顧涇焉徐六舊本淺狹自田家壩鑿通以後海潮衝齧遂成大口漁舟蟻集鹽船盜艘亦時闖入康熙四十年閒置堡守戍白茆港自明天順閒總兵翁紹宗奏置戍兵成化閒復立備倭寨自徐六涇白茆出海有海外薛家沙康熙六十一年允沙民所請亦設四墩分兵駐宿云 按薛家沙自雍正十三年坍漲之後去縣遙遠今劃隸通州

提標左營把總所轄吳江縣汛五處

把總駐防
盛澤鎮

盛澤西口

盛澤東口

茅塔

斜港

瀾溪

提標前營把總所轄震澤縣汛十處把總駐防震澤鎮

震澤北口 震澤南口 震澤東口 震澤西口

雙楊 嚴墓 獅虎橋 十八里橋

九里橋 迓家漾乾隆五年添設

提標後營千總所轄崑山縣汛十千總駐防葑葑浜

葑葑浜 大明浦 張家橋 蓬閘鎮

千墩鎮 陶家橋 渡城鎮 雞鳴橋

趙屯江 安亭鎮

提標後營把總所轄吳江縣汛五把總駐防蘆墟鎮

蘆墟北口 蘆墟南口 蘆墟東口 黎里東口

黎里西口

蘇州衛 明制詳見後舊志自兌運法行迄於明末武備盡廢國朝革世職汰冗軍設守備千總專司漕務順治

四年每衛設掌印守備及經歷一員每所設千總二員十七年裁經歷康熙六年改所為幫每衛設千總二員更番

領運

掌印守備一員

前幫領運千總二員領旗丁一百三名漕船一百三隻

後幫領運千總二員領旗丁六十六名漕船六十六隻

本衛原設左右中前後五所其後所向分立為嘉興所止存四所以左右二所為前幫中前二所為後幫

宋元明舊制見范盧王諸志舊府志云自宋以前舊志無考

宋軍制

禁軍

威果第二十八指揮

元額五百一十人
在萬壽寺北

威果第四十一指揮

元額四百一十人
在社壇東

威果第六十五指揮

元額四百一十人
在報恩寺西

雄節第九指揮

元額五百一十人
在府學南

全捷第二十一指揮

元額四百一十人
在城西北鴻橋西

舊志每指揮各置都虞侯指揮使副指揮使都頭副都頭

錢米衣賜各有差

盧志宋初盡選驍勇部送關下以補禁衛餘留本城康定初置宣毅軍大州二營小州一營慶厯中募健勇為宣毅或選

廂軍為之蘇州一指揮熙寧三年改威果嘉祐四年詔置禁

軍三千指揮其新招禁軍以威果為額大觀二年詔望郡別屯

一十人威果第二第三指揮蘇州駐扎宣和二年因討睦寇仍

以全捷兩指揮為杭州東南第三將駐扎宣和四年因方臘

之亂詔增置戍將五年下江浙諸州各置威果全捷兩指揮

隸侍衛步軍范志載知平江府李壽朋申補新軍并省劄

節文訪得禁軍元額二千三百三十人今在籍者一千七百

五人而已壽朋多方招募刺到六百三十人填足元額分番

教閱立格激賞又國家置弓手土兵以警盜賊本府六縣所

管寨多闕額已招填到四十八人外如廂軍遞鋪又收刺到

八十一人并令閱習與禁軍一級支犒證得月給錢米春冬衣賜賞射支犒一歲約十萬餘緡並本府自行計置不敢上瀆朝廷省劄證得平江府先招禁軍五百人今又招到六百三十人合證鎮江府列令為一軍分立隊伍別選將官專管訓練不許諸司州官等差借私役又吳門事類云紹定間吳淵為浙西提刑相度軍營舊址可建五百楹又以放牧新寨多開曠地請於朝得一千三百楹徹而新之號日新營使歸其行伍安其室家不襍處民間復為市田千一百八十九畝歲收米千三百一十五石司之廩人為軍中喪葬吉凶之

費每一人給廿券為之定式

廂軍 諸州之鎮兵各隸本城專以給役內總於侍衛司而兵部掌其政令

崇節第九指揮

崇節第十指揮

崇節第十一指揮

崇節第十二指揮

盧志按事祖廣記天禧初杭州言本城老浙兵指揮乞別命軍額詔以崇節為名熙寧二年兩浙廂軍曰崇節加教閱二字於軍額四年樞密院請以諸路不教閱廂軍併為一額餘從省廢每指揮毋過五百人元豐四年詔兩浙步軍自捍江而下三並改號崇節凡為五十一指揮總一萬九千人

橫江指揮

紹興五年令臨安平江鎮江等處各招置水軍教習戰船以備禦敵並以五百人為額橫江為名

寧節第三指揮

係養老將校初與牢城為一乾道九年樞密院奏以寧節為名

開江指揮

五代錢氏創宋因之有卒千人為兩指揮第一指揮在常熟縣西北偏今為尉司教場第二指揮在崑山

縣西南偏一在吳江縣南城按吳越時置都水營田使主水事募卒為都號曰撩淺亦曰撩清指揮范仲淹奏疏亦云曩時蘇州有營田領四都共七八千人專為田事導河築堤以減水患本朝以來江南圩田浙西河塘大半隳廢嘉祐四年招置開江兵士立吳江常熟崑山四指每指揮二百人八年五月兩浙轉運使請撥常州望亭廢堰兵士隸蘇州開江指揮就崑山置營與修至和塘岸元豐六年樞密院裁定止以八百人分布諸浦逐開執役崇寧四年蘇湖秀三州開江兵士共一千四百人并使臣二員提舉常平徐確奏請毋得勾拙差使違者以違制論宣和二年提舉趙霖興修水利四指揮添置共二千人每指揮五百人自朱勔進花石綱盡奪營卒以往建靖之後不復招填紹興二十九年監察御史任古於常熟崑山各招填一百人其後止有城下吳江兩指揮兵士百餘大半力役於官乾道初轉運判官陳彌作知府沈度開浚十浦請仍招置兵士常熟崑山兩縣各一百人仍於本府見管使臣內差選二員部轄開浚自此以後勤水

力穡之事有司無復講矣 盧志元文

北城指揮

熙寧八年置元豐三年敕北城兵士大城五十人小城三十人專充修城大觀元年帥府置北城兵士四百人列郡三百人崇寧五年置北城指揮

中軍鼓角指揮 元額二十五人

作院指揮

元額一百人熙寧元年置與北城並隸工部

諸寨

御前許浦水軍寨

在常熟縣許浦鎮初建炎以來水軍嘗戍江陰及許浦福山無定所而江陰官兵人船分屯明州定海縣紹興二年呂頤浩乞命仇愈等專管浙西乃以愈為福建兩浙淮東沿海制置使置司許浦九年併歸浙東安撫司十年知平江府梁汝嘉兼浙西沿海制置使三十一年兩浙西路馬步軍副總管江陰軍駐劄李寶嘗駐軍許浦涉海進山東奏膠西之捷仍駐江陰乾道中改隸殿前司以三千人為額五年冬改為御前水軍六年李彥椿自江陰

移屯許浦統制馮湛申許浦鎮實控扼之要此之江陰定海尤為良便乞於此屯駐大軍三省樞密院劄付平江守臣汪應辰委常熟縣丞秦焯同水軍統制差來使臣踏逐寨地應辰奏據差委官申所定合立寨基並係人戶屋宇墳塋田土許浦去海百六十餘里既非緊切控扼之地而其要害去處又卻無備徒使一方田廬墳墓復不能保伏望特降睿旨施行上竟從湛請就許浦立寨初水軍元額一萬四千人分為四軍八將六十二隊於內分撥三百人江陰駐劄七年奉旨增以七千人為額淳熙三年馮湛奏請再招收一千人奉旨增額五百人五年于友奏乞增額五百人十五年水軍統制胡世安言本軍自定海移駐許浦是時水深可以泊船後來潮沙漸塞船泊顧涇水軍仍在許浦相去三百里緩急難以相就合依舊歸定海紹熙元年奉旨發到福州寄招梢可水手三百二十人併續發到水手一百八十八人付司收刺嘉泰四年令招募情願充應販倭人二百八十八人又乞招收武藝精熟識見可用一百人奉旨並依嘉定十五年都統制吳英申乞增招梢可水手八百四十人刺充勝捷吐渾與元管軍兵總以萬人為額江陰亦有許浦都統司防托兵船紹定三年樞密院劄下本軍權行節制 盧志參琴川志

忠順官寨 在報恩光孝寺後淳熙二年建

御前拱衛水步軍寨 在北寺東景定初創

御前遊擊軍寨 元額三千人或五百人

御前忠勁軍寨 元額一千五百人與遊擊軍寨並在北寺西寶祐中創

忠節水軍寨 淳祐九年浙西安撫使趙與憲奏乞於福山魏江江灣三處各置戍兵三百人以防江面從之隸提

刑司一云額管五百人其江灣寨在嘉定縣東南吳淞江口以上俱水軍寨

吳長寨 在閶門外西北澣墅去縣二十七里

角頭寨 在吳縣西南九十里

福山寨 在常熟縣北四十里臨江

許浦寨 在常熟縣東七十里臨江

白茆寨 在常熟縣東白茆海口

平望寨 在吳江縣南四十里

楊林寨 在崑山縣東北八十里有閶武亭紹興四年巡檢和通建范雫記以上鄉兵山水寨並建炎後置即巡檢寨

土軍各一百四十四名保伍中取之三丁籍一亦名義兵歲以十月起聚教至正月中散人日給錢百米二升

牧馬寨 大寨八小寨十七散在城內每歲四月差統兵官總轄收放九月回中興繫年要錄云初殿前司奏乞令平江

府買民田為寨地既許之給事中賀允宗言此田皆極上腴民聞豈肯輒售乞以係官荒閒地與之詔所占如非稻田令

府司優償其直諸軍舊有廢屋數千區茨以茅竹歲一更葺而財力皆出於民紹興十八年殿帥楊存中乞於平江添蓋

牧馬屋詔所費並令官給二十八年命平江以係省錢改造

五屋二千五百間知府蔣璨請出內帑佐費詔以御前激賞

庫錢七千緡賜殿前司既又益五萬二千緡付逐軍自蓋

元軍制

鎮守平江十字路萬戶府翼在臥佛寺西有鎮撫所及各千戶翼鎮撫所理本府軍事千戶翼凡

十日淄菜翼東平翼大明翼廣平翼真定翼大都翼河間新軍翼河間舊軍翼濟南新軍翼濟南舊軍翼並在萬戶府左

右設置各治本處所附軍府事

奧魯翼在草橋北係杭州益都萬戶府所委管領平江新附官軍

許浦通事漢軍萬戶府在常熟許浦

水軍都萬戶府在崑山州

支分兵馬司在舊崑山州治東

鎮守長橋鎮江水軍萬戶府在吳江長橋至元十二年丞相伯顏引兵南下命千戶甯玉等部卒

復修長橋通道設置

崑山縣所屬巡檢司四所巴城 崑山 石浦 楊林

吳江縣所屬巡檢司八所簡村 震澤 平望 瀾溪 因瀆 長橋 同里 汾湖

明軍制

衛所舊有蘇州太倉鎮海三衛崇明吳淞二守禦千戶所今惟蘇州衛在府治餘俱在太倉州界不錄

蘇州衛指揮使司吳元年以所俘張士誠軍士建衛命指揮使

吳良掌之領左右中前後五千戶所統軍五千六百名隸中

軍都督府指揮使三員內掌印一員同知六員僉事十二員鎮撫二員經歷一員千戶十員百戶五十員

署在飲馬橋西即宋府倉基元淮南行中書省左中二千戶所在正堂東右前二千戶所在正堂西

西鎮撫廳在中門經歷司在堂右旗纛廟在中門東

治西北穀市橋軍器局在衛治內西衛倉在西北隅即

元百萬倉基吳良置後附永豐倉教場在北城下報恩寺後

所營在盤胥二門內前千戶所營在婁齊二門內後千戶所分立為嘉興守禦千戶所

營寨

白茆寨

在常熟縣東北九十里海口天順五年鎮守都指揮使翁紹宗奏置每春夏蘇州衛分委指揮一員千戶二員百戶四員領軍士四百餘人至此操練備倭置船四艘巡哨官軍俱至秋末還衛又立教場備官醫療疾成化十八年都指揮郭鎔復立備倭軍營又造官廳鼓樓軍房七十餘間正德十六年重濬白茆俱遷建新開河口嘉靖中因倭患撥衛所官軍遊兵把總及廣福蒼沙等船水陸共四千餘人在港防守又建朱家堡於近地

福山營

在常熟縣福山明初命蘇州太倉二衛分遣百戶一人更番駐劄嘉靖甲寅倭警巡按御史孫慎建議築堡設把總指揮統水兵在江巡哨府縣官統陸兵在鎮屯守

太湖營

萬曆十六年巡撫周繼置先是嘉靖三十四年巡撫曹邦輔於東洞庭山置司馬寨梁山哨渡船營北湖口營長圻寨烽圻寨毛園哨嘶馬哨西洞庭山置龜山寨角頭寨石公寨圻村寨以耆民為團長選練鄉兵至是繼立太湖營劄委把總領兵二百二十名崇禎元年巡撫李待問奏置把總一員添兵一百五十三名遊沙號船二十隻十一年巡撫

張國維又設總練於龜山嘴及莫釐山之綠野橋

巡撫軍門標下四營

萬曆十六年巡撫周繼調取各縣民壯置陸營天啓二年巡撫王象恒抽選陸營兵

更置團營崇禎元年巡撫李待問召募水兵分隸蘇州六門濠河號水營以上東陸營守備一員兵四百名西陸營守

備一員兵四百名東塘內河水營把總一員兵二百名西塘內河水營把總一員兵二百名團營守備一員兵四百名標

營都司一員兵三百名

兵備道標下四營

正德七年兵備副使謝琛奉旨募民間壯勇號為民壯嘉靖十四年兵備副使李士元添

募三百名自後屢有增益建立陸營官軍民兵共六百六十四員名天啓元年軍門團營抽去民兵十一名又內河總巡

官請去水兵三十四名二年又請去中軍官一員水兵六十名分立水營五年本營又請去二十名崇禎十年立中權營

抽去兵八名十四年請復馬兵一名陸營實存中軍守備一員領兵官二員聽用官二員民兵三百四十四名太鎮兩衛

軍一百八十二名水營天啓二年分立中軍守備一員水兵一百四十名中權營崇禎十年立領兵官一員兵一百

十八名十四年續補新兵八十一名抽蘇屬各營兵六十八名標營萬厯十九年召募浙兵一百三名分爲三哨充本道親兵天啓二年添置兵一百四名

舊志曰明初設置衛所屯操守禦倣唐府兵遺意軍省衛民之勞民無養兵之費制誠善也迨乎中葉承平日久武備漸弛兼之兌運法行更番上下不復知有戎事矣其後變故頻仍盜賊蠭起而軍疲戈秣不堪禦敵於是始開召募謂之民兵其於衛所弁卒遜其良者置之行伍謂之選鋒雖雜處營壘閒軍自軍而兵自兵不相混也然皆虛糜俸餉無裨於用以至於亡而不可救今凡篇中稱軍者衛所之額軍稱兵者召募之民兵

巡檢司

木瀆巡檢司

在縣西南三十里木瀆鎮洪武二年置管閭胥盤三門外及木瀆橫塘新郭三鎮

橫金巡檢司

在縣西南四十二里橫金村洪武三年置管二都三都及沿湖地萬厯三年裁併木瀆司

角頭巡檢司

在縣西南八十五里洞庭西山初轄東西兩山成化中分置東山司後止轄西山

東山巡檢司

在洞庭東山成化十七年巡撫王恕奏置專管東山以上並吳縣

吳塔巡檢司

舊在吳塔洪武二年置後移齊門外舊管閭門下塘山塘並婁齊二門外

陳墓巡檢司

在陳湖東洪武十八年置管葑門外獨墅大姚至角直浦以上並長州縣

石浦巡檢司

舊在縣東南四十里石浦鎮宋祥益中置明景泰二年移置千墩浦口嘉靖十年復遷吳家橋有煙墩十一座

張浦口 刁灣口 夏駕口 陸巷涇 唐梨涇 新塘

墩浦千 太直港口 諸天浦口 潭港口

巴城進檢司 舊在縣西十五里朱塘鄉三保高墟村洪武三年置後徙真義村有煙墩十二座 狀元涇 綽墩

村 圓村 真義 夏尖 景村 黃巷 李長墳 新 嚴家橋 俞港村 徐公橋 以上並崑山縣 洪武十一年置

白茆巡檢司 在縣東北九十里抵海洪武初置有煙墩十一座 舊

衙前 雙浜 又塘 河舍 新河 北港 金涇 唐浦 舊

黃泗浦巡檢司 在縣西北八十里抵揚子江洪武二年置有煙

莊港 奚浦港 西 顧沙港 黃泗浦港西 洋坳 新

福山港巡檢司 在縣北四十里北抵揚子江東抵海有煙墩十

龍王廟 曹橋廟 新婦 陳浦 福山港口 頂山

許浦巡檢司 在縣東北七十里北抵揚子江東抵海有煙墩

曲塘 興福 興塘涇 大宏 衙後 耿涇 九里 尚墅 陶舍 丁涇塘 雙廟 四叉 低壩 徐 巷 十里程 勝法 海洋塘 以上並常熟縣

長橋巡檢司 在縣東二里松陵驛東管三都東西二十三都二十五都

簡村巡檢司 在縣東南十五里充浦管一都二都四都九都

因瀆巡檢司 在縣東南一百里吳淞村管五都六都七都八都

震澤巡檢司 在縣西南九十里震澤鎮管九都十都十一都十二都

平望巡檢司 在縣東南四十五里平望鎮管十八都二十都二十一都二十二都二十四都

汾湖巡檢司 在縣東北四十五里蘆墟村管二十八都二十九都

同里巡檢司 在縣東北十五里同里鎮管二十六都二十七都

爛溪巡檢司 在縣西南九十里嚴墓村初在縣西南爛溪鎮永樂中移此管十四都十五都十六都十七都

上並吳江縣

以上每巡檢司各設弓兵四十名

按巡檢卽古之游徼也始於宋沿於元明初尤重之各處增設雖文員之雜流而實兼武事

本朝多所裁革弓兵僅存十二名已與武備無關故止見於職

官云

蘇州府志卷二十八

鄉都 市鎮村附

鄉都村鎮百年以來並無沿革今悉仍其舊

吳縣鄉二十四都三十七箇五百十一

麗娃鄉南宮里管箇十 南元一箇二箇 南利一箇二箇三箇 南貞一箇二箇三箇四箇五箇

永定鄉安仁里管箇五 南亨一箇 北元一箇二箇 北貞一箇二箇

鳳凰鄉集祥里管箇七 北貞一箇二箇三箇四箇 北元三箇 北利一箇二箇

大雲鄉慶雲里管箇四 北亨二箇三箇 北利三箇四箇

已上城內

履仁鄉義安里在城外附郭管箇七 盤門一箇二箇 閘門一箇二箇三箇四箇五

置○已上附郭七
置俱附二十八都

靈巖鄉晏宮里在縣南管都一一都領置

吳門鄉采蓮里在縣西南管都一二都領置

橫山鄉青墩里在縣西南管都二三都領置十四

大平鄉全吳里在縣西南管都三四都領置七
五都領置十三
六都領置
七都領置十五

大吳鄉南胥里在縣西管都一八都領置

吳苑鄉勝化里在縣西南管都二九都領置十三
十都領置四

至德鄉昌舟里在縣西管都二十一都領置三十五
十二都領置十九

胥臺鄉石城里在縣西管都二十三都領置十六
十四都領置十九

南宮鄉新安里在縣西長沙山管都四十五都領置八
十六都領置十九
十七都領置十

七都領置二
十八都領置三

長山鄉光福里在縣西北管都一十九都領置
二十都領置十二

穹窿鄉阜安里在縣西管都三二十一都領置
二十二都領置十三
二十三都領置二十一

置十
三

長洲鄉集嘉里在縣西管都二二十四都領置九
二十五都領置十二

西華鄉懷義里在縣西衝漫二山管都一二十六都領置三
二十七都領置五

遵禮鄉守義里在東洞庭管都二二十八都領置九
二十九都領置五

震澤鄉閭城里在東洞庭管都一三十都領置九

蔡仙鄉白門里在東洞庭管都三三十一都領置八
三十二都領置二十一
三十三都領置三十一

缺相傳沒
入具區

姑蘇鄉梅梁里在西洞庭管都三
三十二都領畝十三
三十四

都領畝
十二

洞庭鄉元宮里在西洞庭管都二
三十五都領畝十四
三十六都領畝十四

長壽鄉習義里在西洞庭管都二
三十七都領畝十三
三十八都領畝十三

市

盧志曰吳市見於傳記舊矣越絕書闔閭舞鶴吳市又吳市春申君所造闕兩城以為市按伍員鼓腹吹篪乞食於吳市漢梅福棄官為吳市門卒皆是也今于將坊即東市門又東則盡市橋西市坊即西市門又西則市曹橋并穀市橋小市橋據此則吳舊市在東西街今在街之南北未詳何時所徙

月城 閶門內出城自釣橋西渡僧橋南分為市心舊有闔閭坊京省商賈所集之處又有南北濠上下塘為市尤繁

盛

楓橋 在閶門西七里地與長邑合治為水陸孔道販買所集有豆市米市有干總駐防

鎮

橫塘 去縣西南十三里有汎有橫塘橋風景特勝唐孟郊詩有未隨洞庭酌且醉橫塘席之句宋賀鑄別墅在焉嘗賦青玉案詞凌波不過橫塘路但目送芳塵去錦瑟年華誰與度月樓花院綺窗珠戶惟有春知處○碧雲冉冉衡

泉暮綵筆空題斷腸句試問閒愁知幾許一川煙草滿城風絮梅子黃時雨范成大詩南浦春來綠一川石橋朱塔兩依然年年送客橫塘路細雨垂楊繫畫船明吳寬夏半

橫塘風日多畫船載酒壓晴波高田得雨皆杭稻長蕩翻雲盡芰荷未必他年成故事也須隨處結行窩悠悠十里城西路此是登山第一歌本朝韓茨越來溪水入橫塘天影湖光浸石梁遠樹半空烘紺碧層峯四面變丹黃漁

船下網桃花漲蟹舍收罾橋實香橋上孤亭傳好句每因東野立殘陽

新郭 去縣西南十五里在橫山下圖經續記云隋既平陳江南未服聚為盜賊文帝以楊素為行軍總管討之追擊

至蘇州移郡邑於橫山下
此新郭者當時之遺址

橫金 去縣西南三十里

木瀆 去縣西南三十里近太湖口居民稠密入太湖者皆取道於此有巡檢司有把總駐防有東西口二汛明吳寬

詩舟行三十里初向瀆川過客路偏逢雨人家盡枕河

光福 去縣西五十里采范成大詩指點炊煙隔蒼蒼午殮應

空衣上絮雨來何晚稻初芒祇今農事村村急第一先陂

急烟凝柳色低湖魚論斗換野菌

社下 去縣西一百十里相傳唐柳毅為洞庭君女寄書橋社

橫煙裊處雞豚社落日濃邊橘柚山八表茫茫孤鳥去萬

生擾擾一舟閒湖心行路平如鏡陸地風波却險艱

村

常舍 石塔 王家 張老鴉 仙人塘 鬻塘 蠡野

○王志 朱團 樊村 尹搭 胡搭 夏搭 彭涇 謝湖

薛家 陳灣 姚家 范巷 張古 石狗 寺下陳

一前莊 管瀆 趙舍 前朱 後朱 南殿 北徐

下周 石家 上沙 采范成大詩水邊犬吠隔疎林籬落蕭

暮寒 下沙 施家 已上三 梅灣 顧搭 盛搭 章家 孫

莊 感慈 薦福 練墟 下陂 稜塘 周家 胥口

西趙 寮橋 香山 陳家 東陳 胥廟 浦莊 已上五

勝化 東化 南化 太平渠 上保 下保 已上七都 長源

石橋 大吳 澤塘 南胥 王家 西吳 李巷 反陂

馬舍 長墟已上八都 雁蕩 花園 沙涇 江村 獅山

板橋 孫家橋 何山 萬巷 呂巷 曹巷 徐巷

塔子 墊橋 下王 包巷 下沙 下園已上十都 陳巷至十二都

東甲 西甲 胡搭 朱塔 花園 施搭 南馬 北

馬 黃山南 黃山北 唐巷 張老鶴 中家 嶼村

吳家 方家 徐盛 金家 柳搭 下沙 下園 譚王

莊 馬莊 顧搭 前巷 後巷 張家巷 史搭 東跨

塘 西跨塘已上十三都 東陽 西陽 呂山 南宮 新安

長沙 東吳 西吳 沈巷 南張 褚巷 東廟 陳

巷 劉家 周山 梅舍 郁舍 西塘 吳璠 上崩

下崩已上十五都 市墟 徐家 迂里已上十都 東安 西安

錢家 石橋 下錢 南張 通安 小灣 周巷 王

家 阜安 梅舍 東陽已上二十都 東陳 孫舍 仕岸

顧恩 黃墟 郁舍 馬山 東馬 西馬 吾山已上二十

三都二 西華 邢舍已上二都 周灣 白沙有 紀革 韓山

蔣灣 嵩下 南葉 北葉 石橋 趙灣 楊灣有 北巷

南巷 長圻有 六都已上二十八都 白湖 澄灣 屯灣 豐

圻 金灣 查灣 陳嶺 石壁 小長巷 上金 吳灣

嘶馬塢 寒山 梁家瀨 毛園 南望 北望 胡沙

席巷 有上席中席下席 翁巷 葛灣 重亨 俞塢 金塔 施

巷 葉巷 下楊灣 西金 吳巷 諸家巷 金家湖 上已

二十九都三十都。自周灣 牢村 鳳凰 園公 東墅 已下四十五村俱在東洞庭

西墅 金塔 東寶石 已上三十二都 東蔡 西蔡 舟頭 至三十四都

有把總 崦下 新村 元宮 西寶石 永安 已上三十

六 圻村 本朝吳偉業詩萬壑響鳴蟬湖光樹杪懸雲鬢神

都 圻村 女廟雪乳隱君泉山籠櫻桃重溪船菱芡鮮相携從

此住松老 趙家 孫巷 曾家 大平 王家 已上三十七

不知年 趙家 孫巷 曾家 大平 王家 都三十八都

○自牢村已下二十 長洲縣鄉十三 與元和合者 都二十二 卣三百三十七 長元二縣城

樂安上鄉仁壽里管卣二 文一卣

上元鄉全吳里管卣二 文二卣

東吳上鄉顏安里管卣一 地一卣

樂安下鄉仁壽里管卣二 元二卣

鳳池鄉澄胥里管卣二 亨一卣

大雲鄉慶雲里管卣一 利二卣

道義鄉守節里管卣一 貞二卣

已上城內

彭華鄉功成里 全 在縣西北管都五 一都領卣二十三

卣十五 四都領卣十 七 五都領卣十六

鄉都

六

武邱鄉采雲里在縣西北管附郭一都一五二都三都

五東六都領都十一西六都領都十一九都領都十一七都領

儒教鄉從化里全在縣北管都四十一都領都十五東十三都

領十一西十三都領十六金鵝鄉金栢里全在縣北管附郭二齊一都三上十四

十三下十四都領都十六益地鄉金生里在縣東北管都四下十七都領都十三中

都領八西十八都領都十依仁鄉仁義里在縣東管都一北十九都領九

市 姑蘇志在樂橋稱為市心 古有東西市今名存市廢

大市 去縣北四十里 黃埭 去縣北四十里 有把總

相城 去縣東北四十里 相傳吳王闔閭先於此相度築城故 誰為曲防水失其性奔逸橫流為厥民病原田每每隰除之

湯湯咫尺之間有豐有凶郡侯下車咨我民瘼首議除之 衆議乃格衆言洵洵侯為不聞怨斯我任惠歸爾民防之

未決水不由正一郡之憂百夫則幸防之既決水逝其沛 百夫之咨一郡斯快頻年吳下歲乃大豐歲乃大豐郡侯

之功相城鼓舞白茅企而白茅相城利害百之惟行不疑 惟功不隳郡侯去矣誰其嗣之本朝汪琬極望水悠悠

炊烟逐水流鳧鷖爭喜雨荷芰最宜秋繞岸修殘壩當門 繫小舟此中營卜 築何啻似汭瀕

鎮 去縣西北二十五里亦名許市圖經云秦皇求吳王劍 白虎蹲於邱上逐之西走二十五里失劍不能得地裂

許墅 去縣西北二十五里亦名許市圖經云秦皇求吳王劍 白虎蹲於邱上逐之西走二十五里失劍不能得地裂

鄉都 七

蘇州府志

卷二十八

鄉都 七

為池因名其地曰虎膠唐諱虎錢氏諱鏐改濟市明有巡檢司後裁設戶部分司鈔關今仍之有把總駐防雍正九年移吳塔巡檢司於此

陸墓 在齊門外六里因宣公墓為名居民多造窰及織汗巾為業

蠡口 在縣北十二里其西為長蕩黃埭蕩接漕湖通無錫界北逾冶長涇永倉敵樓抵常熟界東北經彭堰陽城湖

施澤湖通崑山界為郡之北門

金墅 去縣西北五十里

望亭 去縣西北五十里有汛圖經續記云在吳縣西境吳先主所立謂之御亭隋置驛唐改今名蓋孫吳時長洲未分故在吳縣境也詳見舊驛

射瀆 有張由巷

徐家 水東 余村 祝巷 秦村 虞

家 捍村 翁里巷 已上一都 丁家 馮巷 謝家 嚴巷

江巷 董巷 白坊 宋巷 曹巷 新塘 南楊家

西袁李 南王巷 已上六都 永昌 東禧 西禧 錢巷

李村 馬保 奚莊 芮埭 楊思巷 謝家莊 新城 已上

十一都至 凌甸 十四都 楊莊 曹村 萬巷 殷巷 石巷

周巷 曹窰 已上十五都 蘆窰 邢塾 王巷 荻扁 鶡冠子 云四里

日扁 已上十七都 西莊 陸墓 晉陸雲衣冠葬處 蓮花梁 西洋村

已上十九都 滕巷 十九都

元和縣鄉十六都二十六箇三百九十七

樂安上鄉仁壽里管箇一 地三 鄉都

上元鄉全吳里管二地二管四管四管四

東吳上鄉顏安里管二仁一管三管四管一

樂安下鄉仁壽里管一亨四管一管一管一

鳳池鄉澄胥里管一利一管一管一管一

大雲鄉慶雲里管二利三管四管四管四

道義鄉守節里管二貞一管三管三管一

已上城內

武邱鄉采雲里管都一管九管都管十二

益地鄉金生里管都一管上十七管都管十五

依仁鄉仁義里管附郭六葑一管二管三管四管四管舊志屬

舊志屬金都四管中十九管都管十四管半十九管都管九管都管九

領管十二

吳宮鄉寶座里全在縣東管都五管上二十管都管領管十六管中

十管都管領管十五管上二十一管都管領管十二

習義鄉孝廉里全在縣東管都三管東二十二管都管領管十三管西二十二管都管領管十四

二十三管都管領管十七

陳公鄉金棲里全在縣東南管都三管二十四管都管領管三十七管上二十五管都管領管十七

下二十五管都管領管十一

蘇臺鄉貞豐里全在縣東管都四管中二十六管都管領管十一管南二十六管都管領管十六

北二十六管都管領管十三管二十七管都管領管十七

東吳下鄉顏安里 全 在縣東南管都二 二十八都領畝十一

七

尹山鄉堵城里 全 在縣東南管都三 南三十一都領畝十二

都領畝十六

市

王墓 去縣東二十里

尹山 在中三十一都去縣東南二十里有汛

鎮

唯亭 在十九都去縣東三十五里有把總駐防一作夷亭吳地記云吳王闔閭十年東夷寇吳王結亭於此以禦故名舊無潮汐宋紹興中始有之不二十里有道人云潮到唯亭出狀元後果驗明一統志曰怡亭其西三里為小

唯亭明王整詩早潮時去晚潮回陸市巴城迤邐來咫尺唯亭看又過人生行止信悠哉

舟直 陸龜蒙嘗居此明高啟詩長橋短橋楊柳前浦後浦荷

花人看旗出酒市鷗送船歸釣家風波欲起不起烟日將斜未斜絕勝茗中刻曲金鑿玉鱸堪誇唼唼綠頭鴨鬪翻

翻紅尾魚跳沙寬水狹江穩柳短莎長路遙人爭渡處斜日欲圓時大潮我比天隨似否扁舟醉臥吹蕭江廟漁

郎晚祭津亭估客朝過鐘邊山遠水遠篷底風多雨多飢蟹銜沙落籬黠禽映竹窺羅了頭兩漿休去為唱吳儂棹

歌橫網不遮過客渡船時載歸僧炊菰飯勝炊稻采蓮歌如采菱烟外晚村弄笛沙邊夜店停燈短簑舞拍銅斗我

亦年來稍能。按甫里塘自界浦以西縱廣約里許故曰甫里六直浦自界浦以東有大直浦屬崑山

其間南北可通六處故曰六直浦屬崑山縣俗訛甫里為六直又訛六為舟非也

陳墓 在上二十都去縣東南五十五里宋光宗妃陳氏葬此

周莊 在南二十六都去縣東南七十里有千總駐防其西南屬吳江縣東屬松江青浦縣

徐莊 在上十都

韓鎮 在南二都

章練塘 在二十八都去縣東八十里近松江三泖口有汛與吳江縣接壤

村

王家角 五深涇 車涇 沈墊 已上上七都 戴墟 陸市 後

戴墟 綦村 已上中九都 張巷 王店 西張 後巷 青邱

歸家港 已上半九都 趙巷 金家莊 許馬 褚巷 已上南九都 雲龍

東十楊涇港 西蕩 邵塔 金村 古村 已上上九都 西洋

東洋 張林山 孫墓 已上中二十都 唐村 施村 已上上下十都 龍潭

南盛 鳳里 已上上二都 陽城 沙區 已上上下十一都 王墩 蕭涇

陸涇 薄巷 張凌 清水港 懸珠 大吳 已上東十二都

張涇 前莊 陸家莊 下雉瀆 戴家 南吳 南莊

毛塔 朱塔 已上西十二都 潭涇 朱家 褚涇 王墊 東朱

曹莊 已上二都 北顧 蔣巷 韋巷 金涇 章墓涇 黃

泥坂 已上二都 吳巷 斜塘 瓊姬墩 已上上十五都 華林 唐浦

去縣東二十五里當吳松江折而南處又東十五里為舟直舊為鎮今有汛 已上下二十五都 東管 穎

村 已上中二都 姚城 本作搖城詳見古蹟 祁莊 已上南二都 王村 三姑

合塘 席墟 已上北二都 大姚 車坊 吾村 已上二都 竹墩

陳灣 南村 蕩裏 瓦屑涇 顧墓 晉將軍顧榮葬處詳見冢墓 已上二十

九獨壘 高墊 郭巷 金園 已上北三都 官浦 中三十都 褚墩

鄉都 土

瓜涇已上南三十一都

崑山縣鄉三保七

全吳鄉在縣西南管保二五保六保

泖川鄉在縣東南管保二七保八保

永安鄉在縣東南管保三十一保十二保十三保

市

半山橋市在縣治西北崑新合治民居輻輳朝夕為市舊在寶月橋南為市中心又有後市在後市橋西紅橋市

在縣西北今並廢若古經所載都場市永安市皆不可考

陸家浜市舊志作祿葭浜在十二保木瓜浦夏駕湖南去縣東南二十四里創於明宣德初今有千總駐防

鎮

泗橋在十二保去縣東南三十六里其地商賈輳集明有稅課纂節

石浦去縣東南四十里南通澱山湖北枕吳淞江宋狀元衛涇所居

安亭去縣東南四十五里有汛東與嘉定縣接境明有稅課子局

蓬閘去縣東三十里有汛南屬崑山縣北屬新陽縣東北與至其地因名牌落以涉方言為諱

諱宏治間知縣楊子器易今名

千墩去縣東南三十六里地屬為區有巡檢司自石浦移駐有汛

吳家橋在千墩南六里地屬區

楊及涇一作楊搶涇去縣東南四十六里地屬王區

張浦去縣西南二十里地屬致區

上明殿去縣東南四十里地屬律區

村

薑里 金塗 大慈 弓巷 蕭巷 橫涇 楊巷 刹力

東西管涇 盛蕩 周巷 洞邱 韋塔 東高 趙靈

薛浦 張潭 莫巷 陳巷 湯墩 金巷 上段 塘

涇 已上五保六保 陳巷 孟巷 周蕩 夏甲 蕭市 陶湛 葉

蕩 南徐 井亭港 青浦朱家角北隅 謝路 金家莊 磧礪 楊

村 盛涇 八王 秀王莊 度城 詳見古蹟有汛 裴莊 湯巷

湓浦 善浦 首墓 古卯 太平 唐家甲 陸虞浦 已上

七保 陳巷 潘巷 木瓜 西張 梅段 姚陸 韓涇

八保 駁巷 祁巷 于巷 顧墓 吳郊巷 景巷 陶巷 徐

莊 南戴 曹村 沈巷 唐家湖 唐巷 周巷 黃巷

顧巷 東馮 毛巷 衛巷 新村 韓村 三徐 已上

十二十三保

新陽縣鄉四保七

積善鄉在縣西北管保二 一保二保

朱塘鄉在縣西管保二 三保四保

武原鄉在縣東南管保二 九保十保

惠安鄉在縣東北管保一 三十保。姑蘇志不載舊府志云

時因十四保以下俱割屬太倉而去不知尚存一保也今補正

市

周市 在縣東北二十里新塘北與東俱接太倉州境

鎮

兵墟 去縣東南十八里東通太倉州南接吳淞江明有稅課子局

眞義 去縣西十八里即古信義縣地今繁盛於諸鎮有巡檢司自巴城移駐有汛

巴城 去縣西北十八里詳見古蹟有汛

村

婁縣 詳見古蹟 圓明 王巷 蔡巷 施巷 朱瀝 郎墅 季

巷 雍里 呂巷 顧墩 唐莊 石碑 楊巷 北新瀆

楊家 湓瀆 蔚洲 長墩 顧墓 支巷 瀾漕 已上一保

二保 毛巷 顧巷 航頭 綽墩 詳見新瀆 平樂 武城 詳見

古蹟 界牌 景村 蔡巷 莊巷 高墟 黃瀆 華翔 薛

莊 張巷 楊莊 馬莊 陳墩 姜巷 徵里 古巷

刁涇 顧巷 已上一三保 陶仁 盧家 朱巷 于巷 東王

沙葛 景巷 徐里 王志作李 車塘 何莊 道印 朱張 東

張 姚巷 許家 董村 奚村 王家 韓涇 孔巷

徐家 杜巷 羅巷 許張 夏界 强巷 鮑巷 已上一九保

吳莊 董村 谷息 陸浦 長段 豸洗 楊莊 後羅

王里 柏家 吳家 腰瀆 橫涇 東谷 泗里 何

村 唐村 已上一三保

常熟縣鄉八 與昭文合者四 都三十 與昭文合者六

感化鄉 全 在縣西南管都七 一都今一區領畝六 二都今二區領畝七 三都今三區領畝

畝五 四都今四區領畝四 五都今五區領畝 六都今六區領畝七 七都今七區領畝八

崇素鄉 全 在縣西北管都三 八都今八區領畝八 九都今九區領畝七 十都今併九

區

南沙鄉 全 在縣西北管都六 十一都今十區領畝八 十二都今併十區 十三都今併十

一區 十四都今分十一區領畝六十二區領畝八十三區領畝八 十五都今十五區領全畝六不全畝三

六都今併十八區

端委鄉 在縣東北管都五 十七都今併二十區 十八都今併十八區 十九都今併十六區

二十都今併十八區 二十一都今併十八區 二十二都今併十八區 二十三都今併十八區 二十四都今併十八區

畝六

開元鄉 在縣東北管都二 二十三都今併二十一區 二十四都今併二十一區 二十五都今併二十一區

三區領畝五

雙鳳鄉 在縣東南管都二 二十六都今併區未詳 二十七都今併區未詳 二十八都今併區未詳

二十九都今併區未詳 三十都今併區未詳 三十一都今併區未詳 三十二都今併區未詳 三十三都今併區未詳

三十四都今併區未詳 三十五都今併區未詳 三十六都今併區未詳 三十七都今併區未詳 三十八都今併區未詳

積善鄉 在縣東南管都二 三十九都今併區未詳 四十都今併區未詳 四十一都今併區未詳

四十二都今併區未詳 四十三都今併區未詳 四十四都今併區未詳 四十五都今併區未詳 四十六都今併區未詳

歸政鄉 全 在縣西南管都五 四十七都今併區未詳 四十八都今併區未詳 四十九都今併區未詳

五十都今併區未詳 五十一都今併區未詳 五十二都今併區未詳 五十三都今併區未詳 五十四都今併區未詳

區四

在城 畝十二 東南一半 畝四 畝五 半畝 西南一畝

市

縣市

在縣治西 慧口寺前

楊尖

在感化鄉四都去縣西南四十五里西接無錫 北通江陰舊傳楊姓者建市於此尖以地形言

河陽市

在河陽山東感化鄉 去縣西北四十里

奚浦市

在南沙鄉去縣北七十里有 汛北通大江饒魚鹽之利

西徐家市

在河陽山西 南沙鄉有汛

唐市

舊名尤涇在雙鳳鄉去縣東南三十里又東南則崑山 界有把總明徐麟詩夜泊尤溪官橋可繫船蛙鳴 夜雨鼓打五更天小店俱茅屋荒村 只水田觀風愧瘵職撫枕不成眠

練塘市

在歸政鄉四十七都 去縣西南三十五里

大河市

去縣西 十八里

田莊市

去縣西北三 十里有汛

范家市

去縣三里自城東南下白茆港夾河為市者 西曰范家市屬常熟東曰陳家市屬昭文

鎮

福山

在端委鄉去縣北三十六里有城周三里明嘉靖中倭 警知縣馮舜漁任江陰縣主簿曹廷慧築之以置防江 之戍萬歷中知縣楊漣修 本朝康熙二 十一年知縣高士鷄重修今有游擊駐防

鹿苑

在縣西北七 十里有把總

慶安

在縣西北八十里南沙鄉舊名石 闡市宋元豐間改為鎮今有汛

常熟鎮

琴川志在縣東百二十 步今廢猶有鎮橋在焉

村

山前 湖村

小山

下祔

寶巖寺前

已上都

塘頭

顧莊

野塘

縣志作治

東水頭

河泊市

湖莊

已上都

東西花林

道

林 沙堰

城綴

充陂

柴村

夾舍

五林

孫舍

錢市

鄒莊

周莊

已上都

黃屯

後莊

馬市

石塘

杜

朱堰

陳塘

羊莊

宗母宅

西石靖

白塔堰

已上都

四都

麻

鞋 鍾綴

陳黃

支市

東石靖

李甜市

毛巷

嶺

村 晏莊

錢市

晏村

已上都

下市

陸市

干塘

東干

塘 富市

潘塘

童莊

伍市

中澳

已上都

六都

錢莊

蔣祔

塘澤

蔣舍

林莊

顧莊

頂山

已上都

七都

英舍

東徐

西徐

西莊

陸塘

朱村

徐岸

魏莊

黃村

祔村

至塘

虎忽

水北

張市

蔡合

袁市

怯村

東

邵市

西邵市

河陽坊前

已上都

八都

湖下

中澳

下澳

河

陽山前

河陽橋

厚村

邵巷

焦宅

陶蘆舍

已上都

九都

北

莊 蔡舍

孔涇

凌莊

蔡村

塘橋

南莊

村後

已上都

十都 烏村

徐舍

闕莊

東邵舍

塘下

金莊

慶安寺

前一

已上都

顧沙港

涸岡

高市

新產

界涇

東檀祔

西檀祔

已上都

二都

新莊

陳陸園

王十二塾

楊澳

黃

泗浦

有巡檢司有

已上都

蘆舍

榮莊

尹涇

姜村

草長

毛巷

戴巷

奚浦橋

已上都

四都

孟市

尹市

邵塔

新安

李埭 侯村 西官城 盆社已上十都 東屋 景市 李

烏 潘邴 下皋 桑舍 西山 蒲林已上十都 吳涇 孫

舍 陶舍 稠巷 鰻魚浦有謝莊 蘆浦有陶山 西山

西楊橋已上十都 河灤 吳涇 新漕 安樂 崔浦橋已上

十八都 黃鶯 耿涇 野兒漕 中沙 崔浦有汛〇已 鵝城

二十都 花莊 花社 檀林 水門塘 陸莊 福山棚前已上

二都 尚舍 河市 付子 西下市 後舍 闔閭 陸莊

高市橋已上二都 陶莊 葉莊 九折折一作澗 周市 辛莊

東下市已上二都 沙營 海頭 西桑林 包橋 高可甲已上

三十都 唐洞涇 山涇上 顏家灣 屈家渡 陸涇 鄔邱

山 金莊已上四都 七星橋 黃涇 莫城見古蹟 昆城湖南

草蕩 畢澤已上四都 大潭塘 華蕩 鏤門塘 石岸頭

張家田 東始莊 陶蕩 中潭塘已上四都 李宅前 茆塘

橋 王家 陸店 洗馬池 惠洞涇 南塘 金市 藕

蕩 柴涇 時村 戈市 下莊 斜橋下塘 丁家港已上

四十都 尚湖村西 下莊 秦塘橋 諸岸 鄒黃墓 胥墓

水南 平市已上四都 陳埭 朱巷 蔡姑 荻村 錢舍

蔣塾 陶舍 顧涇 吳塔 界程 石灰匯 東顧莊

已上四都 前周 李邴 東邴 惠舍 西顧莊 韓莊 宛

山 鸛窠 烏啄縣志作嘴 西蔡姑已上四都 錢塘 瞿里 蒲陂

東舍 西舍 馬廩 惠市 楊尖市南已上五

昭文縣鄉五都十八

端委鄉在縣東北管都二十一都今分十四區領畝五十二

七區領畝十

開元鄉在縣東北管都三十二十四都今分二十二區領畝二十二

分二十四區領畝六二十五區領畝六二十六區領畝四

二十七區領畝六二十六都今分二十八區領畝十二

十九區領畝十

思政鄉全在縣東南管都五二十七都今分三十區領畝六

今分三十二區領畝八三十三區領畝九二十九都今

三十四區領畝七三十都今三十五區領畝七三十區領畝十一

雙鳳鄉在縣東南管都六三十三都今三十七區領畝八

三十九區領畝八四十都今分四十三區領畝三四十一

區領三畝半四十二區領二畝半四十三區領畝三四十一

四區領三畝半四十五區領畝三四十一都今分四十四

六區領六畝半四十七區領畝六四十二都今分四十五

八區領一畝半五十一區領二畝半五十二區領畝二四五

十四區領畝半五十六區領畝五五十七區領畝五十四

十三都今分五十九區領不全畝四十六區領畝

積善鄉在縣南附郭管都二十四都今分六十六區領七

八區領畝一六十九區領畝一四十五都今分七十四區領畝二十七十五區領全畝一不全畝二

在城畝七東南一畝二畝三畝西北二畝半畝東北

老徐市在二十八都去縣東五十里跨李墓塘一名李墓市

董家浜新市 在二十八都去

蘇家尖市 去縣東二十餘里衆水所

李市 在雙鳳鄉去唐市東南六

陳家市 在四十四都

白茅新市 在四十二都去縣

珍門廟市 在梅里南六里又沈

周涇口市 在二十八都去縣

王家市 在二十一都去縣北三十里旁

趙市 在何村東北去縣三十里又

文村市 北有彭家市又北有項市

碧溪市 在周涇

西周家市 在碧溪

小吳家市 在徐六涇

老吳家市 在三十都小吳市東南五里

周家市 在老吳市

橫塘市 在三十都去

歸家市 在白茆北去

張家市 在歸家市東亦名雙浜

何家市 在三十里有汛接太倉州花橋界

鎮

梅李在開元鄉去縣東三十六里琴川志引慶元志云吳越

錢氏遣將梅世忠李開山戍此以防江北南唐之兵居

支塘在四十一都雙鳳鄉去縣東北四十五里因白茆港支

塘流故名亦作芝張士誠嘗築城於此後折毀移贅太倉

墟六月雨餘天一把總駐防明龔詡詩北望寶芝三十里村

許浦在思政鄉去縣東七十里臨江宋時有水軍寨舊設巡

樓船張水陣幕府壯雲麾江口衝寒急

徐六涇在三十都康熙間

村

馬暢 千步涇有瓦浦有邬溝 太平寺 黃泥已上二 大

坐 新莊 高墓 青村 杏莊 花莊 陶舍 東馬暢

何村 塘坊橋已上二 哮塘 陳莊 辛舍 九里 薛

莊 官璉 三村 西曹莊 黃莊 東顧 西顧 鄭莊

瞿舍 雉浦橋已上二 吾里 陶涇 馬及 東曹莊

笋莊 李村 勝法寺前已上二 楊塘 長毫有北舍 沈

塔 均墩 寺涇 施村 徐鳳坊前已上二 東李墓 西

李墓 南港 北港 季渭橋已上二 羅濁 逆上 賀衫

橋 包糜 白蕩橋已上二 新莊 五浦 黃泥 官竹園

唐浦有朱堰 翰村已上三 高浦有金涇 海頭 白艾

官莊 凌莊 黃沙已上三 西顧莊 六下河 東桑林

鄉都

已上三都 桂村 八赤 湖漕 南港 北港 蘆荻 徐鳳

東丁涇 已上三都 三橋 朱巷 瞿涇 斗門 任陽 去縣東南

六十里其地最窪又東南十里為直塘市又六里為雙鳳鎮今皆屬太倉州 已上四十都 坊前 赤沙

河舍 已上四都 周莊 馬莊 下廟 周涇 黃村 下莊

宣塘 市宅 荻塔 馬涇 張塘 羅馬舍 已上四都

潭塘 洋澳 時澤 舍澤 郎城 薛澤 三家村 已上四都

三五瞿 在縣東南五里所釋用潛詩吳郡北陲荒索甚五瞿都風景冠南沙沿村楊柳十餘里繞水人烟三百家土

物偏宜種菱芡生涯多是捕魚蝦明 戈莊 祐村 斜橋

年幸得身强健載酒重來看藕花 青亭 呂巷 張港 於沾 沼頭 已上四都 陳市 瞿市

茅市 錢市 觀莊 大步 塔下 興福寺前 瞿家塾

已上四十五都

吳江縣鄉四 與震澤合者三 都十四 與震澤合者七

范隅上鄉在縣北及西南管都四 一都領全畝十七不全畝二都北領全保五不全畝

全保三全畝二不全畝四 三都東領畝十五 三都西領全畝一不全畝二 二十三都東領畝二十 三都西領全畝一不全畝二 二十三

都西領全畝九不全畝四

澄源上鄉在縣南及西南管都四 十八都領全畝五不全畝三 二十都領畝十三

二十一都領畝八 二十二都領全畝六不全畝一

范隅下鄉在縣東管都三 二十四都領全畝十三不全畝二 二十五都領畝二十二 二十

六都領畝二十七

久詠鄉 全 在縣東南管都三 二十七都領畝二十一 二十八都領畝四十 二十九都領

十三

市

縣市 在北門外月裏灣吳淞江西濱太湖號江上城內後河之南及西北二門水之東屬吳江北及西屬震澤

江南 在東門外一里長橋東

八斤 王志作八赤陸游入蜀記作八測在三都去縣東南二十五里運河所經為南北衝要有汛宋楊萬里詩垂虹

登了劣歸船又復浮空晴水天節裏無多好天色闌風長雨餞殘年去年今日鳳山頭兒女團欒爭勸酬不及松江

烟雨裏獨搔華髮一扁舟明王叔承殘星點點照船明敲石寒爐曙火生推枕坐着江市過夢中聽得賣魚聲

新杭 在二十一都去縣東南九十里其南接秀水王江涇

黃家溪 在二十三都去縣東南六十里即舊青草灘有汛宋黃由築別業於穆和溪之尾孫繁衍遂名黃家

溪居民多業機杼明沈周詩一水自西東春流浩蕩通樓臺倒明月舟楫坐長空草舍漁隈合柔桑蠶戶同行交頌

記勝要自太湖翁

庵村 在二十七都去縣東北十六里有汛居民多鐵工

鎮

盛澤 在二十都去縣南六十里有把總駐防居民蕃阜以綿綾為業商賈販繒遠近輻集

同里 在二十六都去縣東十六里唐時名銅里宋改今名明有稅課局今廢有巡檢司有把總為縣東藩蔽元倪瓚

詩一水東西雲窈窕幾家楊柳木芙蓉齊居幽闥無人到展齒經行破薛封窳竹窗虛秋半雨楓林寺遠日沈鐘寄

詩為道長相憶想亦依依念去踪

黎里 在二十三都去縣東南二十里有東西口二汛

平望 在二十四都去縣東南四十里為控扼嘉湖之要道列肆陳貨糧食尤饒運河東南屬吳江運河西北屬震澤

有巡檢司有千總駐防

蘆墟 在二十九都去縣東南五十里與嘉善青浦接境有分湖巡檢司有把總

村

莫舍 一名綺川左石湖右吳山 朱村 有前後二村 陸巷 有前後二村 魚

城 詳見古蹟 邵塔 邵巷 一作邵昂張士誠築土城於此今廢 盛莊 鄭莊 顧墟

周村 江村 潭塔 白洋灣 有馬墓 西張墓 王山

枕王山之麓 蒲圩 鮎魚口東 明墟 東杭 周村 村保 朱家滙

何家溪 石板渠 後唐 密上 吳山 塘灣 塘下

沙田 姚家莊 王家滙 張家帶 花園 隔榆 一作圩

一湖浦 南津 北津 柳胥 木里浦 已上二都北 直路 畫

墩 一名張王墩 青石莊 外徐 郎中灣 已上三都東 包家莊 富墓

下謝 已上三都西 西錢 十八都 前莊 茅塔 有鄭塔 已上二都 呂塔

前姚 下姚 程林 李墩 已上二都 吳涇 施塔 章塔

章灣 市涇 上沈 已上二都 合路 東陵 西陵 卜家

田 姚家扇 三家 白茅墩 焦牙兜 秦家滙 華光

街 虎涇街 石皮街 鶴脚扇 大路 已上二都東 車溪

桑盤 黎涇 洪里 俗稱南村 王家滙 已上二都西 東王 西王

中王 南王 施家灣 鶴鶴兜 張家 陳家兜 施家

梁 徐村 有前後二村 清澤 范瀆 錢田 丁逕 凌家莊

查家港 六里舍 陸家扇 沈家扇 已上二都十四都 龐山 富墓

上塢 一作湖 瓢溪 謝里 夏家 丁家 牛路 白米洪

已上二葉澤 宋墓 吳村 東莊 新街 半墩 麋塔
十五都

帳子廊 西朱 三朱 薛塔 蓮花蕩 倉場 朱家

溪 九里 張塔 馬路 有南北二村 張仙逕 已上二都 嚴扇 韓

墅 郭澤 梅花灣 葛家灣 浦塔 小廂 馬家灣

王塔 楊丫港 小龍港 北入陳湖 黑龍港 狹港 斜港 陸

道判莊 木莊港 南官浜 北舍浜 裴舍浜 華家港

蛇塘浜 陸家浜 已上二都 蘆里澤 里一作塔 南印 北印 江

澤 戴村 有南北二村 梅墩 桑澤 有南北二村 桑一 西浦 狼

廟灣 東龍逕 金逕 一作鏡 杜塔 皇墩 南周莊 陳許

張巷 謝巷 已上二都 西龍逕 蛇澤 陳思 莘塔 在元蕩口

有南北二村 分港 在分湖畔 東顧 西顧 華冢 已上二都

震澤縣鄉五都二十二

范隅上鄉管都五 一都領不全 二都北領全保一不

六三都西領全 七不全 四都領

震澤鄉 全 在縣西南管都七 五都領全 六都領全

領全十四 九都領全十二 十都

澄源上鄉管都四 十一都領全 十二都領全

都領不全

澄源下鄉 全 在縣西南管都五 十三都領全 十四都

十六都領全 十七都領全

范隅下鄉管都一二十四都領全

市

雙楊在十一都去縣西

嚴墓在十七都去縣西南八十

檀邱在十八都去縣西

梅堰在十九都去縣西

鎮

震澤在十都去縣西南九十里西去湖州南潯鎮十二里地

詩村在蕭條數十家扁舟夜泊傍盧花江空歲晚歸心切

水遠山長去路賒帶水野田鳴落四連雲烟樹繞昏鴉勞

村

石里明徐達頓兵梅里簡村在縣東南十五里宋建炎五

今有守烏步湖墓已上二卓墓黃墓已上二朴澤盛

備駐防明嘉靖中禦倭於唐塔非溪已上三橫扇有上下直瀆

充浦 韓家兜 匠人灣 石塘扇 七家 桃花漾

錢家灣 施家扇 吳家涇 張家田 媿極田 盛烏田

陸家扇 倪家扇 陸家浜 潘奇港 新路港 陳家

浜 轉浜已上趙涪 邱涪一名荒浦 東儒林史鑑縣

都莫旦徐師會縣志列六都故兩都互稱儒林本朝雍正

西儒林 葉溲 吳溲有把總薛步 因瀆有丁溲 倪林

宋墓 殷瀆已上都 湯瀆莫旦縣志作瀆 孫保 虞保 成村 石

塔 西半洛 雙林已上都 東半洛 長浜 半浜已上都 曹村

北馬賦王志作八馬夜出 黃家 朴家 東溪已上都 東楊

滙 斜路已上都 蠶澤范蠡養於此 扶罡 前莊已上都 後璉

南馬賦 倚投已上都 陶墩一名顧莊 雷村 歇村


竹里 章奧 西宮 蒜墟已上都 新陳 集賢 前姚

西姚 前宮 後宮 歇墩 胡店 西錢已上都 南麻

徐田 戴巷 下莊 小坊 壘頭 寧家浜已上都 北

麻 秋澤 黃浜已上都 姚田都西 隔江里 溝瀆南

思 北思 橫路已上都



蘇州府志卷第二十八終



70006109

